

84.К0
Т61

**ВАСИЛИЙ
ТОРОПОВ**

МЕДБÖРЪЯЫСБ ВÖРДЛÖМ



КОМИ
КНИЖНОЙ
ИЗДАТЕЛЬСТВО

1990

95
99
04 M

84К0
Т61

ВАСИЛИИ
ТОРОПОВ

Медвөрбывлев Вөралөм

Висьтгяс

библиотека
Коми республика
детская библиотека
имени С. Я. Маршана

329028

Коми республиканская
ДЕТСКАЯ БИБЛИОТЕКА
имени С. Я. Маршана

Сыктывкар
Коми книжное издательство
1990

84 Ко — 4
Т 61

Рецензент Л. А. Лыткин

Торопов В. П.

Т 61 Медбөръяысь вөралом. Висьтъяс.— Сыктывкар:
Коми книжной издательство, 1990.— 112 л. б.

ISBN 5-7555-0278-1

Койгорт сиктса учительлөн тайö мөд книга. Василий Павлович Торопов висьтъяссö сиö шөр арлыда да гырысьджык челядьлы, но найöс окотапырысь лыддясны и верстыö йöз. Автор радейтö коми вөр-ва, тöдö пармалысь аслыспөлöслунсö, зверь-пöткалысь оласногсö. Висьтъяс, серпасъяс подулын — кывлөм-аддзывлөмтор. Ги-жöдъясыс чуксалöны видзны мянöс кытшалысь вөр-васö, велöдб-ны бурö.

84 Ко — 4

Т 4702310100 — 059 31 — 90 м
М 128(03) — 90

ISBN 5-7555-0278-1

© В. П. Торопов, 1990

МУРЗИК ВОИС БӨР

— ОН КӨ ЛОТӨ ҚЫТЧӨКӨ, ловсө босьта грекө вөйтисьлысь, голя помөдз вайөдіс,— Гудыровьяслөн мамыс эз өтчыдысь нин норасылы рытъясын, кор ставөн чукөртчывлісны пызан гөгөр.— Кань шусьө, а пөльзаыс гыж ыджа абу, шыр-крыса пож кодя розьөдлісны гөгөр, а сійө пельнас оз вөрзьөд, пөрысьө-нэмө скөнъ ву-нөдіс ассьыс ремеслөсө, өти кырсалөм юрас.

— Тайө нө кытчө, ловъя ловсө? Гашкө, садьялас — ...татшөм здукьясө пыр өткодя вочавидзліс батьыс.

— Карнан сылы гөрбас, садьялас! Мед вөлі веса-лөма син водзысь,— ещө на пузбыліс мамыс.

Веськыда кө шуны, бөръя кадө Мурзик збыльысь мөдіс ёна дөзмөдчыны. Вой кежлө ывлаө оз вөзйысь, сы ни садь узьө паччөр вылын, сэсся, тыдалө, мыйкө воас юрас, мөдас няргыны вой шөр войын да сэтшөм мисьтөма да нора, быттьө ловъя вывсьыс голясө пилитөны, садьмөдас став узьысьөс. Мукөддырйи вошавлө вежон-мөд кежлө. Төдөны сылысь гуляйтөмсө, сійөн и некод оз казътыв, не кө лыддыны Катшыслысь аслыс-сяма олөмсө: исасьө, никсө, быттьө мыйкө оз тырмы сылы. Сэсся коркө-некоркө кань воас жө. Пельясыс ещө на чошкөдчөмаөсь, чужөмыс путьтөм, муртса синьясыс дзувъялөны — сэтшөма пурөмны-борөмны, көть он и видзөдлы сы вылө. Уськөдчас сөян вылө, пөтны оз вермы. Тшыг карысь, пө, воөма, сэки шулывлө мамыс.

Өтчид батьыс водзджык воис удж вылысь, мамыс роскөн вөтлысьө Мурзик бөрся. «Он тай сдокнит, нэмөн мынтөм!..» Вөлөмкө, керка стенысь, дзик вевт дорсьыс, төлөдны өшөдөм яй шодз уськөдөма, яйсө понъяс нов-лөмаөсь. Мөдысь Мурзик вештіс миска вевт, пызь-пытшкын крысаяс пируйтөмаөсь, пызьөсь бөжъяснас сарай джоджсө быттьө мелөн визьйөдлөмаөсь. Лөгась-төг татчө он ов.

— Пач пѳданад тай томан ковмас ѳшѳдны. Сѳсся нѳ оз ли мый аддзыны синъясыд шапка новлысьлѳн?— дивуйтчис и шензис мамыс.

Шапка новлысь, дерт, тѳдїс и аддзис каньлысь пакѳститчѳмсѳ, мыйсюрѳ ещѳ эз на вайѳдлы гѳтырыслѳн пельясѳдз. Да кыис тай оз лыб лѳк ногѳн изведитны кывтѳм пемѳссѳ. Но кор ѳтчѳд Мурзик уськѳдїс джѳджѳ ыджыд пач водзысь шыд чугун, кутчысьны эз вермы (челядыс вѳліны буретш школаын). «Дзикѳдз кырсьыд петїн, лешакѳ!— кватитїс бер вылысь дѳра мешѳк да гаровтїс гѳлбѳчвыв пельѳсѳ йѳршитчѳм каньѳс.— Митрѳпанлы нуа, мед кутѳ бергѳдас».

Митрѳпан ордѳ сиктсаяс важысянь нин вайѳны сѳтшѳм-татшѳм грекѳ вѳйтѳсь живѳтинасѳ. Ставсѳ делѳ вылѳ воштѳ и йѳзѳс мынтѳдѳ. Юрсянь кок улѳдз ветлѳдлѳ ку пытшкын, сѳмын тай сикт кузя бѳдѳтѳг прѳйдитны оз лысьт — понъяс дасьѳсь ульѳн сѳйны.

Но кань тыра мешѳка мужичѳй сикт помѳдз эз мунвеськѳдчис вѳрлань. Кѳть нѳбовтасѳс киняулас эз вѳвсьѳкыд, верстьѳ морт вѳлі ньылѳдѳма — тѳрмасис. Кык лог вуджѳм бѳрын, бѳкѳ бергѳдчѳмѳн тыртѳммѳдїс мешѳкскѳ.

— Эз лыб кийѳ, лѳдзи...— гѳтырыслѳн юалана видѳдлѳм вылѳ пыдїсянь ышловзьѳм бѳрын сѳмын и шуис гортас.

— Сїдзтѳ кѳ, оз на сїйѳс морыс босьт, бѳр воас.

А кызди овсис Мурзиклы, йѳз дорѳ велалѳм ловлы?

Кор сїйѳс эновтїсны ѳтноссѳ, нинѳм эз гѳгѳрво, ставыс тѳдтѳм. Гылалѳм пу коръяс кѳдзыд асылѳ кышакылѳны кок улын. Виччысьѳмѳн пемдытѳдз тапьяліс-ветліс пуяс увтї, нурьясянтор сїдзи эз и сюр. Посни лѳбач котыр эськѳ пыллісны ловпу гар, но пу йылысь найѳс он босьт. Вой кежлѳ меститчис коз увьяс костѳ. Мѳд лунѳ вужля дорысь мойвиис кутны шырѳс. Зѳв эськѳ мисьтѳм, кузь ныра и чошкѳдѳм усьяса, но нем абу вылад и тайѳ сѳян.

Кѳлісны лунъяс, ывла выв пыр кѳдздѳдїс. Ѳти асылѳ петїс вужля улысь — муыс едждѳдѳма. Сѳян корсьны лѳи сьѳкыдджык, торйѳн ѳнї: сьѳд каньлѳн кыйѳдчѳм-сїбѳдчѳм лым вылын ылісянь тыдалїс. Вѳрса олысьяс водзвыв дасьтысисны кузь тѳв кежлѳ: кодї муѳ пырис да эновтчис тулысѳдз, кодї пасьсѳ вежис ас кадѳ, мед не вузавны асьсѳ бѳкѳвѳй синлы. Сѳмын сизь, гортса пемѳсьяс моз, тѳв и гѳжѳм ѳткодь.

Ѳтчѳд Мурзик казяліс муысь ассьыс ичѳтджык

пашкыр да кузь бѳжа зверѳс, мѳдліс вомѳнавны сы-
лысь туйсѳ, да мѳдыд сюсьджык вѳлѳма. Звиркнитіс-
кайис пожѳм вылѳ, ещѳ мыйкѳ шуаліс-видчис аслас
кыв вылын. Урлѳн вомсьыс энѳвтѳм сѳянторйыс эз жѳ
туй — коз пу сир дукѳн ѳвтіс. Мѳдысь сьѳла пуксис вуж-
лядорса куш муѳ, мѳдіс кокавны посни изторъяс, кань-
лы нем эз сулав ѳтчид чеччыштѳмѳн кутны сійѳс. Но
кымынкѳ лун бѳрын век жѳ лои энѳвтны вужлясѳ, кѳть
эськѳ кодкѳ поз лѳсьѳдлѳма улас и вольсавлѳма кос
нитшкѳн. Лым вывті собалѳм бѳрын Мурзик сѳки бер-
гѳдчис «гортас» пемыдгорулын. Нем виччысьтѳг кодкѳ
вувзьысис сы вылѳ, муртса эз весьѳпѳрт. Эз, дерт, сійѳ
тѳд, мый тайѳ вѳлі сюзь, ѳдва мынтѳдчис войся хищ-
никлѳн лѳчыд гыжъясысь.

Некымын лун нин Мурзик исасьѳ-ветлѳ пуяс костѳд,
узьлѳ, кѳні вой суас. Сувтовкерлас, кос пуѳ лѳчталыш-
тас гыжъяссѳ, а сѳян некутшѳм оз сюр. Мукѳдлаті лым-
йыс пасьтала гижѳма вѳрса олысьяслѳн кок туйясѳн, да
сыысь тай кынѳмыд оз пѳт. Ѳти асылѳ тусяпу дорысь
ылысянь на аддзис лыссѳ кокалысь сьѳд лѳбачѳс. Чи-
панъяс вылѳ кань некѳр эз усьлась, но ѳні пыр жѳ ляс-
кис асьсѳ му бердѳ, ньѳжйѳник мѳдіс кыссьыны. Дозмѳр
регыд казяліс лым вылын вѳрѳшитчѳмсѳ, юрсѳ гоньгѳдіс
вывлань дай кыпѳдчис.

Пон увтчѳм шыяс Мурзик неѳтчидысь кывліс и вод-
дза лунъясѳ, но талун сылѳн пельясѳдз воис сѳтшѳм
тѳдса гѳлѳс, мый сорсьыны сійѳ некыдз эз вермы, кѳть
ѳтпырйѳ увтчис сѳ пон. Бытьѳ содыштіс выныс, кузя
нявѳстіс радысла, лым пиѳ вѳйласигтыр уськѳдчис гѳлѳс
шылань, но регыд грымѳбтіс лыйѳм шы и пон лѳннис.
Кань эз вермы кутны асьсѳ, неуна кывзысьыштѳм бѳ-
рын бара кутіс чеччавны пуяс костѳд. Ѳд тайѳ вѳлі
Катшыслѳн гѳлѳсыс! Сійѳ ѳтнас бѳръя кадѳ эз кедзѳвт
Мурзикѳс, эз видзѳдлы лѳк синмѳн, кѳть мукѳд здукъ-
ясѳ и сѳрмывлис гортас воны. Не ѳти тѳвся вой колльѳд-
ліс чѳмйын понкѳд ѳтлаын.

Қор Қатшысѳс вайисны сусед ордысь тѳлысья вар-
гылясьысь кычанѳн, Мурзиклы вѳлі куим арѳс. Каньпи
туйѳ пуктіс кычанѳс. Чургѳдіс кѳ тѳдтѳм пон юрсѳ по-
тшѳс костѳд, Мурзик нин паныд сылы уськѳдчѳ, гѳрбсѳ
бертѳма мегырѳ, чушкѳ пиньяссѳ жергѳдѳмѳн. Оз кѳ
бѳрынтьчы мѳдыс, лѳчыд гыжъя лапанас чашнитас
воысьлысь ныр-вомсѳ. Қолисны вояс, кывтѳм пемѳсьяс
зык-шумѳдз эз воыны, мѳдарѳ, ѳртасьѳмыс крепам-
мис. Петкѳдасны Қатшыслы сѳян, Мурзик кѳ матын,

пон вешйыштас бекар дорыс: видлы, пö, тэ первойöн. Көть и пöт мöдыс, мыйтакö лагыштас гöрдов кывнас. Кань энöвтлiс жö ассыс кыйдöссö понлы, но шыр либö крыса Катшыслы вöли сöмын ворсöм вылö. Керка дортi прöйдитысьяс казавлiсны пон кокъяс улö кöлачö гаровт-чöм каньöс, со, пö, кыдзи олöны пон да кань,— шензис-ны найö. Сы вöсна, тыдалö, и öнi мыйкö эз тырмы Катшыслы, гажтöмтчö ас ногыс, юалана видзöдö керкаысь быд петысь вылö: оз-ö öдзöс вöссöм бöрын, кыдзи водзтi, ёртыс тюрöд бöжсö вывлань чургöдöмөн.

Субöта рытö кöзяиныс бура вердiс Катшысöс, шылькйöдлiс кык пель костöдыс, шуалiс мелi кывъяс: «Гажтöмтчан вöрысь, гөгöрвоа, водзын кык лун мян тэкöд». Асывводз шутөвтiс чомйысь. Катшыс лунтыр котралiс да увтiс, кöзяиныс лыйлiс уръясöс. Мöд асыв-нас пашня сайын кылисны нин увтчöм шыяс, а кöзяи-ныс керкаысь пыр оз пет. Öдзöс дзуркнитiс-воссис дзи-кöдз югдöм бöрын. Морт вылö видзöдлöм бöрын пон пыр жö гөгöрвоис: талун сийö пасьтасьöма абу вөрö пе-тöм вылö. «Сидз артмис, другö, удж вылö корисны»,— Катшысöс малыштитiс юрöдыс да петiс йöрысь.

Öтнасөн кольöм бöрын шог босьтитiс Катшысöс. Сийö дыр видзöдiс вөрлань, кывзысис. Пыр жö син водзас сувтiсны тöрытъя аддзылöм аслыспöлöс кок туйяс. Көть найö вöлины важöсь нин, неуна тырыштöмаöсь лымйöн, нырса пон кылис тöдсакодь дукъяс. Мыйкö дыра весиг исаыштитiс пуяс улын, но сэки кöзяиныс чукöститiс, лои энöвтчыны.

Водзö кутчысьны Катшыс эз вермы, тэрмасътöг петiс йöрысь, сулалыштитiс пывсян дорын, сэсся бара неуна муныштитiс. И тадзи некымынысь сувтовкерлiс вөр дорö вотöдз: то гортладорö видзöдлас, то кывзысьыштас водзын увтчöм шыö. А вөрö пырöм бöрын тöдлытöг сод-титiс мунан öдсö, здук мысти воис пашкыр коз улö, кöнi кöзяиныс тöрыт суйис лазъяс бөръя урсö.

Со кодкö парсалöма вирöсь лымсö, волöма кодкö. Кок туйясысь дукуыс талун ёнджыка гильöдiс сылысь нырсö. Катшыс гөгöртiс шорпöлөнса раскөд — тадзи сийö пыр вöчö вöрын корсьысигөн, мед стöчмöдны звер-лысь кытшысь петан туйсö да вöлись туявны водзö.

Мурзик водзджык кылис пуяс костöд чеччалысь пон-йöс — тöлысь чöж öткөн олöмыс велöдiс кывзысьны быдсяма виччысьтöм шыясö, сийөн и ньöв моз звирк-нитiс-кайис пуö. Катшыс мöдiс чеччавны пу гөгöр, рад-ысла увтышталö никсiгтыр. А кань мыйтакö лэччыштас

мышкөн, видзёдлас увлань, пыр на оз эскыссы, мый тайё ёртыс. Сэсся пурснитчис-чечыштіс жё лым вылө. Пон да кань мөдісны ниртчыны юръяснас, нювны óta-мөднысө. Қатшыс төлкаджык вөлөма: меліасьом бөрын сійө гөгөрвоис, мый налы гортланьө колө сетчыны. Пон мунышто водзө, бөрвыв видзөдлө, думсыс каньөс корө вөтчыны сы бөрся. Мөдыс омөльтчөма, но бөжсө чургө-дөма вывлань, өдва довгө дась тальөм туйөд.

ЕДЖЫД БОБУВЪЯС

Бөлі гожөм шөр. Субөта асылө Қоля новліс пывсянө пес да ва. Сэки казяліс шор дорө лэччысь ордым вылысь еджыд бобувьясөс, чукөрөн-чукөрөн ляскысьөма-өсь-пуксьөмаөсь васөд местаясө. Көтөртіс гортае, мед суөдны батьсө удж вылө мунтөдз.

— Пап, еджыд бобувьясыд петөмаөсь, гашкө, ветла Вадыбөдз. Кольөм во сынъяс бура шедлісны тайө кадас. Вуграсышта, пывсян вөдитігкежлө бөр воа.

— Көсьян кө, ветлы, Да нуөд кодөскө төварыш пыди, гажаджык лөб.

Лөсьөдчыны Колялы абу дыр. Вуграсян көлуйыс нопйын, содтіс сэтчө ичөтик чер да пажынтор. Черыд да истөгыд, пө, вөрад, велөдліс батыс, сөянсьыд кола-наджык. Истөг көрөбыс попъяс, көтасьтөм зептын. Көтөртліс өти-мөд ёрт ордө — мунысьяс эз сюрны. Мөдөдчис өтнас. Петкөдіс йөрсьыс дзуртысь велосипед-вөвсө. Ордымыс эськө лыа выв, но зумыдінъястыд гольгас, век нин өдйөджык воан.

Верст вит прөйдитөм бөрын пөсяліс, пуяс весьтө кыпөдчөм шондыс пөжис нин прамөя. Юыштіс шорысь, мыськис чужөмсө кодзыд ваөн, мөдөдчис водзө. Васөдінъясын, веськыда туй вылас, паныдасьлісны еджыд бобув чукөръяс, тшем жмитчөмаөсь óta-мөд бердас, көть вывтійыс мун — оз лэбзыны. Өти лун, пө, буракө, найө и олөны, коркө шуліс батыс. Сэсся туйыс петкөдіс паськыд видз вылө. Тасянь неылын, вадорын, сула-ліс ичөтик керка. Сійөс вөчлөмаөсь важөн нин, водзджык страдуйтысьяс сәні овлөмаөсь вежонъясөн. А өні кодөс вой суас, сылы и керкаыс сетө шойччөг. Ёнджы-

касõ чери кыйысыяс узьлõны. Турун пуктысыясõс õни новлõдлõны гортас машинаõн — мый нõ сийõ дас верстыд. Ыджыд жырсыяс õдзõсыс гурийв восьса, а ичõтас мыйкõ gryма-грамакылис, быттьõ стенас чужьялисны сапõга кокьясõн. Коля кывзысыштис: õдзõс сайын кодьяскõ пессисны, пельõдзыс воис нораа гõрõктõм. Вõвьяс кõ нин-а? Кызди нõ найõ веськалисны сэтчõ? Мутыяс али мый тойлалис тиянõс керкаас?

Морт гõлõс кылõм бõрын стен сайын зыкыс ещõ на ёнмис. Вõлõмкõ, негырысь чаньяс. Ѓдзõсыс вощõс жыр пытшкõсладорас, пырõмаõсь кокниа, дзесбõмаõсь жарсыс да õвадсыс. А сесся õдзõсыс кызкõ пõдлассбõма, и чаньяс веськаласны налькйõ. Мыйта кõть эз пессы детинка, õдзõсыс чунь пасьта эз вощышт. Пытшладорсяныяс топõдõмаõсь ывлаõ петны зильысь чибõяс. Отсавны некод эз вермы. Видз вылын ни берег дорын некод эз тыдав. Керка пытшкõссянь мисьтõма чилõстõм пõсьõ шыбитис зонкаõс, мый вынсыс тойыштис õдзõсõ, сийõ эз и вõрзыйв местасыс. Мõд делõ — вощис кõ талань. Сэки эькõ и чибõясыс эз йõрмыны.

Керка пельõсõд кайис вевт вылас, вештыштис õти тьõс (ичõт жырьяс пõtõлõкыс эз вõв), видзõдлис увлань. Стен бердõ жмитчõмаõсь вит чань, быттьõ кодкõ пõвьяс костõ топõдõма кынõмнысõ. Тыдалõ, некымын лун да вой тани сейтõг ни ютõг. Со стенõ розявтõдз õтилати йирõмаõсь, тыдалõ, сов мешõк коркõ видзлõмаõсь джаджьяс. Некод абу веськавлõма кольõм луньясõ татчõ. Волис кõ õд, и мездис.

«А бертовтны кõ õдзõссõ», — воис юрас мõвп. Дзирьясыс õдзõсас ас дорõм, налõн асланыс посводз õдзõсас сэтшõмõсь жõ. Неважõн батыс кокниа мынтõдлис õдзõссõ, дзуртõ вõли да, лõсьõдис.

Зорõд местаысь вайис коз пу майõг, вõсньõдыштис чернас помсõ, мõдис тувьявны порог да õдзõс костõ. Чышкыштис пõсьсõ, став тушанас õшйис майõг помõ, бертовтис увлань. Ѓдзõс дзуртыштис, сетчыштис неума, но дзирьясыс, тыдалõ, чорыда нин сёмõмаõсь, дзикõдзсõ эз торьявны. Дай мõдарсяныяс кывтõм пемõсьясыс õдзõссõ пыкõны. Кымынысь эз ёсьтив майõг помсõ, нинõм эз артмы.

Кõсийс нин мунны сиктõ, корны йõзõс. Но жаль лои энõвтны мучитчысь чибõяссõ, кодьяс, нора гõрдлышта-лõмõн, корисны мездыны. Сэки юрас воис виль мõвп. Нетшкис турун, тэчис дõрõмас мешõкõ моз, да шыбитис тубрассõ керка вевт вылõ. Кайис пельõсõдыс да мõдис

лэдзавны турунсö öдзöслы паныда стен дорö. Тшыг чибöяс уськöдчисны сёян вылö, öта-мöднысö тойлалöны, медым тшапкыны кöть вомтыр. А Колялы тайö и коліс. Öдйöджык лэччис керка вылысь да чорыда тойыштіс-восьтіс öдзöссö.

Чибöяс уськöдчисны петны ставөн öтпырйö, сибдісны öдзöсас. Зонка тойлаліс-вöтлышталіс бөрлань мешайтчусьяссö. Дыр ноксьöм бөрын, сьөрсьөн-бёрсьөн да довъялігтыр петісны ывлаö ставөн. Но бөръяыс, витöдыс, порог воськовтöм бөрын усис бок вылас, лои бöжöдыс отсавны сувтнысö. Сьöкыда пошиктö-лолалö, пиньяссö векуштöма, сьыліас дой, тыдалö, курччалö-маöсь слабджыктö да ичöтджыктö.

Чöскыд туруныс керкасянь вит-ö-квайт воськов сайын и эм, а чибöяс йирöны таяссьöм вежöдсö му сорнас. И вöтлынысö водзö он лысьт: йöткыштан кö мышсяныыс — пöрасны кок йывсьыс.

— Коля, мый тані вöчан?— детинка дрöгмуні виччысьтöмысла, эз и кывлы ноксигад верзьöма бригадирлысь матыстчöмсö.

— Ме...— нинöм,— детинка видзöдліс воысь вылö, нюммуніс,— кöсйи вуграсьыштны лыа юрас... Еджыд бобувьяс петöмаöсь... да этійö чаньяс дорас манитчи.

Бригадир чеччыштіс вöв вылысь, шоныда видзöдліс Коля синьясö, верстьööс моз тапнитіс пельпомас.

— Аддза, абу весьшөрö манитчöмыд, молодеч. Вот тэныд и бобувьяс...

МУСА МАМÖЛЫ

Миша садьмис водз, ывлаыс вöлі рöмыд на. Орчча вольпасын нистіс-узис ыджыдджык вокыс, а кывтсянь чöскыда öвтіс пöсь нянь көрөн. Талун праздник, март кökьямысöд лун, сійөн и мамыс ноксьö ыджыд пач водзын.

Кунь-каньөн, кок чуньяс вылас петіс узян жырйысь, кималасөн мöдіс корсьны стөнын öшалысь пальтояс пиысь ассьыс курткасö. «Вошöма... Вунöдчи...»— повзьыштіс Миша: кышöд зөптас лöz конвертыс эз вöв. Гусьöникөн пасьтасис, кöмаліс гын сапөгьяс. Кор сійö

петіс кильчө вылө, ывлаас син ни пель, войбыд турөбалама и öнi на абу öвсьöма. Öшмөс дорын тöдчыштiс батыс, юрсянь кок улөдз едждөдöма. Эз жö шыасьлы сылы. «Абу ылын, бöра-водз котöртла».

Ыджыд туй кузя зонка веськөдчис детсадлань. Паныда тöлыс муртса кок йывсьыс оз уськөд, көдзыд емъясөн сатшйөдлө чужöмас. Туйдорса сюръяясын лампочкаяс то кусавлöны, то ломзьöны бөр.

«Мый бара Петрö мамöлы мыччас-а?— мунiгмос Миша мөвпалiс вокыс йылысь.— Мыйкө школа мастерскöйын вöчöма, эз тай петкөдлы водзвыв, юрлөс улас суйис тöрыт водiгөн. Батьö, сийö пыр новлантор нбö-бö-а...»

Миша эз жö вунөд мамыслы пöдарök йылысь. Садйын ставөн, кодi кызди кужö, дасьтысисны праздник кежлө. Эз вунөдны чолöмавны и воспитательöс, джодж мыськысьöс, пусьысь-пöжасьысьöс. Валентина Павловна ошкис Мишалысь вöчöмторсö. Чорыд бумага лист вылө серпасалöма мича дзоридз. Пельöссянь шондi югөръяс нюлöны серпассö. Улынджык гижöма гөрд шыпасъясөн: «Муса мамöлы, март 8-өд лун». Детинка бөръя во ветлөдлө детсайдйö, ыджыдджык вок вывсьыс неуна гижны и лыддысьны велалiс. Мед оз нямрасьы да лякөссьы кабалаыс, листсö суйис лөз конвертö. Дарöкыд вылө, тыдалö, вунөдiс пөрччысян жыръяс.

— Праздник лунөн, тётя Маша!— öградаö пырөм бöрын горөдiс Миша.

Лым весалысь коссö веськөдiс гөлөс шыö. Аслас синъясыс муртса тöдчыштöны, юрсö шалльөн гартöма. Керка стен бердö джуджыд коридор артмöма, сымда лымсö коялöма öтарлань.

— Мишук тай, кыз нö вермин писькөдчыны, лым куль кодь лөбмыд?— нывбабалы юрас эз во, кутшöм мог суис ичöt мортöс, мыйла воис праздник лунö татшöм водзсö да лөк поводдя дырйи.— Уна на вөлöма тöлыслөн выныс, вермасьö со вöйысьысь тулыскөд. Көнкө, бөръяысь нин тадзисö сьöласьö.

— Тётя Маша, ме пыравла пөрччысян жыръяд?— полiгтыр юалiс зонка.— Тöрыт ме вунөдi шкап вылө лөз конвертöс... Мамöлы колö сетны-а...

Тётя Маша пыр жö гөгөрвоис детинкалысь майшасьöмсö.

— Пырав, пырав, Мишук, ме час биасьла.

Со и тöдса серпаса öдзөс-ур пукалö пожöм ув вылын, коль топөдöма водз кокъяснас. Нельöд во Миша

пөрччысьлө тайö жырьö. Видзöдлiс вывлань: шкап вевт дорйылын чурвидзö лöз конвертлөн пельöсыс.

Гортö зонка воис котөрөн сорөн. Буретш лöсьöдчö-маöсь пуксявны пызан сайö.

— Көнi нö баръялан?! Чуксаси, некөн он шыась, воштим öд...— медводз шыасис вокыс.

Миша пөрччысьтöг матыстчис пызан дорö, мыччис мамыслы конвертсö.

— Вунöдсьöма сadiö, котөртлi со...

Мамыс выль халата (батыс, дерт, козьналіс), самöвар дорын нянь шöралöм вылö баситöм пöв сулалö.

— Дона пи тэ менам. Эн тай вунöд,— мамыс перйис конвертысь кабала листсö, топыда кутліс писö, чупнитіс-охыштіс чужöмас.

ПИОНЕРСКОЙ ЛАГЕРЫН

Дзонь вежон коли лагерын, а челядьöс эз на и нуöдлыны вадорö: то вой төв швичкö-пöльтö ывлаын, то зэрö помся. Сы вöсна и ёнджыкасö найö керкаын ноксьöны: ворсöны шашкиөн да шахматөн, мачөн шыбла-сьöны залын, а мукöдъяс сiдз-тадз шöйтöны жырьысь жырьö.

Зэръяс сэсся помассисны жö, поводдя шондöдiс. Челядь котырöс, көнi нельöд да витöд класс помалысьяс, ю дорö вайöдiс Павел Васильевич, лагерса физрук. Пөрччысьтöдз на сийö сувтöдiс челядьöс öти визьö, сёрнитіс, кызди колö кутны асьсö ва вылын, сэсся юалис:

— Коді оз куж варччыны?

Сэки и ёкмуні сьöлöмыс Эдик Кармановлөн. Сийö видзöдлiс рад кузя: некодлөн кыис эз лыб, некод водзö эз воськовт. «Сiдзкö öтнам ме варччыны ог куж». Да и кытысь кужас мортыс, юис кө налөн сиктсаян вит верст сайын, быд пöрийö сэтчö он котөрт. Сикт бокöд визувтö ичөтик шор, но гожöмын сийö сырчиклы пидзö-сöдз. Эськö и тупкöма öтилаті, борган лöсьöдöма и вор пунктöма пожъясьны, сöмын тай варччыны сэни он велав, көть шоньд лунъясö ворйис оз прöстмыв, посни челядь пыр тольöдчöны.

Ваö пырны челядьöс тшöктыны оз ков. Кодкö су-

ныштiс чеччавны лосьодом лайкъялысь пөв вывсянь, откымынъяс уялісны гөрд табьяс дорын, кодъясөс пысавломә гезйө да нюждөма лыа көсаянь кытшөн. Йөр кодь артмөма, сэтысь петны оз позь, сідз висьталіс Павел Васильевич.

Эдик пырис жө пидзөсөдзыс, мөдіс киськавны асьсө юр вывсянныс. Ваыс шоныд вөлөма. Но оти местаын дыр пукавны эз удайтчы: челядь котөрөн сорөн пырөны-петөны, резөны чужөмас лажмыдінын гудыртчөм ванас. Сувтіс да ньөжйөнник, кокъяссө ва пыдөсөд кыкөмөн, кылөдчыштiс берегсянь. Со гөйгөдзыс нин лои. Та пыдтаө, гашкө, эз на и пыравлы нэмнас. Ёртъясыс суналігтыр черияс моз уялөны. Торйөн нин Дима нима зонка, тушанас ставсыс медыджыд, кымыньөн и гатшөн кужө варччыны. Ёна и лөсыд видзөдны ва вылын кутчысьны кужысь морттө.

Эдик эз и төдлы, лөз шапкаа юрыс Дималөн былькнитчис-мыччысис ськөд орччөн. Быттьө сөмын на лыа вылын сёрнитіс Павел Васильевичкөд-а. Зонка казяліс сэки — кодныскө индіс кинас сы вылө. Эдик повзыштіс виччысьтөмла, шатовтчис. Ваыс табйөс моз кыпөдө веркөсө, кылөдө, кокъясыс зумыдін некыз оз аддзыны. Дима кутыштiс сійөс сой пөлөдыс.

— Кокөй, тыдалө, джумйө веськалі, омөля на кужа варччыны,— мыкталөм сорөн Эдик висьталіс киөдыс кутысьлы. Но мөдыс водзджык нин казяліс да төдіс, мый детинка оз вермы кутчысьны ва вылын.

— Нинөм, отсалам, велөдам,— меліа вочавидзис Дима.— Сөмын эн пов...

Эдиклөн горш діныс гөрддзасис, мый веськыда эз висьтась ас йывсьыс...

Дима ёртъясыскөд вежон чөж ноксисны Эдиккөд. То киясөд кутөмөн тшөктөны кокъяснас тойласьны, то мөдарө — кияснас курастьны, то берег вылын петкөдлөны, кызди колө уджавны ки-кокнас. Зонка первой яндысис, мый кутасны серавны сы вылын, но некод пыдди эз пукты сылысь кужтөмлунсө, быдөн отсавны зілис. Оти нывка весиг вайөма резина кытш, вомөн позьө пөльтны да коскад пысавны. Ок и сералісны отчыд Эдик вылын. Димакөд пырисны голяөдз ваө. Эз и төдлы, ёртыс перйөма пөльтан розьсьыс тувсө, тшөктө береглань варччыны, горзө: ки-кокнад уджав сюсьджыка! Ки-кокнад! Лючки-ладнө воис берег дорөдз, видзөдө — резина кытшыс нөпкысьөма.

— Вот и велалін варчыны, а то полан вöлі, нем пö оз артмы,— медводз ошкыштис Эдикöс Дима.

Эдик рад, мелі синъясöн видзöдліс ёртъясыс вылö, мыйкö кöсийс шуны аттьöаланöс да нем сэтшöмыс юрас эз во. Кыкнан кисö чургöдіс водзлань, зумыда йöткышт-чис кокъяснас да, васö юковтöмөн, уйыштис на дорті. Со, пö, кызди кужа... велöдінныд.

КОЛЬ ЧУКÖРТИГÖН

Артмис сідзи, мый каникулводзса бөръя велöдчан лунö Андрей лөгасис Сергей вылö. Урокъяс бöрын Сергей водзджык петіс школаысь, виччысьыштис Андрейöс. А кор мыччысис сійö, юалис:

— Аски мунан он?

Мöдыс нем эз вочавидз. А водзджык на кöсийысисны тувсов каникуल्याс дырйи коль чукöртны, нажöвитыштны сьöм зептын новлöдлан приёмник вылö. Гожöмын сійö зэв коланатор. Видз вылын и вуграсигөн пыр гажöдö, торйөн нин узьöмөн кö петöмыд. Да и сиктсъян карланьö веськыд визьөн зэв паськыд прöсек нуöдöны электричество нюжöдöм могысь. Пөрöдöны вöрсö, петкöдöны, а колля увьяс да йывьяс кольöны. Пуö кайны ни кузь воропа кöрт куранөн увьяссö сынавны оз ков — дась пөрöдöминсьыс чукöрт дай. А пожöм коллыс та во артмöма.

Сергей Андрейкöд велöдчöны витöд классын. Тöлысь сайын найöс пуксьöдісны öти парта сайö. Сергейлы, звеноөн веськöдлысьлы, тшöктісны отсыштны ёртыслы гижöм кузя. Зэв кывзысьтöм Андрейлөн кийс: кытчö колö и оз знакьяс тэчö, сорлалö и шыпасьяс местаясөн. Зэв тешкодь артмö, кор велöдысь лыддьö гижöдсö класс водзын. Андрей гизьö-сералö жö мукöдкöд, но бöрас оз ло лöсьыд. Сідзсö лыддьысьö и артасьö бура, кывбурьяс велöдö кад кежлö, а гижны оз радейт. Оз, пö, сетчы меным, шуö, гижанногыс, ме, пö, бурджык, сідз висьтала. Мукöддырйи гижöм кузя тетрадьсö весиг абу окота восьтыны, водзвыв тöдö «донсö».

Детинкалөн медся радейтана уджыс — гудöкасьöм. Сэки сійö ставтор йывсьыс вунöдлö. А велöдіс Андрейöс

ворсны суседы, Ольош дядь. Сійо ранитчылёма чорыда, война выло кольёма кыкнан коксо. Отнас они оло. Кык сусед важонсянь нин ертасыны. Кор пес-ва пырто зонка, кор магазино котортло. Тодо од: мый сулало висысь мортлы дзуртысь содтодьяссо кокъяс дорас йитомы, посявтодзис тасмаясон зэвтас-кортавлас.

Отчыл школаысь воигон сылон керкаысь Андрей кылис гудок шы. Ольош дядь пуксыома ошинь доро, нярьяло-ворсо. Ачыс серамбана, а синваыс молльон гогыльтчо.

— Со пырти чуланысь, важсо казтыла,— шыасис керкао пырысьлы.— Сыорам война чожд ветлис, ранитчылис и. Этша дзоньталышти.

Детинка казялис: польыс — мед эз чушкы-пет — мексо кымынколлати клеитома клеенка торьясон.

Тайо луно Андрейлон кытко ворзис пытшкосьы. Прост кад лоас, бара нин котортло Ольош дядь ордю. Кымынко лун мысти мыйсюро кутис артмыны. Весиг суседы ошкышти:

— Но, морю, пеля тай волымд...

А бoryнджык батыс се шайта гудок ньобис. Велодчы по, сгодитчас.

Отчыл Сергей и гарышти гижом йывсыд, кольччылам, по, урокъяс борад. Но регыд воисны дежурнойяс, корисны эновтны классо, ми, по, чышкавны-мыскавны кутам.

— Мунам мяно,— сэки нуодис ертыс,— некод абу, оз мешайтчыны.

— Медводз нурьясыштам,— керкао пыром борын Андрей модис ваявны пызан выло быдсяма сеян. То холодильнико пыравлас, то посводзо петавлас, быттьо бур гостьос поттшуйто.

Сэся кутчысисны уджд бердо. Бумага лист выло Сергей гижис: «Ворын быдмоны пуяс: кызьяс, козьяс, пожомьяс». Андрейлы тшокти тэчны знакьяссо. Модыс видзодлис гижод выло да шуо:

— Татшом дженьыд предложение, ме думысь, некутшом знак оз ков.

— Кыдзи оз ков,— скормышти Сергей, сылы кажитчис, мый ертыс омоя сийос кывзо.— «Пуяс» кывйис отвывто вежортассо козлысь, пожомлысь, кызлысь. Сы борын пуктам кык чут. Велодим тай: водзо лыддьодлом артмо. А откодь вежортаса кывьяссо торйодам запятаясон. Гогорвоин?

— Мыйла өткөдө? Коз, пожом, кыз абү өткөдө пуяс.

— Тэ кывзы...— но сэки радио пыр кутисны кывны ворсан шыяс. Андрей чошкөдис пельяссө. Вомгорулас шуалігтыр мөдис ветлөдлыны джодж кузя. Сэссия гүдөксө петкөдис пытшкөс жырсьыс. Недыр дзизөдчыштөм бөрын кутис ворсны кывлөмторсө.

— Вьлитор велалі,— юрсө лэптыштіс быттьө узьөм бөрын.

— А кызди тэнад артмө,— шензис Сергей.— Некыт-чө абү гижөма, а быттьө лыддян кытыськө, сэтшөм мыла шыяс чужоны.

— Кывла да, юрө кольоны шыясыс. Пель, пө, тай колө-а, шуө Ольөш дядь. Ме ог төд, ставыс өд пеляөсь... Велөда, колөкө,— Андрей пуктіс гүдөксө өртыслы пидзөс вылас.— Кутам гижны велөдчыны и ворсны.

Сергей воысаліс пельпом саяс волялан көвсө, нязнитіс-кыкыштіс полөмпырысь. Ок, сэтшөм окота велөдчыны ворсны өртыс моз. Кутшөм завидьтана синмөн сійө видзөдис сцена вылө, кор сьылісны да йөктісны велөдчысьяс, а ворсіс налы Андрей.

Өні кык друг урокьяс бөрын унджык кадсө коллялісны Андрейяс ордын. Восьтыласны жө эськө тетрадь да книга, но өнджыка кыскө-манитө дзирдалысь кизьяса гүдөк.

— Тэ думнад шуав ворсігад,— Андрей личкышталө кизьяссө:— Шон-ді, бан-өй, о-лө-мөй. Сэтшөм шыяс корсяв чуньнад...

Но Сергейлөн чуньясыс оз аддзыны колана кизьяссө, көть копыртөма юрсө и син доймытөдзыс видзөдө.

— Босьтлы гортад гүдөксө,— сідз өтчыд вөзйис Андрей. Мөдыс быдөн повзыштіс: татшөм донатор өртыс оз жалит.

Төлысьчөжся зильөмыс Сергейлөн весьшөрө лои, нем оз пусьы, сідзи и эз велав путьманатор ворсны. Батыс сэссия өлөдис: оз, пө, быдөн гүдөкасьны велав. Ачыс гөгөрвоис жө.

Сійө кадө Андрейлөн тетрадяс «трияс» чужисны. Велөдысь эз вунөд та йылысь гарыштны класс водзын. Сөмын Сергейлысь сьөлөмсө муткыртліс татшөм сөрнияс дырйи. Сійө өтнас төдис: школаө воөм бөрын өртыс лөсьөдлө гортса уджсө сьлөн гижөд вылысь. Өтчыд-мөдысь ачыс тетрадьсө сетліс, думсьыс ворсны велөдөм пыдди, өні сэтчөдз вельмис, юасьтөг-висьтасьтөг сумкаас гурйысьө.

«Со кызди отсая, пионер, звеневөй. Бур пыдди лёк артмө...»— ас кежас мөвпыштліс Сергей.

Субөта кежлө сетлісны гижны төвся вөр йылысь. Кольөм шойччан луно ставон петавлісны лыжи **вылын**.

— Гижин эн?— урок заводитчытөдз Андрейлысь юалис Сергей.

— Ме сідз висьтала, ставыс юрын,— вочавидзис мөдыс.— Гашкө, оз и юавны.

— Андрей Вурдовос ещө кывзыштам,— пызан дорсянь чукөстис велөдысь. Мый эз виччысь, сійө и лон.

Андрей тангыштіс пидзөснас Сергейос, мед казавтөг вештыштас асьыс уджсө сы водзө, но мөдыс топөдіс тетрадьсө гыррдзанас. Мыжа эз шөйөвош: ещө на улөджык копыртис юрсө, мөдіс сюся висьтавны восьса книга вылө видзөдөмөн.

— Вурдовыд книга вылысь лыддьө,— сы мышкын пукалысь нывка юөртис ставлы кывмөн.

— Книга вылысь... видзөд, мый йылысь тані гижөма.

— Көні тетрадьыд?— велөдысь матыстчис сьлөн парта дорө.

— Гортө вунөді...— нем думышттөг нурбыльтис Андрей.

— Бөръя кадө тшөкыда мөдін вунөдчавны. Котөртлы гортад, орччөн олан.

Андрей петис классысь, нарошнө прөйдитис өшиньяс улөд, мед аддзыласны мунөмсө.

«Кытчө и мунө,— думайтис Сергей,— тетрадыс сумкаас, асьсө бөбйөдлө и велөдысьос пөръяліс».

Вурдов локтис регыд мысти. Пошкан гөлөсөн юөртис өдзөс дорсянь:

— Томан ключөс эг аддзы. Батьө, тыдалө, волөма, тэрмасигөн сьөрсьыс босьтөма.— Но велөдысьлөн видзөдлөм серти гөгөрвоис: «Оз эски».— Ме сідз висьтала, тетрадьтөг.

— Аддзысьөма грамөтей! Ворсысьөн көсийө лоны!— чорыда шуис велөдысь.— Ворсысьлы бытьтө оз ковжыны гижны. Вөч, мый ставыс вөчөны...

Андрей пуксис места вылас, парта вылас куйлысь бумага листор вылысь лыддис: «Тырмас тешитчыны, пасйы дневникад удж донтө». Төдіс, дерт, орччөн пукалысьлөн уджыс, сійөн и нем эз шу. Сійө и нем эз вочавидз Сергейлөн юалөм вылө— мунас-ө аски коль чукөртны, весиг эз видзөдлы сы вылө школаысь петөм бөрын.

«Ёна тай. Быттё туйсё ог аддзы»,— шуис аслыс Сергей ёртыслён дузгёдчём вылө.

Мөд асыв Сергей мөдөдчис прөсек кузя өтнасөн. Пөрөдчём бөрын пу йывьяссө да увьяссө трактор сэтшөма изөма-лойөма лым сорнас, прөйдитны он вермы. Сийөн и кежис вөрлань. Сэти, лөйтөминти, мунны кокниджык — лымйыс войнас чорзёма, он вөйлась. «Но, кодкө тай панөвтөма нин менө»,— неыджыд кок туйяс ясыда төдчисны выльөн усыштөм лым вылын. А кор воис прөсек помө, казялис Андрейөс. Увйысьө ичөтик черөн, колля увьяссө чукөрө шыблалө.

— Ме думайти, тэ водзджык петан,— шыасис Андрей, быттё төрыт нем эз вөв на костын.— Талун этша пөрөдөм вөрыс, уджалысьяс шөйччөны. Со этийө пашкыр пожөмьяссө аски пөрөдасны, сэтысь уна сюрө.

Но мөд лунө ёртьяслы эз удайтчы локны тайө мөстаө.

Мед тыртны нопсө, Сергей шуис кавшасьлыны пуө, колля увьяссө керавны, аски, пө, пөрөдасны жө пожөмсө-а. Трөпөк пожөм увьяс, кыкысь-куимысь черөн кучкөм бөрын, гылалөны муө. Мөдыс чуктөдлө кольсө, нөпйө лөдө.

— Тырмас, Сергей!— удорсянь горөдис ёртыс.

— Со юр вылысь ещө сөта, зэв тай тыра.

Укват кодь вожа ув тротшнитис-чегис, усигас пысасис Сергейлы сьылиас, турки-тарки жмоткысисны өтлаын. Бур, мый повзёмвывсьыс черыс кысьыс мыни, водзджык дзумгысис лымйө, Андрейлы кокьяс улө.

— Дөймин-ө?— Андрей уськөдчис сы дөрө, отсалис сувтны.

— Эг, буди. Көкөй тай кытчөкө крукасьлис.

Детинкаяс волысалисны нопьяснысө, веськөдчисны карө мунысь туйлань. Войнас чарөмалөм лымйыс шонди водзын небзёма, пидзөсысь вылөдз вөйласян. Сергей тувччалис Андрейлөн кок туйясө, но регыд лои бөдь бөсьтны: быд воськолөн өддзис дөйыс. Пыр тшөкыдджыка пуксьывлисны шөйччыны. Сэссия пөрччылис көмкөтсө: лөзөдөма кок шег дорыс, пыктөма, малыштны он лысьт. Мунны абу и ылын, машина шыяс дзык матын кылөны, да Сергей тувччыны эз мөд вермыны. Лымйөн зыралөм бөрын муртса төрис гын сапөгыс.

— Вай пет өтнад, нөптө коль да,— медбөрын шыасис сийө.— Батьлы висьтав, мед волас. Ме виччысьла.

— Мый тэ, со орчча туйыс, ме нөбала тэнө, сөмын таявны водзвыв колө-а.

Андрей кымыныськө прöйдитас бөрө-водзö, көшелялас ёртсö мыш вылас, но некымын воськов бöрын бырö эбöсыс, лымйыс берегдорас лыа кодь лоöма, вазьялö кок ұлас.

— Эновт, шуа,— Сергей эз нин кутчысь ёртыслы сьыліас, пуксис коз улö.

— Эновт пö... мый тэ сёрнитан. Мересьевыд дас көкъямыс лун кыссьöма. Öтнас. Ми кыкөн тэкöд. Со видзöд, кызди позьö.— Андрей нель кокөн мöдiс тапьявны лым вывтi. Ньöти, вöлөм, тадзи оз вöйтав.— Доймөм коктö кыскы, кияснад курась, ме отсала.

Ёртъяс мөдөдчисны водзö.

— Вот и сьом нажөвитим приёмник вылө,— ыджыд туй вылө петөм бöрын шыасис брөд ва пöсялөм Сергей.

— Эн шогсы, музгыльтчöмыд регыд бурдас, пуктасны места вылас. Удитам. Аски ме даддьөн вола нопьясыдла. И тэ дорö кута волыны... гудөкөн. Ворсны и гижны кутам велөдчыны. Со и машина тыдовтчис.

Гортас мунысь машина босьтiс кык другöс.

ЧЕРИ КЫЙЫСЬЯС

Югыд курьяö Микол сиктсынь колö мунны Дав грезд пыр. Öнi сэнi некод оз ов, но муяссö вöдитöны на, ёнджыка картофель пуктылöны.

Сикт öтар помсянь ыджыд туй вылө петiс Желев Борис. Мыш саяс ноптор, киас кузь вугыр шатин. Сувтовкерис туй вылө, видзöдлiс бөрлань. Сикт мөдар помсянь ягвывса векныдик ордымөд кодкө тэрмасис-локтiс сыланьö жö. Киас сылөн нинөм эз вöv, картуз көзырокыс бергөдöма гортлань. «Пумөндапражитны» тай,— ылысянь на тöдiс воысьöс Борис.— Югыд курьяö мунö, узьöмөн. И мыйла сылы сэтшöма чериыс шедö...»

Шедö и эм Миша Лодыгинлы чериыс, куш киөн некор оз во. Юаласны кө кыйдöс йылысь паныд сюрсыяс, сылөн пыр воча кывйыс öти: «Пумөн да, пражитны». Сийөн и көвьясис мөд ним ичöt чери кыйысьлы. Миша ньöти оз лөгась, кор ас коддьöмыс тадзи нимтö. Кольөм субöта рытö Югыд курья йылын куимөн локтiсны сы дорö. Борис вöлi жö. Мукөдлысь ньöти оз дэбөд, бытьö табьясыс кыммөмаöсь места вылө, а Миша лэпта-

лө и лэпталө. Өти ыджыдджык зонка сэки ырыштчис сы вылө, вөтліс кыйсян местасыс, ачыс сэтчө сувтіс. Миша неуна ылыстчис да бара мөдіс лэптавыны. Мөдыдлы нем оз шед да скөнъ лөгасис, чужйис Мишалысь нидзув дозсө ваө. Сэки Борис сувтіс Миша дор, сэсса өтлаын локтісны сиктанис.

Зонкаяс талун прөстмисны водзджык, пажындз помалісны школалы урчитөм совхозысь картофель му. Эз, дерт, сёрнитчыны өтлаын мунөм йылысь.

— Мунам Югыз курьяө, пумөн да пражитны век нин сюрас. Пес дасьтөма и чом эм. Вой кежлө вөйтасям,— Миша пыр өтрасөн кыйсьыліс и нуөдчөмыс Борислы кажитчис тешкодьөн.

— Гортын нем эг сёрнит узыөм йылысь, виччысьны кутасны. Ме кыснася.

Детинкаяс неуна и муныштисны Дав грездлань, водзын машина жургөм кутіс кывны. Воисны матөджык, вөлөмкө, картофель кыскалысь КамАЗ пөлынтьчөма туй бокө, а прицеппележкаыс бокыв сувтөма. Шоперыс эськө мынтөдөма нин прицеппсө, но машинаыс некыз оз вермы өдөбтыны места вывсьыс, мый вынсьыс ружтө, даснан көлесанас йирө мусө. Зэръяс бөрын туйыс сөй кодь лөма. Көсйөма дорышөдыс, чорыдінтіыс мунны, да кырөма.

— Мися, узыны ковмас,— дзугыля серөктіс шопер,— со и отсөг воө.

— Ми тэрмасям, чери кыйны мөдім войколөн,— первойөн шыасис Миша.— Трактортөг тані нинөм он вөч... «Көнкө, юөма, сійөн и пышйис машинаыс бокө»,— содтіс сійө Борислы.

А картофельыс?!— сой пөлөдыс кутөмөн Борис сувтөдіс өртсө.— Картофельыс өд абу аслас. Пужьялас кө кольөм войө моз? Ачызд аддзылін, асывнас гөригөн муыс пластөн вөлі лыбө. Кынмас кө сымдаыс... Чери вөснаызд ог кулөй. Шопер мездор тыр петкөдіс вөрысь коз увьяс, гарйысьыштис зырийөн, шыбитіс лыссө көлеса улө, бара мөдіс катлөдлыны машинасө бөра-водз. Гыркытшкөсса став выннас эргигтыр, дас көлесаа вына вөв кыпөдчис туй вылө. Шопер петіс кабинасыс, горөдіс неылын сулалысь зонкаяслы:

— Коймөд пай удж лои вөчөма!

— Коймөд пай?— Миша паськөдіс синьяссө.

— Да,— пинджак пөланас шопер чышкаліс плещсө.— Коли кыскыны прицепп... и сөвтны картофель.

— Войбыд ковмас ноксыны,— бара шыасис Миша.— Пемдас.

— Кытчөдз тырмас...— дядьö эз помав висьталöмсö, котөрөн нюжөдіс туй вывсянь трос, домасис. Прицепыс сувтіс көлесаяс вылас, сэссия и вöтчис машина бөрсьыс.

— Код шуан, ньöти абу юöма,— Борислөн юрас жуисны мөвпъяс, кызди эськө отсавны пикö воём мортлы, не эновтны öтнассö вой кежлö.— Быдтор накöд овлö татшöм туйяс вылад. Тыдалö, Дав грездысь картофельсö карö нуö.

— Тöдан, ме арталі,— Миша чургөдіс кияссö ёртыслань.— Прицеплөн ыдждаыс квайт куб. Сэтшöм дозйö төрö квайтсё ведра ва, сідзкө сымда жö картофель. Öти ведраөн ковмас новлыны дас час, ме артышті ведра тэчöм-нөбалöм-кисьтöм вылö минута. Öні кык час, буретш вой шөрөдз лөö. Бурджык сиктö ветлыны, корлыны кодсюрöös... Отсавны кө...

— Тэ кызд көсьян, а ме...— Борис дыр эз нёрпась, разис нопсö, перйис сэтысь кыйсян көлуйсö, пажынторсö.

Кыкнан кияс ведраясөн, шопер лэччис нин картофель чукөр дорö.

Миша муныштас неуна, видзöдлас бөрлань, ропкөдчö вомгорулас, öні, пö, эськө места вылын нин вöлі, мыйла, пö, и аддзыси Желевыскөд. Кыткө муткыртны мөдіс пытшкөссö, веськыда туй вылö тыртöммөдіс нопсö, котөртіс машиналань.

Зэв лөсьыда уджыс кутіс мунны. Дядьöыд ведраөн гумовтас картофельсö, кисьтас нопйö öтиыслы, мөдыслы, ачыс кыкнан ведранас нөбалö, детинкаяслы жö отсалö кисьтны көрөбö. Котөрөн сорөн ветлөны, син водзын чукөрыс мөдіс чинны.

— Талун ме черитөг тиянөс коли,— шоперыд зэв кыв-вора вöлöма, öтырышъя мыйкө юасьö да висьтасьö,— мамъясыд кыйдөс виччысьöны-а.

— Нинöм,— öні шыасис Миша,— аски бара мунам. Тэрмасьöмла сөвтчысьяс эз и казавны, кызди ывлаыс рудмис, ыркаліс. Öти бөрся мөд енэжö мыччысисны кодзувьяс. Коляс картофельсö чукөртисны муысь машиналөн фараяс югөр улын.

— Со öд артельнад,— шопер восьтіс машина öдзөссьö,— сөлöй кабинаас, нуръясьыштам. Менам кузь на туйыс водзын, карөдз кыксё верст. А тиянөс колльöда гортөдзыд.

— Ми ӧд Микол сиктысь,— Миша индіс кинас туйсянь веськыдвылӧ,— мӧдарӧ колӧ мунны.

— Ёна тай ыджыд кытш вит верстыд машиналы. Сэтысь ӧд кыскалі жӧ картупельтӧ, тӧда.

Машина регыд сувтіс сикт шӧрӧ. Шопер лукйысьштіс морӧс зептас.

— Мый ті...— повзыштіс орчӧн пукалысь Борис.— Сьӧм вылӧ эг уджалӧй.

— Ми отсасим...— тшӧтш шыасис Миша да содтіс:— Гашкӧ, вугыръяс карад эмӧсь?..

— Аттӧ тіянлы, Микол сиктса отсасысьяслы!— шопер топыда кутліс кияссӧ детинкаяслысь.— Ог вунӧд, вая вугыръястӧ. А тэныд,— бергӧдчис чӧв олысь Борислань,— шуда кыснан, сійӧн, тыдалӧ, ёнджыка вӧдитчан.

Машиналӧн мышса гӧрд биясыс саялісны туй чукыль сайӧ, а зонкаяс пыр на сулалісны ӧтлаын, варовитісны ас костаныс.

ВОЙКОЛӦН

Збыльмис челядлӧн кӧсйӧмыс. Субӧта лунӧ петісны походӧ. Нуӧдіс найӧс география да биология велӧдысь Алексей Иванович. Учитель кӧсйис матысянджык тӧдмӧдны челядӧс вӧр-ваӧн, чукӧртны да вайны школаса кабинетӧ гербарийяс.

Ставлӧнлӧн мыш саяс нопъяс. Веськыд визьӧн вӧрсӧ вундысь прӧсека вылӧ йӧзлӧн ветлӧмысь талысьсьӧма векныдик ордым. Медводзын шалсйӧ-восьлалӧ Миша Коснырев, квайтӧд классысь старӧста, топыдик тушаа зонка. Челядь пиысь сылӧн ӧтнаслӧн нопсыс чурвидзӧ ичӧтик черлӧн вороп помыс. Кор велӧдчысьясӧс вежон кежлӧ петкӧдісны картупель вылӧ, сылы первойӧн воис татшӧм мӧвп: лунӧн водзджык помавны урчитӧм участок. Кадысь кадӧ сійӧ сувтовкерлӧ, бергӧдчывлӧ бӧрлань, мыйкӧ висьталӧ, индӧ, петкӧдлӧ туй бокысь. Миша классын мӧдӧд во нин старӧста — велалӧма нин кӧзяитыштыны ёртъяс вылас, пуксьӧ юралысьӧ. Сылӧн сёрниысь тшӧкыда кывлан: «А вот ме... Ме эськӧ... Вот ми батькӧд...» Буретш та йылысь ӧні мӧвпаліс Алексей

Иванович, коді восьлаліс медбёрын. Велёдысьлөн өти тöжд: челядь йылысь. Боксянь кö видзöдлыны, став челядьыс öткодьöсь, а пыдисянь мөвпыштан — тайö кызь мортыслөн кызь характер. Öтилы колö пеляс вашнитны, мед эз лөгась, а мөдöс ёртъяс водзас чырыштны. Со Альбина. Сылөн мый юрас, сийö и кыв йылас. Генялысь коланінö кывсö он перйы. Миша... И став челядьсö велёдысьлы колö бура гөгөрвоны. Алексей Иванович тöдö, мый татшөм вот öтувъя уджъяс вылас найöс бурджыка аддзан, кыз шуласны, гугсö и бансö, сэки найö восьсаджыкöсь классын серти.

Ылö бөрö коліс сикт. Арся вöрын кокныдик төвру варовитіс вижөн мавтöм коръя пуяскöд. Чөвлунсö торкис вужля дорысь жбыркнитысь сьöла. Челядь ланьтыштисны, а кодсюрö и ойöстисны. Миша Коснырев, лесничöйлөн пи, вöрса олөмсö челядьысь бурджыка тöдысь, медводз матыстчис вужля дінö.

— Купайтчöма, кокалöма посни изторъяс,— петкөдліс неыджыд гурантор, көні тыдаліс кымынкö руд гөн.

— Купайтчöма пö... лыа пиас,— серöктіс кодкö нывкаяс пиысь.

— Быдөнлөн аслас оласног, Миша правильнö висьталö,— ошкыштіс зонкаöс Алексей Иванович.— Тадзи пöткаяс пытшъясысь да кучик висьöмъясысь бурдöдчöны. Көнкö, аддзылінныд, кызди чипанъяс пуртікасьöны, койöны ас вылас лыасö.

— Көсьянныйд кö, ме сьöласö бөр кора татчö,— ошкөмысь збоймыштіс детинка да зепсьыс перйис сьöла чипсан.— Дзёбсялөй понöль лапъяс улö, пукалөй чöла. Дзик пыр сьöлаыс бөр локтас.

Сэсся Миша чипöстіс пыста кодь вöсни гөлөсөн. Сідзи жö вочавидзисны матыс пуяс сайсянь. А мөдысь чипöстөм бёрын неыджыд руд лэбач шпоркнитіс-пуксис челядьлөн юръяс весьтö. Сьöла гонняліс öтарö-мөдарö, аддзис йöзöс да быттö чуймис. Коді пö локтöма менам олан местаö. Сэсся казяліс öти нывкалысь вөрзёдчөмсö да жбыркнитіс пуяс сайö.

— Ай сьöла, голя улыс сьöд,— гөгөрвоөдіс Миша,— аслас пöлыскöд татчö бөрийöмаөсь оланінсö, тані кутасны быдтысьны тулыснас.

— Тэ, тыдалö, батыд моз жö лесникөн лоан?— воаліс Альбина Чувьюрова.

— Ог лесничөйөн, а лесоводөн. Велөдча да вөр кута быдтыны, вөр-ва видзны да дорйыны сийöс.

Арся вөр озыр. Яг дорёсын паныдасьлісны быд си-

кас тшакъяс, но торйӧн уна сярвидзисны кос масленик да уртшак. Гырысь пув розъяс важ мыръяс вылын ӧш-йӧмаӧсь муӧдз. Нывкаяс уськӧдчисны разі-пели, кодсю-рӧлӧн гӧлӧсъясыс кылісны нин ылынокдь. Алексей Иванович кыкнан кисӧ вом дорас матыстӧмӧн чукӧртіс челядьӧс.

— Походын, торйӧн нин вӧрын, тадзи оз позь,— заводитіс сійӧ.— Юасьтӧг-висьтасьтӧг да моттӧг бокӧ не кежны, не кольчыны. Быттӧ ыж чукӧр. Сэсся видзӧдлӧй ас выланыд — вӧр куштысь кодьӧсь.

Збыль, челядь удитӧмаӧсь нин нетшкыны вужнас тшакъяс, пув розъяс, зонкаяс коскас гартӧмаӧсь кӧч-вӧнь.

— Мед водзӧ тадзи эз вӧв,— ӧлӧдіс учитель.— Мый мичаыс — снимайтӧй. Тӧдмасьӧй вӧр-ванас. Тэ со нетшыштӧмыд вужнас пув кор,— кӧритіс ӧти нывкаӧс учитель,— а тӧдан-ӧ, дыр-ӧ колӧ быдмыны весыт кузьта пув кустыслы.

Челядь олісны чӧв, налы яндзим лои вильшасьӧм-сьыс.

— Медым лоины пув тусьяс, колӧ дас сайӧ во,— помаліс мӧвпсӧ Алексей Иванович.

Шойччыштны-нуръясьыштны челядь пуксисны ю дорӧ. Юыс пызан пасьта и эм, но джуджыд да сӧдз ваа, чунь кузьта черияс чукӧръясӧн уялісны изъяс гӧгӧр.

— Изъяшорнас важ йӧз абу весьшӧрӧ юсӧ нимты-лӧмаӧсь. Аддзанныд, мыйта изйыс пыдӧсас, ключьясьыс васӧ чукӧртӧ, весиг тӧвнас оз кынмыв юыс,— висьталіс Алексей Иванович.

Челядь дӧвӧленӧсь, неуна мудзыштӧмла чужӧмъясныс гӧрдӧдыштӧмаӧсь. Небось оз шванитчыны гортас моз, сьӧд няньтӧ сӧмын куснялӧны-сӧйӧны, ведра сэтӧра чай юисны дай.

— А ӧні, шойччигмоз, нуӧдам неыджыд КВН,— юӧртіс велӧдысь,— «Кызди ме тӧда ассьым вӧр-ва».— Перйис зепсьыс да пунктіс мыр вылӧ куим коз пу кольлысь мыльӧсъяс (коръя и удитӧма чукӧртны) да юаліс:— кодлӧн мыльӧсъясыс?

— Тайӧ со,— Геня нима детинка босьтіс кнас карандаш кызта коль шӧрысь кольӧм бедытор,— ур чашйӧма, кӧйдыссӧ перьялігӧн сьӧмсӧ кушӧдз лэдзӧма, сьӧмӧсыс и кольыштӧма.

— Этайӧ уркайлӧн уджыс,— ӧдва виччысис Генялысь помалӧмсӧ Миша Қоснырев.— Ӑтилаті видлӧма падвежа нырнас, сэсся муӧ усьӧма топӧдӧм кокъяс

костсьыс, выль кольла лэбма. А коймоднас чосмасьома сизь, сылөн кольыд оз усь, крепыда топодас пу потасо либо сись ув местао, волись модас сизьдыны, перьявны койдыссо. Ожын кодь нырнас быд сьом кост видлөма.

Алексей Иванович довкйодлис юрнас.

Сейыштөм да шойччыштөм бөрын челядь мододчисны водзо. Найо тодмасьоны мыйкө пыр выльторйөн. Со аддзисны небыд лыска ниа пу.

— Миян вөръясын ниаыс медся кузь нэма да крепыд пу. Сэсь кё вочны керка, куим нэм сулалас. А вот лыс емсö быд во вежö. Аддзанныд, ставнас вижөдöма.

— А пожомлөн да козлөн лыскыс мыйла оз киссьы?— юалисны челядь.

— И налөн киссьö, сөмын вочасөн,— Алексей Иванович тракнитис неыджыд пожом и вожа лыс емъяс шаргысисны муö.

Ёна шензьöдис, кор аддзисны нитшсялөм колода вылын быдмысь весът кузьта козпиян. Бытьö кодкө сэтчö нарошнö сатшйодлөма.

— Сисьмөм пу вылас койдысыс бура чужö,— шыасис Миша Коснырев.— Став пөрөм пуыс, увйыс, корйыс и лыскыс вынсьöдöны мусö.

Неуна муныштөм бөрын вөрыс помасис, тыдовтчис тупöс кодь гөгрöс видз, а сийöс кытшолөн вөньюдис ты. Отар помыс кызь-комын метр оз пет Изьяшорö, и мөдыс орöма Сыктылысь.

— Таті коркө юыс визувтлөма, а сэсся мегыр кодь чуклясö орөдöма, ваыс бөрийöма веськыд туй,— висьталис учитель,— важ юсыс ты артмöма. Олөма йоз татшөм тысö важ Сыктыв-тыөн нимтöны. Отар помнас тулыснас сөмын юыскöд отлаасьлө, сэки чериыс кулымыны пырö. Видзөдлөй, посни ёсьясыс мыйта берег дорас. Öнi со тайö тыыс висьö. А висьö сы понда, мый ваыс танi шузьö, ньöти оз вежсьы. Тулыс-арын берегсьыс ёгыс ваас жö лэччö, тыыс ляпкаммö и векняммö. Аддзанныд, кызди эжөр да бадь пуяс ва шөрланьыс зыртчöны... И чериыс татысь төвнас пöдö. А местаыс со кутшөм мича,— пыдисянь ышловзис Алексей Иванович.— Сиктсаянь абу ылын ни.— Сэсся неуна чöv олыштөм бөрын содтис:— А позьö öд бурдöдны висьöмсö...

— Кызди?— учительлөн майшасьöмыс вуджис челядьлы.— Окотапырысь эськө вочам, мый колö,— öтамöд вежмөн юасисны найö.

— Сийö вөр юыс, көнi неважөн шойччим (со тай

визувтö), тысылы лекарство, а черияслы мездлун. Сöмын колö помны Изъяшорсö, кодйыны канава да шорсьыс васö веськöдны ты пырыс Сыктыв юö. Абу мöй öткодь, шорыс кö кутас усьны Сыктылас тököтьö гор-улынджык. Юыслөн сöдз ваыс джудждöдас тысö, вискыс тöv ни гожöм оз мöд косьмыны, чериыс кор кöсьяс пырас-петас.

— Сидзкö, аски жö и босьтчам уджас,— ыззисны челядь.

— Эн тэрмасьöй,— öлöдiс найöс Алексей Иванович,— колö видзöдлыны, уна-ö уджыс, зыръяс ковмас вайны, чер...

Челядь кытшовтiсны тысö, мурталiсны ылнасö вөр юöдз. Квайтымын воськов лои.

— Кык метраөн морт вылö воö,— Миша Коснырев матыстчис велöдысь дорö.— Воропа зыр судта ковмас кодйыны, ю дортiыс, гашкö, пыдöджык, берегыс тай крутджык сэтi. Зiльыштны кö — лунөн помалам уджсö.

Велöдысь пыркнитiс юрнас: ог пö.

Уджсö видзöдлöм бöрын челядь лöсьöдчисны мунны узяниö — Сыктыв берег вылын сулалысь керкаö. Сплавщикъяс, тыдалö, аслыныс шойччанiн тшуплöмась. Сэки пуяс сайсянь мыччысис-петiс ар нелямына кымын мужичöй, задйöдзыс кузь гöленя резина сапöгъяса. Öти киас вугыр шатин, мöдас — бадь увйö пысавлöм кельчияс да ёкышпиян.

— Час, шуа, видзöдла, кодъяскö ёна варовитöны,— локтысь чолёмасис юрсö копыртлöмөн, киасис учителькöд.— Висьталiсны, чериөн озыр ты, пö, эм уджаланiнсянь матын, гортö эг мунöй мастеркöд, мися, видзöдлам. Со кыйи эськö да ог тöд, шогмас-ö сёйны, ваыс и чериыс дука.

Вөлöмкö, дядьöйд туй вöчан бригадаын уджалö. Öнi матыстчöмаöсь Изъяшор дорö да вомöныс пос лöсьöдчöны вöчны.

— Сы йылысь и сёрнитам,— Алексей Иванович видзöдласнас гөгортiс кытшын пукалысь челядьöс.— Войтырыс тай кöсйöны ловзьöдны кулöм выйöдз воём тысö. Изъяшорсö пырыс мöдöдны. Аски, пöди, нем на оз артмы, струментыс абу. Сидз петимö войколөн, экскурсия вылö.

— Сэни, кöнкö, Алексей Иванович, туй вöчысьясылөн тырмымөн зыръясыд, абу, пö, ылынöсь да,— Миша ёнджыкасö шыödчылис тöдтöм морт дорö.

— Зэв буртор тай кöсьянный вöчны... Миян кык-

куим зырысь абу жё унджык. Ми ёд машинасьон уджалам. Куш зырнад вёр туйтё ёна он писькёд. Да и тані тјян зырјаснад... ёдвакё,— чери кыйсь дядё эз помав сёрнисё, сюся чеччис места вывсье, ётарё-мё-дарё прёйдитіс ты помсянь шор дорёдз, мыйкё шуаліс вомгорулас, бёр пуксис Алексей Ивановичкёд орччён.

— Вот мый. Шор дорёдыс, кёні ми уджалам, места-ыс ёна увтаса, уна лои кыскавны мусё. Туй мудёдыс вывті вылё лыбис. Лыаыд, асьныд тёданныд, лыа и эм, ещё топавтёмыд. Сідз кё колям, арся зэрјасён вермас кырёдны-нёбавны бокјасё. Асланым кияс оз тырмыны, сэн жё джын уджалысьсё бригадаыс урожай идравны босьтісны. А кадыс тэрмёдлё: посё колё вёчны и туйсё на водзё нюжодны. Кёдыдјяс пуксьём бёрын вёр кутасны петкёдны сэті. Гёгёрвоинныд, кёнкё, кытчё ме сина,— дядё серам сорён видзёдліс челядь вылё, велёдысь вылё.

— Отсавны,— пыр жё шыасис Миша Коснырев.— Мудёд бокјасё вольсавны эжа пластьясён, дорны найёс пу тувјасён, мед вочасён турун вужјасыс лыаас кутчысисны, мед видз бытёё лонс. Ми адзылім Генякёд, кыз сійёс вёчёны.

— Да, да,— бара шпыньмуні дядё.— Ме кора вежсьывны аски кежлё уджалан местаяснад. Қодійсян машинаыс миян прёста жё сулалё, та кузя ме сёрнитла мастеркёд. Уджыс, веськыда висьтала, абу сэтшём съёкыд, пёкранимерё, кокниджык зырјасён летороссялём му кодйёмысь,— юалана видзёдліс велёдысь вылё.

— Со войтырыс, кыз шуасны...— неуна чёв олыштём бёрын Алексей Иванович кыкнан кинас индіс челядь котыр вылё.

Челядь гызисны: вот, пё, кыз кивыв бергёдчас тётём морткёд паныдасьёмыс. Но медёна торјяліс гёлёсыс старёсталён, Миша Косныревлён. Сійё и юаліс:

— Ми, дерт, сёгласёсь, но коді кутас мынтысьны машина уджёдёмсье? Гашкё, дзонь лун ковмас гарйысьны экскаваторён, донтём оз сувт. Миян класслён, дерт, эм мыйтакё съёмыс, сетасны и картофель босьтёмысь... Москваё лёсьёдчам ветлыны тёвся каникулјяс дырйи.

— Сё мокасьт,— дядёыд вёлёма зэв серамбана, кияснас шлапнитіс бокјасас.— Став мытшёдыс мёй деньгаын! Кёсьянныд тай нё зырјасён перйыны, код нё сысь тјянлы мынтыяс? Вёр-вайдлы отсалан, сійё ачыс тырён-бурён козыналас. Со ты кёсьянныд ловзьёд-

ны, ставлы пöльзаыс лоö. Вай огö кутöй лыддысьны уджйöзъясöн, а вöчам сідз, кыдзи кокниджыка да бурджыка позьö.

— А сьöкыд машинаыд вермас татчö сибöдчыны?— челядьлөн лөнныштöм бöрын юалис Алексей Иванович.

— Вермас. Ме зэв зумыд туйöд вои, тыдалö, сэтi турун петкöдлöны видз вывсьыс. Верст гөгөр öд и лоö, ю катчöс. Аски автобусöн мастеркöд воам, бöрыннас нуам гортöдзыд.

Кылöдчысьяслөн керкаын зэв бура узьсис. Лыс лапьясысь вöчöм роскөн нывкаяс чышкисны джоджсö, нар вывсö. Кос увьясөн ломтöм бöрын бöчкаысь вöчöм пач регыд и вежис овтöм русö. Рыт кежлö пуисны тшакка шыд, пötöсadjык шуисны нурьясьны асывнас.

Садьмöдны асылын некодöс эз ковмы. Ывлаыс вöли рöмыд на, кор Алексей Иванович ломзьöдiс биपुर да Сыктылö лэччис вала. Воигкежлас ставөн нин вöлины кок йылын: кодi восьталiс консерв банкаяс, кодi весалис картофель. Коснырев эськö кöзаятыштіс жö: колö, пö, зарядка вöчны да мыссьыны ю дорын, но тайö пöрйö сійöс эз кывзыны. Мышкас-мышкас көш помысь öтамöдныслы кисьтöмөн пальöдiсны уннысö. Нывкаяс пийсь öти-мöд öтырышъя чиктылісны-сералисны Миша вылö видзöдлöм бöрын. А пызан сайын куснясьöмөн мöдiсны гигзыны. Алексей Иванович нинöм оз гөгөрво, сöмын юалö: «Мый сэтшöмсö шыд пиас пуктінныд?» Сэсся видзöдліс орчөн пукалысь Миша Косныревлөн чужöмö, муртса сёяныс аслас вомсьыс эз прыснитчы.

— Тэ, зонмö, войнас прамöя пöрысьмöмыд!

Миша гөрдöдiс весиг; а пызан сайын куснясьöмөн ызъялöны. Вöлөмкö, зэв крукыля помъяса усьяс рисуйтöмаöсь саөн, дзик батыслөн кодьöсь. Сэтшöма жö и мысьöма ачыс...

— Тэ миян старöста, мыйöнкö колö жö торъявны мукöдсьыс,— китшнитiс-серöктiс Альбина Чувьюрова.

Детинка синкым увтiыс видзöдліс эльтчысь нывка вылö, тöдiс, мый сылөн уджыс, но уна йöз дырйи нинöм эз шу, довгис ва ведралань. Сэн жö Алексей Иванович тэрмöдліс чукöртны көлуйсö, көнкö, пö, трактор шы муркнитiс.

Кор челядь воисны гөгрöс видз вылö, ты дорын гыпкис паськыд гусеницаяса вижөн мавтöм экскаватор, вывлань чурвидзысь труба пыр пöлясис лöz тшын гöгыльясөн. Кык мужичöй сёрнитiсны кыр йылын.

— Бур асыв,— важ тöдса моз шыасис тöрытъя дя-

дбѡ.— Кѡся на вѡлі ветлыны садьмѡдны тѡнѡс, мися, тѡрытъя мудзѡм бѡрад сы ни садь узьѡны.

— Ми дасьѡсь, завтракаѡсь и,— паныд воськовтѡі Алексей Иванович.

— Со мастер миян, Николай Ивановичѡн шуѡны, сѡйѡ петкѡдлас кыдзи да мый вѡчны. А ме заводита,— дядѡ пуксис кабинаѡ, содтыштѡі газѡ.

Челядь вешѡыштѡісны бѡкѡ, окота вѡлі видзѡдлыны уджѡ. Кѡдѡысян машина пиня кѡшѡ сапкис муѡ, ру-жѡктѡіс-вѡрзис став тушанас, мый вынсьѡс зѡвтѡі трос-сѡнѡысѡ. Рутшка-ратшкакылігтыр ѡрѡясисны летѡрос вужѡяс. Сѡсся лѡптѡі муѡн тырѡм кѡшѡ, ректѡіс бѡкѡ-джык.

— Вот тайѡ да!— шензисны челядь мастер бѡрся вѡрзигмос.

Машинаѡн кыскалѡм ѡжсялѡм нѡль пельѡса му пластьѡсѡ ректѡмаѡсь веськыда туй вылас. Туй мудѡд-ыслѡн бѡкыс збыль крут чѡй кодь лѡма. Николай Ива-нович быгыльтѡіс кыр улѡ кымынкѡ пласт, ачыс лѡччис да кѡрт куранѡн шыльѡдыштѡіс выльѡн кыскалѡм лыасѡ. Сѡсся ѡрчѡн-ѡрчѡн, кирпичѡяс моз, пукталѡіс веж ту-рун прать вутшѡысѡ, личкышталѡіс кинас.

— Мед ѡз вешѡыны, крепыдджык лѡѡ,— пидзѡсча-нясьѡмнас видзѡдліс челядь вылѡ,— пу тувѡясѡн дѡрам му бердас. Пыр тадзи — увсянь вылѡдз кутам кышав-ны ѡжанас.

— Кужам,— бара шыасис Миша Коснырев.

Челядь кутчысисны уджѡ. Ѳтияс шыльѡдѡны-мольѡ-дѡны куранѡн, мѡдѡяс туй вывсянь быглылѡны му кир-пичѡысѡ, кѡймѡдѡяс топыда тѡчѡны ѡта-мѡдныскѡд, дѡ-рѡны тувѡясѡн. Алексей Иванович муртса удитѡ пот-кѡдлыны пес чуркаяс дранечѡяс вылѡ, ѡсьтыштань ѡтар помѡысѡ. Ъвлаын тѡвру абу. Шѡнді лыбѡдчис пуяс йылѡ, лѡи пѡрччыны курткаяс да пинджакѡяс. Мастер тшѡтш пѡрччысьѡма, пуджѡма дѡрѡм сосѡысѡ, чужѡм сертиѡс тѡдчѡ — дѡвѡлен велѡдчысьѡслѡн уджѡн. Гашкѡ, кык-куим час коли, Николай Иванович веськѡ-дѡіс кѡсѡ, гѡрѡдѡіс ставлы кывмѡн:

— Шѡйччыштамѡй! Кыдз шуласны, уджным вѡрѡ ѡз пышѡы, кѡть и вѡрын уджалам.

— Ѳг на мудзѡй,— став пыдди шыасис Альбина Чувѡюрова. Ачыс ѡськѡ мукѡдѡяс моз жѡ пѡсялѡма, гѡрдѡдѡма чужѡмыс.

Челядь мыссисны шѡр дѡрын, юисны Изѡяшѡрысь сѡдз васѡ, пуксисны шѡйччыштны гѡж сайѡ.

Выльысь удж бердö босьтчытöдз кöлесаяс вылын будкаысь Николай Иванович петкöдiс пырыс тыдалана мешöкын гречуга шыдöс, вый да чай.

— Кынöмъясöс оз жö ков вунöдны,— мелiа видзöдлiс Альбина вылö.

— Пусяс сiйö...— Миша нурбыльтiс вомгорулас, но Чувьюрова кылöма. Пыр жö и чукöстiс:

— Коснырев, вала ветлы!

Шондйыс нин катовтчiс рытлань да и Альбиналөн рок и чай вöли дась, но челядь пыр на эз энотны уджсö. Адзисны: туй вылö ректöм эжа чукөрьяс чинiсны, сiйөн и шуисны помавны. Туй мудöд öтар бокыс лои вольсалöма, быттьö керöса видз артмис. А сейигкежлö воис и экскаваторөн кодйысьысь дядьö.

— Дзöнь канал артмис!— шыасис воигмоз, пöрччис шапкасö да пуксис челядь дорö.— Мортөн вöчöмторлы ковмас ним сетны. Кыдзи нимтанныд?

— Коснырев каналөн,— сярöбтiс Альбина.

— Ме öд эг перйы,— Миша сöдзöдiс пинь пырыс.

— А мый, юыс йитчис нин тыскöд?— Алексей Иванович бергöдчис воысьлань.

— Кольыштi помъяссö, мяся, став дырйиыс розьöдам. Сейыштам и ветламöй. Тысянь петан туйсö тшöтш лöп-ёгысь весалыштi, кералi шать-бадьсö. Тi тай со помалöмныд жö уджтö. Молодцы.— Дядьö видзöдлiс мастер вылö, кодi вöли карандашөн мыйкö лыддьö блокнот лист вылын.

— Этша сё шайт оз пет,— недыр мысти шыасис сiйö.— Мöдар боксö вольсаламö воан шойччан лунö, сьöм лöб. Вот и Москваö мун, гуляйт.

Мыйкö дыра чöв пукалисны ставөн.

— Позьö мир дорйöм вылö ыстыны,— негора гөлöсөн висьталiс Геня. Некод сэтшöмторсö эз виччысь да ставөн бергöдчисны сыланьö.

— А мый!— Миша быдөн лыбöдчыштiс улас сюркнялöм кокъяс вылö.— Позьö и мир дорйöм вылö. Сьöмыд мяян сiдз на чукөрмас: металлолом чукөртам. коль вотам лым джудждаммытöдз, таво со пожöмъясын быттьö горадзуль сярвидзö.— Да, кыз вөр-ва бура тöдысь, содтiс:— Бать шуö, кольөн озыр воыд, пö, нель-квайт воын öтчyd овлö. А мöд шойччан лунö татчö быть волам.

Тыртöммöм нопъяс челядь колисны автобусö, мöдöдчисны видзöдлыны выльөн перйöм канал.

Төлка дядьö заводитöма кодйыны тыланьсянь, мый-

такö кoльыштöма йитöдсö, мед, буракö, ваис эз ыльк-нитчы канаваас, кокниджык вöли уджавны. А мöдар помсö ю визувтанногыс веськöдыштöма, ва туйыс мед эз бертыштчы гырдыза кодь чукыльöн.

Ставöн сувтисны кыр йылö. Алексей Иванович да туй вöчысь мастер пöрччисны шапкаяснысö. Кузь голяйывса кöшнас экскаватор кыкысь гумовтöмөн и чашнитис-орöдис ты да канава костысь кутöдсö. Мöдар помсö розьöдны лои дырджык. Изъяшор эз кöсийы кежны нэмъясöн бöрийöм воргасыс. Вит-ö-кwait му тыр кöшнин бузгысис кодйöм канава вомсянь улöджык, а юислöн унджык ваис пыр на кырöдис-нуис кизьöртöм лыасö важ туйöдыс. Кодй зыръясöн, кодй ки помысь челядь мöдисны шыблавны мусö да изъяс. Недыр мысти ю берегыс да понöминыс öтрöвнöасисны. Изъяшор мöдис муткыртны-визувтны важ Сыктыв-тыö. А юис потшöминсянь увлань кутис ямны, сэсся и дзикöдз косьмис, сöмын джумъясö коли ваис.

«Ура-а!— öтпырийö горöдисны челядь, шыблалисны шапкаяссö вывлань.

Ставлöн вöли кыпид лов вылас, эз весьшöрö ло войколöн петавлöмыс.

КОДИ ЁГÖССИС

Дыр нин лöсьöдчам внуккöд вöрö петавны. Ачыс эськö ичöt на, кольöм ар пырис школаö, но зэв сюсь, гожöмын эг этшаысь ветлö чöд да тшак вотны. Книга вылысь стöча висьталö мян вöръясын олысь зверьпöткалысь нимъяссö, мыйсюрö кужö серпасавны ачыс.

И со шойччан лунö чеччим водзджык, сувтим лыжияс вылö. Мунны ылö оз ков: каян неыджыд чой, вуджан шыльыд эрд и стенöн сулалö кызд пу рас.

Тöвся вöрын лöнь, быттьö став олысьыс ланьтöманумовсьöма гожся шонид лунъясöдз. Сьöкыд туктаысь коз да пожöм увъяс лайкнитчöмаось увлань. Вöсни пуяс мегырöн бертовтчöмны-нюкыльтчöмны муöдз. Муртса инмöдчан кинад, лымйыс буткысьö-усьö, пуяс ньöжйöник веськöдö мудзöм коссö. Ывлаын ыркыд, сынöдыс сир дукöн öвтö — öд лыска пуяс тöv и гожöм ве-

жось, сөмын төлын найо оз быдмыны. Та йылысь и висьтала ёртлы.

Корья пуяс арнас на росмөмаось, тулыс жө вичысьоны,— ыджыд морт моз ышловзьё сійо.

Кыкөн, ыджыд да ичөт, пискөдчам пуяс костөд, быд воськов бөрын юалөм да воча кыв.

— Коді бара ёгөсьсөма тани-а?— внукөй петкөдлө отка ловпу улө.

Видзөдам да, вөрса пыстаяс жбыръялөны-лэбалөны увйысь увйө, гарсө пыльбөны, а чир-чарыс лым вылө киссьө.

— Оз, небось, кынмыны, ичөтъяс, сьылөны на пөткөдчигас. А ми со кызди пасьтасьсөмаось.

— Пөткаясөс небыд гөныс көдзыдысь видзө. Сэсся өд найо сідз оз овны, лун-лун сөян корсьоны, уджалігөн көдзыдыд озджык мөрччы.

Неылын мөдіс кывны сизьлөн дорччөм. Вeskөдчим сылань.

— Тани вот ёгдысьсөмны-ы...— киясө паськөдөмөн внукөй дзоргө кос пу улын коль чукөр вылө.

Гөрд юра сизь жбыр лэбис пуяс костөд, мөлөтөн моз топөдіс пу потасө вайөм кольсө, мөдіс оръявлытөг сизьдыны-перъявны көйдысө. Лэчыд гыжъяснас шашаритчөма пуө, увсянь мыджсьсөма дженьыд бөжнас. Чашъяс-перйыяс өти коллысь, сутш кежлө и вошлас, мөдөс нин лэбөдө-вайө. Дыр нин тан перкйысьсөма-ёгөсьсөма.

Шор лог вуджөм бөрын сувтім пашкыр пожөм улө. Кодкө пуклөс лөсьөдлөма гожөмын, сэтчө и пуксим шойчыштны. Нянь сорөн пөсь чай юим термосысь. Шондыс сідзи и эз лыб вөр йылө, син пөвнас видзөдчө пуяс костөд. Гөн кодь небыд лым чирьяс дзирдышлөмөн водөны муө.

Пожөм вывсянь лым вылө уси коль сьөм. Мөд дай коймөд. Некутшөм кок туй муын оз төдчы, оз кыв сизьлөн чашйысьсөм ни уркайлөн сьылөм.

— Код нө либө ёгсө лэдзө?— чатрасигтыр юалө внук.

Вешйыштім пу улысь, видзөдлім вывлань бокиянь. Ур, вөлөм, пукалө пожөм ув вылын, быттьө еджыд мач, муртса и торъялө лымйысь. Гожөмнас вотчигөн казавлім, сэки пожөм кырсь рөма вөлі и кажитчис ёна ичөтджыкөн. Төв кежлө вежөма пасьсө, пель йывьясас кузь сіяс быдмөны. Кокъяснас коль топөдөма моздорас, мыш

вылө ляскөм бөжнас ворсөдчыштө кокныдик төвру. Ньоти оз пов миянысь, водз кузь пиньяснас кйдысө пылльө, а гөрдов коль сьөмсө муө чирсий-лэдзө.

Внуклы висьтася тайө ичөтик муса зверь йывсьыс. Со, шуа, пу йывьясөд тувөма-локтөма татчө, сийөн и кок туйясыс оз төдчыны. Сөмын төдысь син вермас казьяны сылысь туйсө лым вылө киссьөм кырсь да лыс ёгьяс серти. Төлын сьөкыд кынөмпөт перйөмыс, ставыс тырөма лым шебрас улө. Сийөн и лун-лун корсьө колля пуяс, весиг со вом дорьясыс виждөмны сирсьыс. Орча пу увйө арнас на тшак пысавлөма, абу на убөлитөма сөйны, а гашкө и вунөдис нин либө водзө кежлө на видзө. Сөмын рьтя рөмыдын тэрмасьө аслас гортө. Тани жө, коз увьяс костө кыөм, ройөн вольсалөм шоныд позйын, тулысын чужасны урлөн пияныс.

УРОКЪЯС БӨРЫН

Май праздник кежлө шуисны весавны школа гөгөр. Шоныд поводдя бөрын быдсяма ёгыс петис лым улысь. Челядь асывсянь гортьяссьыс сьөрсьыныс вайисны росьяс, зырьяс, кураньяс. Урокьяс бөрын босьтчисны уджө, быд класс сувтис водздзык индөм местаө.

Витөд классын кызь морт, дас нывка да сымда жө зонка. Налы шуөма чукөртны ёгсө школаө пыранинысь, ыджыд топольяс улысь. Отияс куртөны, мөдыяс роскөн чышкалөны на бөрся. Шонди водзын мукөдлати удитөма косьмыны муыс, бус нин лыбө. Детинкаяс чукөртөм лөп-ёгсө нөсилкаясөн новлөны трактор помө йитөм кузолө.

Уджыс пуө. Челядь гизьөны-сералөны уджалігмоз. Бытьтө праздник школа дорын. Но дырдзык кө видзөдан, казялан: кызь пиысь өти оз уджав. Тайө Миша Кызьюров. Вын серти кө, сийө медся ён классын. Тушанас абу зэв нюжалөма, но зумыд. Юрыс кужөмөн жө сатшкөма пельпомьяс костас, сьылыс оз төдчы. Миша старөста, сийө веськөдлө уджөн. Сьөрсьыс сылөн нем абу, сийөн и киясө зептас суйөма. Шурьялө-ветлө отарө-мөдарө. То сийө тшөктө бура куравны арын на гылалөм тополь корьяс, төвбыдөн лымйыс найөс бура

топодома му бердо. Миша прөйдитигмоз ботинки ныр-
нас павтырало кольом корьяссо. То голосыс кыло но-
силка кыскалысыяс дорын: тыртогмоз по ветланныд,
кыш кодь, по, кокни нобовтасыд. Чаг ли бедьтор ко
ачыс шыбитас ег чукоро, одйоджык кияссо чышкало.
Со Мишаос короны отсыштны кузоло лэптыны вель
ыджыд коз, Вель во бoryн кильчо бокo и шыбитло-
маось елкасо. Зонка чунь йывьяснас кутчысьома увйo,
мода выло, кияссо сиросьтомысь поло. Мостки вылысь
казялис нывкаос, мелон гижтом йорторын кок пов вы-
лас чеччало, ырыштчис:

— Аддзомыд кад, йозыс со уджалоны...

— Коді уджалo, коді и покажывайтo,— ярскоба во-
чавидзис нывкаыд.

— Аски собрание вылын сёрнитам,— сoдзoдiс Ми-
ша, ещo на косийс мыйко содтыны, да чукoстисны сийoс
ег тыра носилка дорo.

— Кызьюров мед кутчысяс водзас,— шыасис Коля
Льюров, классын стенгазет лэзсысь.— Ми бoрсянь кы-
кoн бoсьтам.

— Мый, коскад кучкис, али мудзин,— мисьтома ви-
дзoдлiс Миша, носилкаo кутчысьтодз чагторйон нир-
тыштис воропьяссо.

— Из ли мый улиас лoдiнныд?!— муртса зэвтчыш-
том бoрын кияссо мынтoдiс бoр.

— Кыш кодь тай шуан,— мышсянь вочавидзис Ко-
ля.— Кoтасьoм корйис сьoктoдыштo, гoптсыс тэчим.
Асьныс, эськo, бура таялисны сoвтiгас.

Сэсся Миша пуксис трактор кабинаo, косийс отсав-
ны ректыны егсo. Быттьo водзвыв тодома, кузолыс, вo-
ломокo, ачыс боквыс сувтo. Дасoд класса велoдчысь эз
и петав кабинасыс, сикт помын кырoминo мунигмоз
ызбыльтис-кисьтис.

Кор Миша бoр воис школа дорo, ыджыд ег чукор
дорын виччысисны сoвтчысяс, дасoн кымын зоньяс
гырысь классьясысь. Мукoдыс вoлi разoдчoмаось нин.
Гoгoр нюлoма-весалoма. Портфельсo сылысь вугйoдыс
пысалoмаось тополь увйo, бокас ляскoмаось еджыд
лист. Лист пасьтала серпасалoма: нель нывка пель-
помьяс вылас кутoны носилкасо помьясoдыс, а вылас
зумыд детинка сулалo, шевкнитoма кияссо oтарo-мoдa-
рo, индoдьяс сетo. Тoдiс, дерт, Миша асьсo, кужысь ки
лякoма, кульoма и ляскoма — сы выло муно. «Льюров-
лон уджыс». Сэсся казялис увсыс гижoд: витoд класса
зонкаяс да нывкаяс. «Сидзкo ставoн... oтвылысь»,— ду-

мыштіс ас кежас. Миша видзодліс гөгөрбок, нюмыр-
нямыркерис листсө, шыбитіс тополь улө. Но неуна
ылыстчөм бөрын бергөдчис, бумага ёкмыльсө сүйис
зептас. «Ещё на мыжаласны, ёгдысьома, пө, весалөм
вылө...»

КӨЗА ЙӨВ

Юра Кузькоков кольөм гожөмсянь эз аддзысьлы
дедыскөд. Гажыс быри, өдва виччысис велөдчан во по-
масьөм. Воркутасянь батыс колльөдіс Сыктывкарөдз,
сысянь кык час мунны автобусөн — өтнассө мөдөдіс.

— Но, морө, зэв тай кузя нюжалөмыд өти воөн, со
пельпомөдз лоан,— шензис дедыс машинаысь мыччы-
сьөм бөрын.

— Школьник өд, «4» да «5» вылө велөдчи,— ош-
йысьыштіс орччөн мунысь Юра.— Вунөдін мөй, деда,
төвнас кык письмө тэныд ачым нин гижлі.

— Забыль, волісны и эм. Молодеч.

Трөпим дедрөн пиыс войвылын уджалө. Корө ас до-
рас, а пөрысь морт оз вермы энотны чужан-быдман
местасө, көть өтнас сиктын олө. Сійөн и отпускьяс дыр-
йи пи гозьяыс сы дорын олыштөны, внукуыс гажөдыш-
тө. А төвнас ачыс мыйкө дыра сэн гөститө.

Сөйны пуксытөдз Юра мыссис трусик-майка ке-
жысь. Сэки и дедыс казяліс: турилөн кодь вөсни внуку-
ыслөн ки-кокуыс, чужөмас вирпас абу.

— Ерөмакань,— чошкөдсис дедыс, кор внукуыс кы-
мыныськө тшака шыд паньыштөм бөрын көсйис чеччы-
ны пызан сайысь.— Тадзи сөйөмнад нө кытысь выныд,
отсасысь воин. Уджыс град йөр тыр, пес дасытыны ку-
там, вотчыны.

— Ме ён, деда, весьшөрө майшасян, со мускуль-
ясөй,— Юра мөдіс тракыны-кусньөдлыны плеть кодь
вөсни сойяссө. Муртса төдчыштана мылькторьяс лы-
бавлісны пельпома-гырддзаа йөзви костын.— Ми бать-
көд гантельясөн вөдитчам, котралам. Сійө тай шуө:
лы-кучикыд кө, пө, эм, яйыд лоас. Мамө витаминьясөн
тшөгөдө-а. Климатыс пө оз мозды...

— Климат... Витаминьяс...— броткис дедыс,— шыд

да рок колö сёйны, йöв да. Йöлад, пö, кызь сикас витамин.

Пöрысь морт тöдiс: кампет-преник вылын ёнджыка внуксö видзöны. Ывлатi омöля ветлö, телевизор водзын да книга сайын пукалö.

Мöд асыв Юра садьмис водз. Кывт öшиньöд пырысь шондi югөръяс небыд кань кокөн мелiа ворсöдчисны чужöмас. Қеркаын некод эз кыв. Видзöдлiс öшинь пыр: пидзöсчанысьöмөн дедыс кöза лысьтö.

— Ачыс абу и ыджыд, дзонь литр со сетiс,— вашъялан чужöма, дедыс мыччис внукуылы кык воропа миска. Ачыс, тыдалö, видлöма нин, вом гөгöрыс устошкас еджыд быгторъяс öшиöмаось.— Нолтö, ю шо-ныднас, рытнас бара сетас.

Сöмын матыстiс йöв дозсö вом дорас, вешкыртiс чужöмсö.

— Абу мöс йöв кодь да?

— Быдөнлөн аслас көр. Быд сёян аслыс көра. Тэ ю, ю, эн нюжмась. Поля баблөн кык лысьтысь кöза вөлöм. Ну, пö, вöзийö öтисö, внукуыдкөд, пö, чöсмасынныд.

— Деда,— вом дорсö нюлигтыр бара шыасьö Юра,— танi кызь сикас жö витаминус?

— Тошка мöскыдлөн, пö, кöзаыдлөн либö, ещö унджык на.

Том кöза (Белкаөн нимтлöмаось) зэв вильыш вөлöма. Велалiс да воськовтны оз сет: кытчö деда-внука, сэтчö и сийö. Торийөн нин Юра бöрысь вöтлысьö, тöдö, кодi чöсмöдлывлö пöтöса сёянөн. Көть йиреяныс кок улас, йөрö сийöс кыскöны, он и тöдлы, кутшöм розьöд уйкнитас. Сидз öтчыд муртса эз джагав. Кык потш костö суйöма юрсö, вешйöма öтарлань дай сибдöма. Киргö, быттö ловыс нин петö.

Быд субöта рытö Воркутасынь триньöбтö телефон.

— Кыдз нин сэн оланныд кыкөн?— юалас Юралөн батыс.

— Мыйла кыкөн,— вочавидзас пиыс.— Ми куимөн, Белка эм, кöза. Йöлөн вердö.

— Он-ö вись, Юрочка, сёян-ö витаминъястö,— тöждысяна юасьö мамыс.

— Висьны некор, уджалам быд лун,— ыджыд морт моз вочавидзö Юра. Дедакөд пес вöчим, чери кыям и вотчам, град йöрын уджыс уна. Белкалы тövбыд кежлö корöсь да турун дасьтим.

— Гашкö, кольччан төв кежлас, школаыд мяян эм жö,— сидз öтчыд кильчö вылын пукалiгөн дедыс вежа-

видзана видзодліс детинка вылө. Гожъялөма и зумыд-мыштөма, бандзибъясыс гөрдөдыштөмаоьс, отсасис гожөмбыд, гажөдіс сійөс.

— Гажтөм лоө батыөлы да мамөлы, ёртъясыс гажөй быри и,— ышловзёмөн вочавидзис внукуыс.— Тэ ачыд төвнас сэсса волан миянө.

ВӨРСА ПРӨСЕК ВЫЛЫН

(вөвлөмтор)

1.

Шөр арлыда кык мужичөй рөмдантор петісны лесопунктса клубыс да вель дыр восьлалісны чөла. Сэсса өтигыс шыасис:

— Ерөмаканьяс, со и быдты найөс, аслыд отсасысьясөс виччысь. Төлысса удждонөн козьналісны кыкнан-нымөс.

— Бур ешө, мый эз пуксьөдны,— вочавидзис мөдыс.— Мыжыс некымын тысяча шайт дон сувтөма.

— Пуксьөдны...— сувтовкерис воддзаыс.— Ружье тай ньөбөмыд, абу кыйсьыс ни вөралыс да.

— Ачыд?— пыр жө чушнитіс мөдыс.— Кольөм во нин пищальтө вөйтіс пиыд, а зарадъястө ки улын видзан.

2.

Вөлі сентябрь шөр. Вөр посёлокыс гырыс класса велөдчысьясөс новлөдлісны орчча сиктө өктыны картупель. Автобус мыйлакө сөрмыштіс талун. Зонъяс да нывъяс вильшасисны лесопунктлөн контора дорын. Кык зон торйөдчисны мукөдыс, веськөдчисны посёлок помлань. Машина регыд и тутөстіс, но некоднайныс бөр эз бергөдчыны.

— Бурджык, ю дорө ветлам либө вөрө,— вөзйис өтигыс.

— Бать вель ружье ньөбөма, позис эськө лыйсьышны, да зарадъясыс абуөс,— вочавидзис мөдыс.

— Миян шкапын вит-ö-квайт патрон туплясьö. Гашкö, лöсяласны буретш.

Кöкъямысöд классын велöдчысь кык зон мöдöдчисны вөр кыскалан туйöд. Тöдса шофёр мыйтакö нуöдыштіс пöпуттьö. Сылön юалöм вылö, талун, пö, тай мöдарлань туйвизьтö кутанныд, кодыскö на пиысь нурбыльтіс-пөръяліс: мешöкъясөн, пö, вöдитчим вежон чöж да шойччöг лун сетісны.

Пувйөн чöсмасьöмысь öтдор, лыйны матігöгөр вöрысь нинöм эз веськав. Шуисны зарядьяссö лыйлыны пасö. Регыд петісны паськыд прöсек вылö, коді веськыд визьөн юковтіс вöрсö.

— Со и пас, видлам выль ружьетö,— шыасис पिшаль новлöдлысьыс да веськöдіс стволсö электрической столб йывлань. Мöдыс кыв ни джын эз шу. Пожöм кырсь рöма изоляторысь кымынкö тор резыштіс лыйöм бöрас. Сэсся лыйис мöдыс. Кольöм зарядьяссö лэдзисны ещö на матыстчыштöм бöрын. Изоляторысь нинöм эз коль, а проводыс муртса öшаліс крук йылас.

3.

Войбыд скöраліс тöv. Кыдз шуласны: уль пусö нюкыльтö, кос пусö чегьялö. Кört крук вылысь мынöм провод лайкнитчис увлань, төкөтьö муöдз эз во. Кос сартас чегьялöм кодь шыөн леторос йывьясын сьвкмунісны ярьюгыд дзирдяс.

4.

Тулысын стадаысь торйöдчöм бöрын ыджыд ай йöра гожöмбыд шöйтіс öтнас. Арьявыв бөр матыстчис тöдса местаясö. Кольöм төлын унджык кадыс колис тайö прöсек вылас. Йöраяс ножичөн моз шырзисны, кытчöдз судзисны, пелысь да бадь кустьяс. Сэки чукöрас вöліны кык энь йöра да кымынкö том ай. Ставөн кывзисисны да вöтлысисны ыджыд ай йöра бöрся. Сійөн и öні гöграліс тані, думсьыс виччысис найöс. Пötкөдчис васöдіньясын быдмысь зöридзөн да паськыд листа вижьюр турунөн. Ыджыд ай йöра став пытшкөснас кыліс арлысь матыстчöмсö: водз асывьясын да рытсёрьясын сетліс нин гөлөссö. Но матігöгöрын вöлі чöv-лөнъ на. Öні сёйны сэтшöма сылы оз ков. Апыштас пожöм лыс, вомас топöдöмөн сідзи и ветлö. А кор нырас воöны нитшыввса кок туйясысь тöдса дукьяс, синьясыс гу-

дыртчоны. Пыр и мѳдас кокны мусѳ водз кокъяснас, либѳ сюръяснас лайкѳдлыны негырысь пуяс. Но чорыд косьяс виччысьны ыджыд ай йѳралы эз вичмы. Рѳкыд былѳ, прѳсек вомѳналігѳн морѳснас тшукис усьѳм сутугаѳ, кыті токыс вѳлі мунѳ. Сэні и нэм помсѳ аддзис.

5.

Кѳть войяс вѳліны ыркыдѳсь нин, луннас шондыс бура на шонтіс. Кыз кучик пытшкын кувсьѳм пемѳслѳн яйыс дуксис. Сьѳдбѳжъяс да ручьяс пируйтісны нин тані некымын лун. Тѳлѳн разалысь дуксьѳм яй кѳрыс сувтѳдіс места вылас маті прѳйдитысь вѳрса кѳзяинѳс. Ош вѳлі вердаса. Буретш тапикасьѳ-корсьѳ тѳвъян места. Кольѳм арѳ водліс вужля улѳ да тулыснас кості лои петны. Ва воис кадысь водз. Виччысьѳмѳн, но тільяс пыр веськыда (нырсѳ гильѳдіс тѳдса дукуыс) матыстчис осьсаинлань. Зверь гѳгѳрвоис: пѳтѳса сѳяныд оз мешайт гуѳ пыртѳдз, яйыс дуксьѳма и быдѳн, сы серти. Водз лапанас тшапнитіс йѳралысь задсѳ, кучик сорѳн някыртіс яйсѳ, весиг куйлысь пемѳсыс ставнас вѳрзышитіс места вывсьыс. Сэсся кыпѳдчис бѳр кокъяс вылас. Тыдалѳ, кѳсийс видзѳдлыны гѳгѳр, и сэки юрыс веськаліс сутугаѳ. Ньюкыртчис-усис йѳракѳд ѳрччѳн.

6.

Коймѳд лун помся прѳсек дорын вотчис вѳр кыскалысь шоферлѳн гѳтырыс. Талун сійѳ кежис туй мѳдарлань. Пувийыс артмѳма. Сѳмын тай лов вылас мыйкѳ сьѳкыд. Сьѳлѳмыс быттьѳ абу местаын. Тыдалѳ, луныс тажтѳм да сы понда: руа, сынѳдыс васѳд, кымынкѳ оськов сайысь и тыдалѳ водзѳ. Шуйс гортлань сетчыны да буретш туй кодь тѳдчышитіс прѳсек вомѳныс. А сідзсѳ быдлаті он на и прѳйдит: сук леторос, войтурун да ѳмидз кустьяс пасьтала.

Ылісянь на кыліс моторлѳн эргѳм шы, сэсся дзик юр весьтѳдыс лѳбис вертолѳт. «Тыдалѳ, нинѳм оз тыдав да сійѳн сѳтшѳм уліті лѳбѳ, прѳсек визьѳдыс. Мед кѳть сюръя йывъясас эз крукась, сутугаас эз дзугсьы»,— думышитіс нывбаба ас кежсьыс. Муртса воис прѳсек шѳрѳдзыс, юреиныс сувтис чышъян улас, кѳдзыд йирмѳг визнитіс юреяньныс кок улѳдз. Видзѳдѳ: кымынкѳ оськов сайын йѳра былѳ ош вожасьѳма. Муртса сьѳлѳмыс

эз. пот сэтчө. Шыбитчис бөрвув. Усьө-чеччө, котөртө, пувсө и быдөн кисьтис. «Налькйö шедөмаөс вильөдө», — юрас воис котөртгас. Дзирдалысь сугугасө тай казяліс жө-а.

7.

Водз асывсянь ставыс шызис-гызис райцентрын. Дугдөма локны энергияыс высоковольтнөй электролиниясянь. Телефонъяс медводз триньөбтисны электрикъяслөн, бөрынджык начальстволөн. Юасисны-майшасисны больничасянь, йөв да нянь заводьясянь, дояркаяс... Кодлөн вөліны, кутісны уджөдны асьыныс движокъяс. Лои төдса: нелючкиыс лесопункт да райцентр костын. Шыөдчисны карө — видзөдлыны сынөдсянь. Но кымөра да руа асылө вертолётлөн лэбөмыс нинөм жө эз сет. Сэссия өтарсянь да мөдарсянь мөдөдісны йөзөс. А костыс ветымын верст.

Көр вөр кыскалысь шофёр медводдза рейс бөрыи сувтөдіс машинасө да пырис гортас нурьясыштны, гөтырыс мыкталөм сорөн висьталіс аддзылөмтор йывсьыс. «Гашкө, сәні и помкаыс да? Миянсянь, пө, водзө электричествоыс оз мун...» — Öдйөджык петіс керкасьыс.

Регыд йөз воисны вөрса прөсек вылө. Сюръя улысь казялісны жугласьөм изоляторлысь торпыригсө, а боксыджык — лыйөм патронъяс.

БЫДТАСЪЯС

Кык велөдысь бөръя лунъясө переменяяс дырйи сөмын и сёрнитісны Катыдө ветлөм йылысь. Поводдя шондөдіс. Сыктыв ю воссис нель-ө-вит лун сайын. Сэк жө виль мотор таво судзөдіс Юрий Иванович.

— Сукарыд дась-ө, Пал Иваныч, өні чериыс куръяясө йөршитчөма, коть зырийөн лэптав. Мотор уджалө, кызд часі, «Ветерок-12».

— Ме дась, кызд салдат, нопйөй лөсьөдөма.

Пал Иванычлы кык во мысти квайтымын тырө, комын сайө во школаын. Вөр-ванас сэтшөма «висьмөма»,

мый, сюрас кӧ прӧст кад, нинӧм сийӧс оз кут. То челядь-кӧд отпуск чӧж ветлӧдлас, то ылӧджык, йӧз муӧдз, сетчылас. Та дыранас сы мында гижӧма, чукӧртӧма, снимайтӧма — и ставыс тайӧ школьной музейын.

Юрий Иванович томджык буретш кык пӧв, сылӧн жӧ вӧвлӧм велӧдчысь, но тайӧ оз торк налысь ёртасьӧмсӧ. И важ моз на Юраӧн олӧма морт нимтӧ ас костын.

Выль мотор оръявлытӧг жургӧ. Абу прӧста шляпкӧ-мабсь банас вит пельӧса пас. Кӧрт пыж пуртӧн моз ва веркӧссӧ юковтӧ ӧтарӧ-мӧдарӧ. Пыж бӧжын ваыс муткыртчӧ еджыд быг сорӧн, лайкъялысь гыяс зурасьӧны берегӧ. Ойдӧм бадь кустъяс дорысь кыпӧдчалӧны уткаяс, саялӧны ю чукыльӧ — ӧдыс налӧн тӧдчымӧн тэрыбджык катысь пыжысь.

— Ранитчылӧм кокӧй быттӧ петшӧр пытшкын, — гора шыасьӧ Пал Иванович, — бур барометр сийӧ поводдя крута вежсьӧм водзын.

— Нинӧм, — бӧжалысь видзӧдліс енэжӧ, ӧвтыштіс кинас.

Ю вывтӧ шуныгигӧн ёртъяс эз казавны, кызди рытыввойвывсянь енэжыс тшунӧдӧн тасасис няйт рӧма кымӧрӧн. Первой катшашыдӧсӧн койыштісны вывсянь, сэсся лым чиръяс здукӧн еждӧдісны берегъяссӧ. Швичкис кӧдзыд вой тӧв, ывлаыс пемдіс. Лымйыс быттӧ емӧн сатшӧдіс чужӧмад.

— Но, — шуӧ Пал Иванович, — татшӧм поводдянад ещӧ кӧнкӧ миян моз кодкӧ кӧтӧ? Ӧдвакӧ...

Поводдяд войбыд скӧраліс, тӧлыс мисьтӧма омляліс вӧр керка трубаын, кыліс пуяслӧн шувгӧмыс.

— «Челюскинӧс» моз йиыс дорӧма карабтӧ, — асывнас юӧртіс томджыкыс. — Доргӧгӧрсӧ черӧн керавтӧг он вӧрзьӧд.

Весьт судта лым пӧльтӧма войнас, берег доръясӧ йиыс бӧр сувтӧма, юыс сыысь тӧдчымӧн векниджык кажитчӧ. Мотор сэтшӧма кӧдзалӧма, лои некымынысь ва шонтыны пӧртӧн, киськавны вывсяныыс. Бӧрын ловзис жӧ, но мыйкӧ дыра таргыштӧм бӧрын сэтшӧма пӧсяліс, красказыс кутіс чездыны-сывны, ру кайӧ пывсян горйысь моз.

— Разылыны лоӧ, — Юрий Иванович перйис ключьяс тыра мешӧктор, — а то жугӧдам кыксӧ шайта добра.

— Выль моторыд тӧрыт нин кутіс несъявны, тыдалӧ, кывтны лоас, а то сибдам татчӧ, водзӧ на кӧдздӧдӧ. Аски асывсянь урокъяс, — майшасис Пал Иванович. — Вывсянь кӧ лӧччыны кутасны, домасям, талун ӧд некод

оз мөд манитчыны. Не мянкөд сөмын татшөмыс овлө.

— Сө мокасът, подшипникыс киссьөма, сійө и шоналө. «Ветерок» вылө надея абу.— Юрий Иванович вештыштис шапкасө мышлань, чошкөдіс пельяссө.— Тшака полойсянь моторка вөрзис, вит минут мысти тани лоас, колуйтө, Пал Иванович, колө вайны бөр.

Ю чукыль сайсянь былькнитис-мыччысис пыжа крута бергөдчис береглянь. Вескөдлысь гырдадзайдыс кучик кепысьяса, лётчиклөн кодь вөня өчкияса, еджыд пасьсө зэвтөма паськыд тасмаөн.

Кор Пал Иванович пошкигтыр локтис вадорө, еджыд пася торйөдчис нин берег дорысь, вескөдіс пыж нырсө ва кывтчөс да сәки вөля сетис моторыслы: пыжыс места вывсьыс сөмын чечыштліс, быттө яр вөв сувтліс кыккөйыв. Юрий Иванович өвтыштис кинас, скөрысь сьөлыштис бокө, мыйкө чорыдөс крапкис вомгорулас.

— Босьтан сылысь төлын китыр лым!!! Кык бачок бензиныс пыжас, а шуө: «муртса тырмас, пывсянө, пө, тэрмасы». Ва нылыд эз сөгласитчы кыскыны. Этатшөм морт! Аслас кө нин — пыж и бензин бать уджаланінсьыс. Тэнад выпускникыд, Пал Иванович.

— Коскоков ли мый?

— Код сэсся сюраыс тадз вермас вөчнысө, мед эськө мыль чечыштис ныр йылас,— пөшти горзис Юрий Иванович.

А мөдыс быттө ва босьтөма вомас, кыв ни джын оз шу. Да и мый висьталас — ставыс гөгөрвоана. Сьөлөмөдзыс йиджтысис аддзылөмторйыс: «Кыдзи нө Коскоковыс сідзи вермис вөчны, пикө воөм йөзөс эз мезды этатшөм луно». Пал Ивановичлы син водзас сувтис зонкалөн сөвмөм-быдмөмыс. Эз омөля велөдчы, эз өтдортчы общественнөй уджысь, сөмын пырджык гөлөснас босьтис, зілис командуйтны. А челядь, мыйлакө эз уважайтны сійөс, торйөн гырысь классьясын. Тыдалө, став велөдөмсө абу сюркнялөма пель саяс, мыйсюрө мода вылас кывзөма. Бать-мамыс тшөтш мөдарөджык синөны вөлі.

— Пал Иванович, бара мотор шы,— шыасис Юрий Иванович.— Шулін, код кулыс, пө, мянысь кындзи, петас, а йөз ветлөны.

Эз на удитны помавны сёрнисө падмөм ёртъяс, вөркерка сайсянь шурс петис неыджыд мотоцикл. Том мортлөн чужөмыс ставнас гыөртөма. Сувтөм бөрын пыр жө чургөдіс княссө бипурлань, сэсся сөмын чолөмасис Паша Ушаков.

— Чолөм, танөсь жө. И ті, Пал Иваныч? Ме курьяө муртса лолөс эг коль, но и поводдя! Рытсаян вугырьяс шыбиті, сэтчө и кольны лои, кымөма. Мед, унджык шедас. Час, шуа, кежавла, жургөм шыяс кылісны да. Ті нө он на лөсьөдчө, ме смена вылө тэрмасы.

— Вөрзям жө,— шыасис Юрий Иваныч,— кывтны мянлы ковмас, моторным петіс стройсы.

— Мыйөн и тиянлы отсавны,— жугыльмис Паша.— Гашкө, лэчча да кодөскө медавла, талун амбарьяс дорын унаөн моторьяссө видлалісны.

Паша жебиник, өтлаын Коскоковкөд помавліс школа. Велөдчис шөркодя, йөз пөвстын быттө казялана эз и вөв. Оні монтерөн почта вылын, арнас армияө лөсьөдчө.

Пөрысь учитель котөрөн уськөдчис кык көлесаа таргысь вөв дорө, горөдіс: «Паша! Босьт кепысьсө, менам мөд гоз эм!».

Кывтны пелысьяс вылын йи пластьяс костөд көть ва кывтчөс — абу вөлөма тшаква. Пелыс лоптыяс регыд и сьөктаммисны — йизьө сынигас. Паныда төлыс гыясөн зільө сувтөдны сьөкыд пыжсө. Қадысь кадө вежсьылөны местаясөн, шонтысьөны.

— Абу на ставыс артыштсьөма вөрзигөн, коліс му пыртлыны да пескөн дасьтысьны, бипур эськө оні нестім, кызд пурьяс кылөдігөн. Вот сёрнийд лөб, воам да. Вай вежла, Юра, каньяс мөдісны мышку кузя гыжъяссө лэчтавны.— Пал Иваныч пукалө көдзыд төвлы мышкөн, кияссө дзебөма сосьясас (лишнөй кепысь гозыйс абу вөлөма). Асьсө пыр на кырлөдлө-дойдалө Коскоковөс казтьылөмысь:— Дас онас уна жө вөлі висьталама-дольөма, тыдалө, ми велөдысьяс, ставсө ог на артыштөй, мыйкө төдчана бөкө кольө, сійө и өткымынъяс школа помалөм бөрын абу на тыр морі сямаөсь.

Син водзас сувтіс важся, но вунөдлытөм серпас. Ёртсө война вылын чорыда ранитіс, садьсө быртөдзыс. Войбыд картофель корьясө дзебсясигтыр ас вылас кыскис, би улын фронтсө вуджисны. Татшөм жө кымын арлыда вөлі. Оні на письмөасьөны, гижөны сылы ёртыслөн челядыс, корөны волены. А этійө... Институтө лэччөма пырны справкаөн, быттө во нин трактористөн уджалөма совхозын. Абу инасьөма. Дерт, верстьө йөзлөн мыжыс тані абу ичөтджык. Таво армияө босьтасны, торйөдасны мам-бать борд увсьыс. Сэн велө-

дыштасны олөмсө гөгөрвоны. Оз кө бара судзод колана бумага.

— Ура! Пал Иваныч, кодөскө суодам,— Юрий Иваныч торкис ёртыслысь думъяссө. Сувтөма пыж шөрө, шапка пельяссө лэптөма.— Моторка шы.

Збыль, бадь кустьяс сайсянь, кывтысьяслы паныд мыччысис почтөвөй катер. Нырыс лэччывліс-лэбавліс, резіс васө отарө-мөдарө и вывлань. Матыстчигас крута бергөдчис, сувтліс пыж дораныс.

— Петі Сыктыв ю вожысь, лесоучастоксянь, видзөда — берег вылын кодкө өвтчө кияснас, тшөктө сувтлыны. Мөвпала: пөпуттьө лэччөдны вөзйысьсө, өктывла сэтшөмъяссө тайө каднас,— оръявлытөг варовитіс том морт.— Паша Ушаков вөлөма, монтерным миян. Мырдөн бергөдчывны корис, гегдасны, пө, сэтчө. Вай сөлөй менам карабө, а пыжтө домыштам, ёна нин сьөктам-мөма. Сэн тулуп, Пал Иваныч, гаровтчөй...

Пал Иваныч век думайтис и думайтис аслас велөдчысьяс йылысь. Кыйкнитлывліс и Юрий Иванычлань. Сійө лөньөдчөма өшиньдорса скамья вылө да синьяснас колльөдө катерлысь шыльыд бокъяссө нюлысь гыяссө. И он вөлі вермы гөгөрвоны, мый вөлі том учительлөн юрын.

ВОКСЯНЬ ПИСЬМӨ

Школаысь воём бөрын Ким перйис почта кудйысь кык письмө. Гижөд серти төдіс: отиыс Николайсянь, ыджыдджык воксянныс. Мөдыс машинка вылын гижөма. Қильчө вылын жө разис конвертсө.

«Уважаемые Степан Иванович и Агния Ивановна! Ваш сын, отличник политической и боевой подготовки, Николай Степанович Кокшаров за образцовую службу в пограничных войсках награжден медалью «За отличие в охране государственной границы СССР». Благодарим за хорошее воспитание. Будьте здоровы... Капитан Стрекалов». «Вот тайө да,— шензис Ким,— ачыс эз и юөртлы». Восьтис мөд письмөсө. «Дона мамө да батьө, сідзжө и Ким вокөй,— лыддис вомгорулас воддза листсө.— Неуна дырджык письмөыс лон гижтөм.

Ме өні куйла госпитальын, но ті энө майшасьой, регыд бурда нин, вежон-мөд бөрын лэдзасны, сэсса гортө вола, отпуск сетөны...»

«Ким вокөй,— детинка мөдіс лыддыны мөд листө. Ичөтджык вокыслы быд письмөын Николай мыйтакө пыр гижыштлис торъя лист вылө.— Эн жө өна мыжав менө. Быдсяма лөк йөзыс на тай свет вылас эмөсь, кодөскө виөны кувтөдз, кодөскө ранитөны. Гижа письмө, а синваөй мырдөн вөзйысьө. Врачыяс оз тшөктыны шогсьыны, регыдджык, пө, бурдан, а ме кутчысьны, думышта да, ог вермы. Ким вокөй, вося дырджык өтлаын служитім Дикыдкөд. Места воөм бөрын неуна гажтөмчис, тэысь, дерт, медводз. Вой ли, лун ли, пыр өтлаын петө дозорө.

Сийө гожеся рытө петім Татарияса зонкөд. Границаыс вель кузя мунө вөр ю пөлөн. Берег вылө петөм бөрын торйөдчим өрткөд, сийө өтарлань веськөдчис, ме — мөдарлань. Ю кытшов прөйдитөм бөрын шуим өтлаасьны. Төдлытөг Дик зэлөдіс көвө, эрөстіс. Казялі: дзик вадорөд, бадь кустьяс пөлөн, вөсьлаліс мужичөй. Көмтөм, гач кокъяссө пуджөма, тыдалө, регыд на вуджөма юсө, мыш саяс ноптор, киас вугыр шатин. Гөгөрвои: өна видзчысьөмөн асьсө кутө, мунігмоз кыйкъялө өтарө-мөдарө. Мед весьтасасьны ськөд, Диккөд вөрөдыс котөртім. Шпионыд удитөма нин кайны берег йылө. Кор горөді «Сувтны!», сяркнитіс-луйис миянлань, мөдіс кырссьыны-пышйыны. Зэв пельк вөлөма, гадыд, котөртигас чукльөдлө-мукльөдлө пуяс костөд, удитө и лыйсьыны. Оз, дерт, сэтшөм-татшөмтө мөдарсянь миянө мөдөдны. Мед мудеритны кужис, зверь моз төвзыны, воштөдчыныд абу кокни. Но,— мөвпышти,— кыкөнысь ылө он пышйы. Ачыд төдан, Ким вокөй, армияөдз на эг жө ляб вөв. Дерт, позис дізьгыны лыйны мөвкъялысь мышкас, эськө пом вөлі, да быть көсийи ловйөн «босьтны». Сэн жө өрт вылө надеяөс эг вошты, лыйсьөм шыяс кылөм бөрын оз вуграв, көнкө, застава вылө рация пыр юөртис и. Пышйысьлөн выныс абу жө помтөм вөлөма, өта-мөд кост мөдіс топавны, ясыда вөлі кыла сылысь кашкөмсө. Көсийи нин тшапкыны мышсяньыс, да, тыдалө, зептас мөд наган вөлөма, дзик матісянь бара лыйис. Пуляыс дзенкнитіс веськыд кокө. Мыйкө дыра вөтчөм бөрын мөдіс венны дойыс, гудыртчис син водзын. Сэки и лэдзи Дикөс көв йылысь. Здук мысти бара кыкысь помся лыйисны. Пельөдз воис немөрт ногсөн ойзөм, понлөн никөстөм. Бөръяпом суөді

кыкнаннысö. Пон вожасьöма диверсант вылö, юрсянь
кок улöдз ачыс ойдöма вирөн. Веськыд кисö топöдöма
клещиён моз, öдва мынтöдiм отсöг вылö воом ёрҕкöд.

Қим вокöй, кыкнаннымöс нöбалiсны, ме со ловья, а
Дикöй... Эз вермыны бурдöдны. Прöща кора, эг вермы
видзны, но быдтасыд миян ловсö пуктытöдз «служитiс».
Не кö Дикыд, сiйö гадыс, гашкö, мыйта на пакöсть вö-
чис. Дерт, сюрис жö эськö, öд кок улас йöз муыс сэт-
шöмыслөн сотчö».

Қим видзöдлiс стенö. Вокыс неважөн на мöдöдiс
фотосö. Диккöд орчөнöсь. Зонкалы кажитчö, мый пон-
йыс аддзö сiйöс ыли мусянь, веськыда синмас сылы ви-
дзöдö. Жаль лои нель кока ёртыс, синваыс мöдiс дор-
шасьны. Сэтшöм ичөтсянь тетькуйтiсны-быдтiсны. Мурт-
са синьясыс вöли потыштöмаöсь, кор питшөгас вайис
пöрысь велöдысь ордысь. Қокъясыс кызöсь, юрыс нöш
кодь кыз, а бöжыс плеть кодь вöсни.

— Таысь, буди, батьö, оз жö прамöй пон пет-а?— эз
өтчыдысь юавлы ыджыдджык вокыс.— Пургыль моз
лашикасьö да.

— Ичөтнас сэтшöм и эм, абу öд вöралан понйыд.
Кутшöм на ещö лоас, быдмас да.

Во джын мысти Диклөн пельясыс сувтiсны, гöныс
вежсис да сьöдджыкөн кутiс кажитчыны. Вокъяс сэсся
кутiсны велöдны сiйöс: места вылысь мед оз вöрззы
тшöктытöг, кок дорын мед бура ветлiс, гөлöс сетiс ко-
лана кадö. Купайтчигьясö велöдiсны пырны ваö, пет-
кöдны берегö шыбитöмторьяс. Прöст кадö батьыс
тшөтш отсасис, граница вылын жö служитлöма. А пö-
рысь велöдысь ордысь книгагас босьтлiсны.

Николайлөн армияö мунан кадö понлы вöли кык
арысь неуна унджык. Лöсьыд статья пон, Қим вöли мурт-
са и кутö кövйöдыс сикт кузя мунiгөн. Мукöд поньяс
тявгöны-увтöны, а Дик налань оз и бергöдчыв.

— Сьöрсьыд босьт,— сiдз өтчыд гарыштiс Николай-
лы пöрысь велöдысь.— Мый тани кутас вöчны, вöралысь
пон кö вöли-а. Сiдз жö пöрысьмас. Тöдысь йöз сэн ещö
на велöдасны, пöльза лöй. Сэсся öд войвывсеаястö ён-
джыка граница вылö ыстöны.

— Қолö батькöд сёрнитлыны, воккöд и, өтлаын быд-
тiм-велöдiм,— сэк вочавидзис Николай. А регыд мысти
и военкоматса уджалысь та йылысь жö казътыштiс.
Сэсся кыкнаннысö и колльöдiсны гортсьыс.

«Эн жö ёнасö шогсьöй,— лист вылысь Қим лыддис
водзö,— лоис кö нин бергöдны позьтöмтор. Қим вокöй,

тэнад армияо мунтөдз быдтам на понто, велодам и. Велөдчы бура, ёнон да сюсьон ло. Ок ёна армияд колө дасьтыны асьтө, сэки служитны кокни. Отпускө локта да висьтасы ставсө. Николай».

ЧЕЛЯДЬЛЫ СИОМ ОЛОМ

Войыс Мария Ивановналөн коли лёка. Думсьыс көсьйө личөдны ловсө, унмө вөйтчыны, но кутшөмкө мөвпьяе вооны и вооны. И узян лекарство кизь оз отсав. Асьядорыс тай здук кежлө сур-сармуныштліс, но бара вөтъясөн челядькөд вийсис.

Кухняын гартчигөн мөвпьясыс вешйылісны юрсьыс, но кор колльөдіс верөссө порог дорөдз, аслас сынанөн лөсьөдыштис сылысь бока юковсө, а сэсея өтнас коли да бара шай-паймунис, быттьө выльысь садьмис радио шыө: «Поздравляйта челядьөс, налысь бать-мамөс, велөдысьясөс... праздникөн, выль велөдчан воон, сиа уджын вермөмьяс, дзоньвидзалун...» Ачыс министрис сёрнитис, төдіс гөлөссө Мария Ивановна. А төдса гөлөс водзө лыддьөдліс, кымын велөдысь Комиын, кымын выль школа вөссис таво, кымын сюрс нывка да зонка выльөн пуксьөны партаяс сайө. Нывбабалөн төдлытөг вазисны синъясыс, кымынкө югыд моль гөгыльтчис ныр пөлөныс вом дорас. Шатласигтыр, код морт моз, пырис жырйө, вольпась вылө нюжөдчис, бөрддзис.

Мортсө, дерт, некод эз өбөдит ни төрыт, ни водзджык. Прөстө талун сентябрь первой лун, а Мария Ивановналы школаө оз ков мунны. Сійө — пенсионерка. Талунөдз эз на сэтшөм курыд гөрөдөн горшас сувтлы тайө кывйыс, оліс, кыдзи и быд гожөм, быттьө отпускын на. И со...

«Кыдз нө водзө олөмыс? Али сэтшөм нин пөрысь?..» Но мөвпьяссө торкисны дзоля йөзлөн гөлөсьяс — тротуар кузя тэрыба тотшьөдісны кык нывка, юсь кодь еджыд партукаөсь, выль портфеляөсь, киясаныс дзоридзьяс. Со и мамьясыс бөрынджык тапиктөны, пыр тай первышьястө колльөдөны. Мария Ивановна вешйыштис өшинь дорысь, мед не паныдасыны синъяснас мунысьяскөд. «Өтиыс вuzасысь Лизалөн, а кодлөн нө

мод нывкаыс? Көнкө өд матын жө олө? Да...— пыді-
сянь ышловзис сійө,— ог төд. Абу нин тай лөсьөдчыс-
сьөма уджавны...»

Водзті сійө выль класс босьттөдз ветлөдлас гортъ-
ясті, некымынысь пыралас детсадіө, сёрнитас сэн уджа-
лысьяскөд. Да и аслыс кокниджык тадзисө. Өд найө,
сизим арөсаясыс, өтпырйө видзөдлөм бөрын кажитчө-
ны өткодьөсь, быттьө зэрөм бөрын веретя вылө мыччы-
сьөм ягсеръяс, а торйөн кө босьтны — быдөнлөн аслас
сям да этш, кызди яг вылысь он аддзы дзик өткодь кык
пу. Таво эськө сьлөн первой класс жө вөлі, уджаліс кө.

Мария Ивановна ветлөдлыштис джодж кузя — мый-
кө вөчны колө, а киас нинөм оз пыр. Стенын өшалысь
пу часі бара на ас ногыс дойдіс: дзурс воссис өдзөстор,
шурс мыччысис көк, чирөм гөлөсөн өкмысысь лыддис
«ку-ку». Челядь разөдчөм бөрас горт гажөдысьөн сійөс
нимтісны верөсыскөд. Син водзас сувтіс школавөдзса
серпас: челядь сувтөмны веськыд визьөн, видзөдлан юр
вывъясөдыс да быттьө чөй паныд лыбө визьыс өтар
помсянь мөдарө — сэтшөма нюжалөмны дас во сайын
пырысьяс. Бать-мам пиысь унаөн сөнөсь жө. Праздник
кодь. Мыйла — кодь? Праздник и эм. Луныс гажа и.
Бур сиймъяс, аплодисментъяс, дзоридзяс. Школаса
директор, кияссө паськөдөмөн, челядь войтырөс өтко-
дялө ыджыд кораблькөд, коді петө вөчөжся туйө, ныр-
визьсө кутө төдөмлунъяса странаө. Сэсся баситөм кө-
лөкөльчик шы чуксалө тавося медводдза урок вылө.

А кымынысь Мария Ивановна ачыс пыртліс челядь
котырсө татшөм праздник луннас?! Дас өкмыс арөс-
сянь — пенсия вылө петтөдз — комын квайтысь. Быт-
тьө неважөн на заводитис уджавны, а вояс пышйөмны-
гөгыльтчөмны. Кыдз төрытъя лун, синъяс водзтіыс ву-
джөртө кольөмаыс, сувтө серпасөн-серпасөн.

Вөлі война помасян во. Педучилище бөръя курсысь
лэдзисны найөс, чиг нывъясөс, кадысь водз, син улөдз
лэдзөм челкаа зонъясөс, кодъяс весиг эз на кужөмөн
бритчыны, водзджык нуисны армияө, унджыкыс на пи-
ысь муніс ас көсийөм серти. Кузькоков Пашлөн өти кыс
оз вөлі прамөя куснясь, мырдөн сорөн вөзйысьөма.
Сэсся тайө Ыбпом сиктыс, не ас серти латшкөс тушаа
Кузькоковкөд төдмасьөмыс (Паша вөлөма Ыбпомысь,
война вылө кольөма шуйга кисө гыррдзаөдзыс). Быд-
тысигас нин заочнө помаліс институт, мыйкө дыра
уджаліс гырысь челядькөд, но сьөлөмыс пыр кыскис
поснияс дорө.

Комын квайт во чожнас Мария Ивановналон кияс пыр прёйдитис сюрс гөгөр морт. Унджыксё на пиысь, дерт, кадыс вуштіс паметьсыс, но откымынъяс йиджтысьсөмны чорыда. Сійө чеччис өшинь дорысь, стеклөа шкап жырйысь перйис куд кодь ящиктор. «Дона Мария Ивановналы, менам медводдза велөдысьлы, менам мамы, ыджыд-ыджыд аттьө ставсьыс. Н. Шомысов», — ас кежас лыддис вевтсьыс ожигаитөма гижөд. «Мамлы» кывсө торйөдөма гырысь шыпасъясөн. «Кыз нө сійө вунас, Коляяс! Батьтөг-мамтөг быдмис тьоткаыс ордын, юр вундысь кодь вөлі, муртса шпанаө эз пөр. Детдомө нулісны — пышйис». Кымынысь шыбитліс велөдчөмсө, но Мария Ивановна эз лэдзчысь, сизимөд классын нин велөдчигөн ас гортас босьтіс овны, сэсса Воркугаө, горной техникумө мөдөдіс. Өні Коля военной, ньөти праздник и выль велөдчан во заводитчөм оз вунөд поздравитны и пыр кыз мамы гижө. Кольөм во чужан сиктсө воліс видлыны, медводз пырөма школаө, класс өдзөс дорын виччысьөма урок помасьөм. Сэні и Мария Ивановна веськаліс сылы сывбордъяс. «Мамо! — зарни погонъяса, ежддөдны нин удитөм көсичаяса мужичөй шымыртис сійөс мездорас, сэсса бергөдчис на вылө шемөса дзоргысь челядьлань: — Менө велөдліс жө Мария Ивановнаыд, кор ме вөлі тіян кодь. Кыз велөдчанныд» — «Бура», — китшнитис-вочавидзис став пыдди гөрд галстука нывка. А со этайө альбомыс Костя Ульныровсянь. Чөліник-раминик зонка вөлі, мыйө босьтчас, сійө и ки помсьыс артмө, и велөдчөм ккниа сетчис, нельөд классянь кустпромө вуджис вурсьыны. Зэлыд кад вөсна коймөд пайыс велөдчысьяс пиысь улынджык тшупөдъяссянь на медасьлісны удж вылө. Костялөн уджаліс мамыс өтнас, сёйысьыс витөн вөліны. Костя верстыөөн нин помаліс техникум, агрономалө орчча сиктын, паныд веськалас кө, ылысянь на шыасяс, босьтас шапкасө да копытчас. Пөрысь велөдысьлы тайө ставсьыс дона.

Мария Ивановна лэптыштліс юрсө — паныда стенсянь сы вылө видзөдіс вашъялысь томиник нывка. Татшөмөн сэки, косіник Маша Каневаөн, сійө воис комын квайт во сайын. Локтіс и вужъясис. Вөвлөм поь керкаын нель класс да учительскөй. Өні кирпичысь вөчөм школаын сизимсө сайө велөдчысь, велөдысьыс комын. Сиктыс райцентрөн лои. Олөмыс водзө восьлалө, томмө, а сійө пөрысьмис, шкап өдзөс зеркалоын тыдаліс дзик төдтөм морт, торйөн талун — синъясыс и нырыс

гөрдөдөмнү, син гуранъясыс пыдаммөмнү, юрсиыс не то сьод, не то еджыд, кутшөмкө пөим рөма лоөма.

Ящикторйын лукйысигөн ки улас веськаліс быттьо быгалыштөм рөма ичөтик книжка, кодөс сылы сетісны март төлысьын. Вөлі чукөртчөмнү школаын став уджалысьыс, директор мыччис книжкасө да помаліс: «Но тайо оз висьтав, ертъяс, мый Мария Ивановнаос ми корам энотны уджсө, пенсия оформитөм абу та выло помка. Вылынджык классьясын велөдысьяс некор оз элясьны сылөн быдтасьяс выло. Гожөмнас шойччаныд, а сентябрь өтиөд лунө, кызд важ моз, школаө...» Сэсса сёрнитісны ертъясыс, ачыс пукаліс паныда пызан сыйын, мыйкө шуаліс жө, а водз чуньнас нирышталіс син дорьяссө.

А аскисянь бара заводитчис быд лунъя манливөй уджыс и некод та йылысь сэсса ньөтчыд эз казгышт, көть водзынджык и кодсюрө юавлісны: дыр-ө, пө, ещө арөс тыртөдзыд, ме кө, пө верма сэтчөдз нюжөдны, өти лун ог уджав.

А вот март төлысьянь велөдчан во помөдз быттьо мыйкө овмөдчис сы пытшкө, быттьо деливө лов вылас, быттьо виччысьө мыйкө омөльтор, торйөн нин восьса урок да учительскөй совещание вылын.

Кыкөн найө Екатерина Васильевнакөд сетісны восьса урокьяс, көні пукалісны ичөт классьясын велөдысьяс район пасьтаысь. Кадысь кадө учителяс чукөртчылөны юксыны вьлиторьясөн. Эз, дерт, омөльтны-кулитны уроксө. Эз өтчыдысь нин сетлыны тайо уроксө, төдса ставыс, а кымын книга лои листавны, лөсьөдны став коланасө, бөрья луньяссө сы йылысь и сөмын думайтис. Но век жө сьөлөмыс аслас эз бурмы. Öти кө, өна волнуйтчис да мыйсюрө водзджык артыштөмторйысь вунөдіс — пыр тай сідз, кор кодкө йөз морт пукалө урок вылад, быттьо абу аслад дозйын. Мөд кө, кор донъялісны уроксө, сёрнитысьяс быттьо мыйкө оз помөдз висьтавны. Мария Ивановналы кажитчис, мый найөс өнджыка шензьөдө стөнын өшалысь да шкапьясын куйлысь быдсяма коланторйыс учительлөн уджын, кодьясөс на пысь унджыксө велөдысь вөчөма аслас киясөн, мый ковмас — босьт да петкөдлы челядьлы. Мукөдьяс пөся аттьөалісны сійөс сыысь, мый сэтшөм сюся да кыпыда муніс урокыс орчча классын том учительницалөн...

Екатерина Васильевна уджалө коймөд во. Мария Ивановналөн пыр на син водзас: кор юаліс вьлөн во-

ысь челядьлысь, коді мыйон көсийо лоны, Катя, синсё лапниттөг, ратшкис-висьталіс: «Учительницаон, тэ кодьон жё, Мария Ивановна». Первой гөрд галстука, сэсся комсомольскөй значока, тайо визув нывкаыс пыр вөлі челядь пөвстын, некор эз өтдортчыв некутшөм уджысь. А нель во сайын директор пыртис классё верстыо нылөс, вьстөмны мөд школаө, мырдөн вөзийсьёма: Мария Ивановна дорө, пө, муна.

Мария Ивановналон долыд сьөлөм вылас, кор синьяс водзас пуө-вөрө тайо сюсь мортыс. Коркө, небось, велалөма быдторйө: сылө и йөктө артист моз, кино петкөдлө ачыс, баян вылын няргялө-ворсө, рисуитө и лозунг гижө. И клубса выступайтысьяс пиын пыр. Оти шойччан лунө аслас классаяскөд сылысь тшөтш челядьсө вөрө нуөдліс. Комсомолецьясөс корөма ворсөмьяс котыртны...

«Дерт, томьяслы кокниджык батьяслон да пөляслон тальөм туйөд, но и налы вичмасны бужөдьяс да шывбөляс, кодьясөс ковмас венны, он пыр чой горув исковт...» Но век жё Мария Ивановна мыйтакө завидьтыштіс Катялы, кодлөн ставыс на вөлі водзын, но мөд, пытшкөсса, гөлөс шөпкөдіс: «Од сідзи и колө, вөвлөм велөдчысь кө панийө велөдысьөс — тайө абу омөльтор, тайө зэв бур, сідзкө, абу весьшөрө овсьөма-уджавсьөма. Позяс и шойччыштны сэсся, горт гөгөрын нокесьштын. Но мыйла сэтшөм тэрыба визувтіс сылөн кадыс?..»

ЯНДЫСЬЫСЬ МОРТ

Раминик мортыдлы уна жё сюрлө нинөмсыйс гөрдөдлыны. Торйон нин нывьяс водзын век шөйөвошөма, мукөддырйиыс көть му пырыс мун. Дас көкьямыс арөсөдз сойбордийөдыс нылөс эг кутыштылы, непөштө колльөдны рытын, сывйыштны либө оқыштын. Тыдалө, рамлунөй мекөд өтлаын чужлөма и өні век вирын. Велөдчигөн тай коридор шөрөд мунны вөлі ог лысьт, стенсө нирта, йөткыштөм-конйыштөмысь пола.

Армияө босьтісны, тшөтшьясөс пөдругаясыс колльөдөны, кодсюрөөс весиг гөтырьясыс, а менам төдса ныв абу.

Мыйтакö служитöм бöрын миянöс вуджöдiсны мöд местаö, сэнi ме и тöдмаси Миша нима коми зонкöд жö. Быд вежон вöли письмö воö пöдругасынныс, гораа лыддьö меным. Гötрасьны нин кöсйылöма да бать-мамыс öлөдöмны, кутшöм на, пö, тэ жöник армияö ветлытöг.

— Нинöм, кык вотö виччыяс, — частöкодь Миша ышловзбывлис нывлөн фотокарточка вылö видзöдлiгөн. — Зоя — надёжнöй морт. «Зоясö» ёртöй кымынысь и перйивлö тумбочкаысь, водiгөн на дыр дзоргас пöдругаыслөн чужöм вылö, волялысь чорыд бумагаторсö инмöдлас чужöм бердас.

— Аддзöмыд тай майшасянтор, удитан, — öтчыд шусис менам.

Быттьö ваймöм бипуриö шыбитöм кос лыс дзажнитчис-öзийс ёртöй.

— Водз чеччöмысь да водз гötрасьöмысь некод на абу кайтчылöма.

— Водз чеччö, но этша печкö... — эг удит помавны шуöмöс, бара вомалис:

— Нитшсялöма шусьöгыд, тöрытья лунөн олан. Сиктын миян вит-ö-квaйт бурлак зон ас кадö тöv чужьялисны, вуджисны комынысь. Думайтан, мыйкö меж сьöлöмьясаныс налөн коли нывьяс дорö?! Мед бара эз. Рытгысын «печкöны» вина дозйысь. Да мый тэныд висьтала, — кинас керыштіс сынöдсö, шебрасис юр вывсянныс.

Кöкъямысöд классянь нин Зояыскöд сиктас гозьяөн шуöмны да, позьö и гөгөрвоны морттö. Ме, дерт, радейтчöм йывсьыд видзöдлi кинояс вылысь, книгагасысь лыддьывли, но öд сэнi абу ловья йöз. Öтчыд тай кино вылын орччөн лöсявліс ме кодь кымын жö арлыда ныв, зэв кыз кöсаа. Рытивбыд кöсынътчöмөн сы вылö видзöдi, кöсья нин вöли малыштны кисö, да эг лысьт. А мöдар бокын ныла-зонма, залын бисö кусöдöм бöрын, пыр жö сывйыштчисны. Кино бöрас нин мыйтакö вöтчышті «кыз кöса» бöрысь, мися, висьтала гоз-мöд кыв, но он на босьт — бара уйкниті полысь кычи моз, кöть нылыс вöли оз тэрмась и кымыныськö бергöдчыліс меланьö.

Татшöм сёрни бöрад, дерт, эг лөгасьö Мишакöд, ёнджыка на мöдiм ёртасыны. Сійö и öтчыд ышöдiс менö тöдмасыны Настя нима нывкöд, весиг сылы письмö панны отсалис.

Дзонь тöлысь виччыси воча кыв, кыз шуласны, öтвет ни привет. Эн пö лэдзчысь, шуö Миша, водзö гиж.

Ачым сідзи жō мōвпала, син саяд нинōмысь яндысьны, кōть, шуам, и тōдтōм морт. Рытивбыд жуглі юрōс — гиха да бōр косявла. Сэссия фотокарточкаōс тшōтш пукті конвертō. Военной формаōн молодец кодь, зэв лōсьыда петсьōма, туша и рожа эм, морōсын ōтар-мō-дарас значокъяс. Веськыда висьтала: служба меным сетчис кокниа, велōдчигōн на бура лыйси, котралі лыжи вылын, кужи вермасьны. Быдтор, тыдалō, колō вōчны ас кадō, ōні ме тайōс бура гōгōрвои и аттьōалі ыджыдджык ёртъясōс. Мукōддырйи вōлі жаль босьтō ёртōй вōсна, кōть, шуам, сэтшōмыс и эз ōтнас вōв. Марш-бросок бōрын укшаль вōв моз пошиктō, ньылō-дōма, кōть пыдзрав паськōмсō. Либō турник вылын — зэвтчылас кык-ō-куимысь, жнѐпкыяс сю мешōк моз. Ачыс шогалō жō: «Вот,— шуō,— физкультура урокъяс вывсьыд пышьялōмыд мыйōн бергōдчō». Сідзсō ён тэ-часа и шыльд, боксянь кō видзōдлыны, да вынйōрыс, тыдалō, этша, дыр уджōдтōм вōв кодь. Детдомын тай мян вōлі Чалко нима вōв, сэтшōма тшōгōма сѐян ко-лясьяс вылын, мый вожъяс костō муртса тōрō, а выныс каньысь абу унджык. Мишалы ёна жō лои асьсō пес-ны, уна и пōсь лэдзис, и зільōмыс весьшōрō эз вош, ордысьсōмъяс бōрын строй водзын ошкисны.

Коркō-некоркō и менам ним вылō воис письмōбыд, нывсянь медводдза письмō. Муртса удиті восьтыны конвертсō, Миша быттō пу йылысь уси, **кватитіс тет-радь** листсō. «Пōрадок,— шуō,— водзō вылō пыдысь-джык, сьōлōм дорсьыд перйи кывъястō, сэки и ачыс пōсьджыка гижас».

Педучилище помалōм бōрын Настяōс мōдōдōмаōсь Мишаяс сиктō, абу кокни, пō, уджавны первойя вотō, но веськалōма бур коллективō, кыкōн, пō, школа бер-дын олам.

Сідзи и кутім письмōасьны, ме быд вежон ыста, Настя кык вылō ōти воча кыв сетō. Збоймышти да ōти письмō помалі татшōм кывъясōн: кутла и окала — сал-дат Иван Молчанов. Дзонь тōлысь бара ōветыс эз вōв. «Зэв тай збой вōлōмыд,— сэссия гижис Настя,— и кия-сыд кузьбōсь, ылысянь кутлысян», но помас пасйōма: «Аддзысьлытōдз, Настя». Татшōм кывъясыд и менсьым сьōлōмōс вōрзьōдисны.

Кадтō тай сійōс он пык, котōртō, служитны коли куим тōлысь. Календарь лист вылысь Миша быд рыт пōлōсōн визьнитō ōти лыдпас — ōти лун вылō чинō ур-читōм кад,— пыр частōджык и частōджык гаралō гортō

мунѡм йылысь. А ме... Менѡ кодї виччысьѡ? Қыз шу-ласны, дом ни лом, батъ ни мам. Дерт, пу дорысь эг ло, мам и батъ жѡ вѡліны, сѡмын тай ѡні синъясѡс куня, да вуджѡръясѡн моз сувтѡны водзѡ.

Чужѡм бѡрын батъ энѡвтѡма миянѡс мамѡкѡд. Мамѡ юны кутїс сы бѡрын, первой ѡтнас, сѡсся кутшѡмкѡ уска дядьѡ кутїс волыны, и ме лишнѡйѡн лои налы, пируйтѡм бѡрас пызанвывса колясъясѡн пѡткѡдчи. Ѳтчыд ыджыдкѡдъ калбас тор суйи питшѡгѡ, дзѡбси шебрас улѡ да йири. Уска дядьѡыд гѡгѡрвоѡма, зяткис-печиктїс палич кодъ чуньнас плешкѡ, думышта да, ѡні на кыла дойсѡ. Кодлы норасян — мамѡ код, нискѡ-узьѡ диван вылын. Қымыныськѡ волїсны тѡдтѡм йѡз, янѡдлісны сїйѡс, но нинѡм эз вежсьы. Сѡсся ѡти лунѡ мамѡ нуѡдїс менѡ гортысь (сѡки эз вѡв код), колльѡдїс кык судта керкаѡ, кѡні вѡліны ме кодъ жѡ и гырысьджык челядь. Аслас вѡлі шорѡн визувтѡ синваыс, бурдѡдча, пѡ, да бѡр босьта, кутам ѡтлаын овны. Вит арѡссянь сїдзи и некод эз волы ме дорѡ и ѡнѡдз, кѡні батъ-мамѡй ѡг тѡд. Детдомын вердїсны и юкталїсны, пасьтѡдїсны и велѡдїсны государство тшѡт весьтѡ, ГПТУ помалѡм бѡрын босьтї строительлысь специальность.

— Но мый, телеграммасѡ кучкамѡ ѡг?— демобилизуйтчытѡдз кымынкѡ лун водзын юалѡ Миша, аслас вомыс пельясѡдзыс, быттѡ кок пѡвсѡ гортсьыс нин лыддьѡ, сой пѡвсѡ муса ныв сьылі вывесьыс.

Татчѡ мый ме вочавидза?

— Тѡныд лѡсьыд, виччысьѡны ѡтарсянь и мѡдарсянь,— шуа сылы,— чужан муад мунан.

— Тѡнѡ быттѡ ѡз! Настяыд нѡ!— чуймис ме вылѡ.— Гижѡма тай — аддзысьлытѡдз, сїдзкѡ, надейтчѡ, виччысьѡ. Қыз нѡ аддзысянныд, он кѡ сы дорѡ мун, али татчѡ сїйѡс виччысян, бѡб. Сиктыс миян райцентр и зѡв гажа. Муса нылдыкѡд ставыс мусмас.— Ещѡ на мыйкѡ висьтасис и сѡтшѡм пѡся и сьѡлѡмсяньыс, мый ме небзи, смеллунѡй содыштїс, дыр эг мѡд гадайтны. Пуксим Мишакѡд ѡти вагонѡ и куим лун мысти местаѡ воим. Сїйѡ ѡшинь пыр на казялѡма сьѡлѡм косьтысьсѡ, поезд сувттѡдз на лѡбыштїс-петїс. Меным быть тшѡтш пет, энѡвтчан кѡ, поездыс водзѡ гольѡдас, вит минут и сулалѡ тани. Быр-бар видзѡдлі гѡгѡр, сувтовкери, сѡки и небыдик кияс мышсянь тупкисны синъясѡс.

— Настя?— кыткѡ вѡрзыштїс пытшкѡсѡй, сюся бергѡдчи шуйга пельпом пыр.

— Ме, Ваня.

Настялөн киясыс лэдзчысисны менам пельпомъяс вылө, а ме ог төд, кытчө воштыны киясөс, сулала быттьо командир водзын. Оз тусь кодь мича ныв локтөма меным паныд, бандзибьясыс гөрдөдыштөмаось, кокны дик төвру ворсөдчө дженьыда тшөтшөдөм гарчикыля юрсинас лөз чутьяса еджыд платтьоыс вералө син водзын, а кывйөс менсым быттьо көрталөмны вом пытшкө.

— Здравствуй, Настя,— сэсся тай мыччи жө киөс.

— Здравствуй, Иван Молчанов,— серам сорөн вочавидзис сийө.

Сідзи ми мыйкө дыра сулалыштім киясөс өта-мөд-нымлысь кутөмөн. Миша друг бара мездис, сиктө пөпутной машина сюрөма, чукөстис.

Рытнас ёртьясө, рөдвужсьыс кындзи, воалисны и том йөз, Мишалөн төдсаяс, кык пызан гөгөр чукөрмис. Орччөн мекөд веськаліс зэв вылын морөса ныв, ковтаас вевдор кизьясыс сідзи и чашкалөны, дасьөсь орны. А чужөмыс! Быттьо циркульөн гижтөмны вөчигас, сэтшөм гөгрөс, но төлысь и эм! Водзвыв висьтала: тайө Маша нима нывсө ас коддьөмыс Төлысьөн и, вөлөм, нимтөны, а сийө пыдди оз пукты, оз лөгась ни.

Но мыйла нө Настя абу тани?..

— Но, мөдім,— Мишалөн батыс кызөктыштіс, гөгөртис юрнас пукалысьясөс да содтіс:— И мед водзө татшөм молодечьясыс дзөнь-здоровөн бергөдчалісны служба вывсьыс. Мед некор лөк гым-чардыс эз повзөдлы йөзсө му вывсьыс.— Бара кызөктис, но нинөм эз шу, тэрмасьтөг кымыньтіс стопкасө. Тинь-тонь шыяс торкисны здук кежлө пуксьылөм чөвлунсө, гөстьяс уськөдчисны сөян-юан вылө.

— Но, водзө,— бара кызөктыштіс Мишалөн батыс,— кыз шуласны, мөд син пөвтө.

Сэки пырис Настя. А бөрсьыс моряк, тыдалө, регыд на жө воөма армиясыс. Пукалысьяс топөдчышталісны и виль воысьяс сідзи и лөсялісны орччөн. Зонмыс пызан вомөн киасис мянкөд, мөдіс ухаживайтны Настя бөрся. Менө пыр жө пөсьө шыбитис.

Винатө юны меным некор нн вөлі велавны, гашкө, гоз-мөдысь на и видлі көрсө, и татшөм компанияө эг на веськавлы. А өні кодкө быттьо тойліс мышсянь, мися, мужик юр жө новлөдла пельпомъяс вылын. Мөд стопка бөрын ещө на содтысим. Вирөй кутис котравны юрсянь кок улөдз, аслым сэтшөм лөсьыд лои, а Настя мыйлакө ылынджык мөдіс шыавны. Төпөдчыштөм бө-

рад орчѳон пукалысьсянь шоныдыс пачысь моз шлынъ-
гѳ, и кныс нин мышсянь кутыштѳ менѳ. Уна и пѳсь
вѳлѳма ѳн морѳсас, чилѳс гѳлѳс юрѳбтѳс дзик пель до-
рын:

Не плачь, девчонка, пройдут дожди.
Солдат вернется, ты только жди.

Кывъясыс тѳдсаѳсь да некымынысь сьылѳм ѳтитѳрсѳ.
Сѳсся нинѳм ѳнасѳ ог помнит. Миша тай шуѳ аскинас:
Тѳлысь-Машакѳд пѳ кутлысьны мѳдлѳн, сѳсся Аркадий-
морьяклы посводзын мыйкѳ ѳна доказывайтѳн. ѳдва пѳ
и янсѳдѳм сы дорысь.

«Но и дурак жѳ ме!— кызд сѳмын эг омѳльт ачы-
мѳс,— первой лунсянь петкѳдлѳ гуг и бан, ещѳ йѳз во-
дзын. Кызди бара Настякѳд паныдася-а?» Син водзын
сувтѳсны челядьдырся вояс, мамѳлѳн оласногыс. Но
мый лоис, он бергѳд, колѳс сѳмын бурджыка нырѳ
тшупны, мед нѳм чѳж кылѳ...

Выль местаын медаси уджавны ПМК-ѳ, сѳсь жѳ и
сетѳсны общежитѳе. А Миша, кызди и вѳлѳ армияын,
руль сайѳ пуксис. Сюсь мортыд тѳлысь мысти гѳтрасис
воѳм бѳрас. Сиктас вѳлѳ ѳнджыкасѳ лѳптѳны кык да
куим судта керкаяс. Тѳлысь-Машаыд танѳ жѳ, вѳлѳм,
уджалѳ штукатур-малярѳн. Видзѳдлан сы вылѳ да ка-
житчѳ: быттѳ тѳрмасѳѳмаѳсь сѳйѳс вѳчигѳн, юрсѳ гѳг-
рѳстѳмны да сѳдзи и пуктѳмны кык пельпом костас—
голяыс оз и тѳдчышт. Кос туй местасѳ дзик жѳ вунѳдѳ-
маѳсь босьтыштны, вывсянь улѳдз веськыда лѳсѳѳмны.
Ачыс кѳсѳѳ на висьтавын мыйкѳ, а чужѳмыс вашнитчѳ-
ловзѳѳ нин, и тѳ быть жѳ сылы вѳча серѳктан.

Нывъяс уджалѳны увдор судтаас, а ми, тѳчысьяс,
регыд жѳ нин кутам сигѳртны керкасѳ. Бригаданым
уджалѳ пѳдрадѳн, ставѳнлы, кодѳ ноксьѳ тайѳ ѳбъект
дорас (сѳдз керкасѳ нимтѳ прораб), гижѳны ѳти, ѳтувъя
наряд. Кодкѳ мыйѳнкѳ кольччѳ кѳ, шуам, мый вѳсна кѳ
норма оз тыр, ставнас бригаданымѳс дойдѳ. Медводдза
лунъяснас ме ѳна жѳ мудзлѳ, ки пыдѳсьяс воссьылѳсны
кепысьтѳг уджалѳмысь. Дыр-ѳ нѳ практика дырѳи
уджалѳм, и то унджык кадсѳ не асланым специальность
серти: то колана стройматериал кыскавын ыстасны, то
лѳп-ѳг нѳсилкаясѳн новлѳм керка пытшкѳсьсыс, то ещѳ
сѳтшѳмтѳр тшѳктасны вѳчны. Лыда кирпич, гашкѳ, и
пуктылѳ стенас. Кубикъяснад, дерт, велѳдчигѳн пызан
вылын ѳна ворслѳм, мастер вѳлѳ сѳдзи тшѳктас пельѳс
панны, мед, пѳ, киясыд асьныс тѳдѳсны, кытчѳ колѳ

кирпичыс, кызди бур гармонистлөн чуньясыс аддзёны колана кизьяс. И ёні, тайё луньяснас, думён, кымынысь аттьёбали сійёс. Медводдза планерка вылын прораб индіс менё бригадир борд улё. Наставникёй оз уна больгы удж вылын, киясыс ворсёны, и менсьым уджёс удитё донъявны. Зэв лабутнёя шуышталё: «Бергёд сійё кирпичтё, кызджыка раствортё ляпнит». Тэчан мыйтакё, помсяныс тшөктас видзёдлыны, мед кызд веськалё, эз пуксыны кирпичьясыс. Ачыс зэвтём шнуртёг уджалё, сэтшёма нин велалёмаёсь киясыс и синьясыс. Прорабкёд сёрниысь ётчюд кылі сійё вомысь: ничево, пё, артмё салдатыслён. Тайё нин зэв буртор.

Тадзи менам заводитчис ашёр уджой. А вот мый вёсна локті тайё сиктас, ставыс ори, ори медводдза лунсянь. Удж вылын кадсё ог и аддзыв, а рытъясыс во кузяён кажитчёны. Сэссия берег дорё велалі, вугырьясён мёді ноксыны. Товарышьяс общежитиенысь ветлясьёны да номсёдлёны нин юкваён и чериён. Сёйышта удж бёрын, быттьё сюрён сэтчё кыскё, важ толь пластьясысь весиг чомтор вёчышти. Мишаяслён кузь гёна латшөг кодъ Лапьяпельыс велаліс ме дорё, кок кыскыны оз сет, ётлаын рытйысям. Детдомын пыр понйыд вёлі да ичотсянь радейта найёс.

Ётчюд лэччим Лапьяпелькёд вуграсыны. Пукси бипур дорё, Настясянь письмёяссё куті лыддыны (кымын пёв нин!), Лапьяпель сувтіс, гёнсё сувтёдіс, но гёлёс эз сет.

Куимён вёлёмаёсь, пемыдянь быйкнитісны куимён — Миша гозья да Настя:

— Со кёні зимёгоритё. Он-ё нин кывбурьяс гиж, кабалаясён вёдитчан,— Миша бедыторйён мёдіс чукёртны разалём сэрапомьяс.

— Тёдмасы, кызди да кутшёмджык сам дасытынылёсьёдны, чериыс ёна грамотной лоёма,— пёрьяси да ёдйёджык дзеби бумагаяссё зептё.

— Уджтё тай ковмас вежны,— вак-вакён серөктіс Зоя,— эн жё бара вунёд мянёс, магазинсьыс кё ог вевьялё черисё ньёбны. Чеччы, пёльё, со кутшём кодзула рытыс, прёйдитчам ётлаын, гашкё, ыджыдджык чери самасыс... берегсьыс,— пельпомьясё тшапасьёмён, Зоя мырдён сувтёдіс менё, тёрёдіс Настя да ас костас. Неуна и муныштім, Миша кольччис мянысь, сувтовкерим и ми.

— Кён мый сёні пемыдас!— чукёстіс Зоя.

— Көмкөт көвйөй разьсис, пысавны некыдз ог вермы.

— Пропадътін тай,— Зоя скөрысь моз бергөдчис бөрвыв, миянлы шуис: мунө, пө, ті, вөтөдам.

А рытъя серпасыс збыль вөлөма мича. Лунвыв бана керкаясын өзйысь бияссиянь кыркөтша берег дорын (югөрыс оз сибав да) ваыс сьөдөн мурквидзө, а юлөн мөд джын отыс быттьө эзысь чери сьөмөн киськалөма, вералө син водзад. Гөгөр унмө вөйтчөма вой кежлас, сөмын буждысь берегысь торъялөм му ёкмыльяс тельснитчөны ваас, здук кежлө торкыштлөны чөвлунсө.

Ме судзөдчөмөн кутчысьшөтма Настялы сойбордас, мөвпала — кызиджык панны сёрниөс, прамөя нин ылалим, а некоднаным на вомөс эг восьтылө. Настя шыасис водзджык:

— Мыйкө, гашкө, висьталан?

Ме падмыштли здук кежлө.

— Этйө рытыс пыр на син водзын,— нурбыльті негораа, сэссия содті:— Морякыс и... Кань моз тай нювсьө вөлі...

— Ещө мый содтан?

— Винаыс тшөтш и...

Настя топөдчышти ме дорө.

— Ме сэки сёрмышті неуна, челядь бать-мамкөд собрание вөлі, а Аркадийыс туй вылын суөдіс.

— Гашкө и виччысис, важөн нин, пө, посйысьө да,— менам дрөгнитышти гөлөсөй, висьталі юрө воөм медводдза кывъяс, веськыда синъясас видзөдлі Настялы. А сйө вочавидзис ньөти шөйөвоштөг:

— Гашкө и. Сйө сьлөн делө. Тэ ногөн, кратайтчыны ськөд кута улич вылас, либө сәні — йөз пытшкас. Зэв шань мортыс... кодлыкө веськалас. Вот ті кутшөмөсь, зонъяс... Сэссия нө гөтрасян, шуам, да ен ув пельөсад ли мый гөтыртө пуксьөдан, мед некод эз видзөдлы, некодкөд эз сёрнит.

Мый ме татчө шуа?! Этйө Аркадийыс кө вөлі менам местаын, дерт, зептас кывъясла эз пыр. А менам со сёрни оз пансы некыдз...

Настякөд сэссия эг паныдасьлөй куим вежон. Аддзылі Зояөс да сйө висьталіс, мый Настя мамыс дорө карө мунөма, но регыд бөр көсйөма локны, мөд джын отпускнас кутас веськөдлыны пионерскөй отрядөн.

Удж вылын менам ставыс лючки-ладнө, собрание дырйи начальник гарыштлис бур боксянь. Дас квайт квартираа кык судта керка көсйысим көдзыдъясөдз по-

мавны, сійон и субөтаясө тшөтш мырсям. Сэн жө кымынкө оланін виччысям асланым уджалысьяслы.

Өтчюд субөта рытө нывъяс корисны көбылка пыртны отсавны, посьйсям, пө, аския лун кежлө. Пыри жыръяс и синъяс паськалісны: джодж шөрас вольсалөм газет вылын восьталөм консерв банкаяс, нянь, вина тшөтш. Чукөстысь нылыд казяліс шемөсмөмөс, серөктіс: Төлысьлы, пө, арөс тотшкө талун, мед пө выльысь не чукөртны, тан и шуим пасйыштны. Ме мөдлі жө огөдчыны, но витнанныс кытшалісны кодзувкотъяс моз, воштысьны лои некытчө.

Төлысь-Машалөн керкаыс дзик матын вөлөма менам оланінсянь. Колльөдін кө, пө, пыралам,— зэв мелі видзөдлас чөвтліс дзиръя дорас. Ме педзышти виччысь-төмла, но нинөм көсйысяна эг шу. Вежся, пө, да клубө муна,— пыригмозыс нурбыльтіс Төлысь.

— Эй, пач тэчысь, манитчышт,— общежитиеө вотөдз төдса гөлөс сувтөдіс туй шөрө.

Аркадий-моряк вөлөма.

— Некутшөм ме абу пач тэчысь, ме строитель,— шуа сылы, кор ныр на ныр сувтіс ме водзө. Прамөя чушкөма, но кок йылас зумыда сулалө.

Коркө пыраліс общежитиеө ёртъяс дорө, буретш вөлі плита пач дзоньталам. Мөдысь суөдіс сэтшөм жө удж бердын: ва вайис машинаөн, а ми ыджыд ворйын зыръясөн раствор гудралім — машинаыс эз уджав. Гашкө, сы вөсна и нимтө менө пач тэчысьөн.

— Сэсся дыр-ө кутан йөз чөс туйөд ветлыны?— кызкө быттө нюмыртчылөмөн юаліс.— Öтиккөд колльөдчан, а Настякөд миян костө ныртө сюян. Этайөс эн аддзыв,— нөш кодь кулаксө муртса нырө эз тшукөд.

— Ме бара некутшөм костө ог пыр,— веськыда видзөдлі синмас,— а сэтшөмыд менам эм жө,— этша вөлі юрын да збоймышти, аслам кулак вылө жө видзөдлі.— Настя корис армиясянь, арнас лөсьөдчам өтлаасьны.

— Мед бара он өтлаасьө, пач тэчысь! Миян ставыс нин артыштөма, неважөн ветлі гортас, мамыс зятьөн лыддьө, а Настя абу паныд... Так что выль ордым таль, пач тэчысь.

Плита пачысь кындзи прамөй пач тэчны ог, куж, но өні «пач тэчысь» кывйыс ёна нин эльтчанаөн да увтыртанаөн петкөдчис, сійө и нем думышттөг синмас крап-ки-шуи морякыдлы:

— Тэ, Аркадий-фекалий, гашкө, мамыскөд... мый эн сёрнитөй да, а ми Настякөд арнас гөтрасям.

Морякыд комхозын уджалө, цистернаяса кык машина мортыдлы дөверитөмаоьсь, өтинас ва кыскалө, а мөд-нас закод куйөд петкөдө. Куйөдсө, пө, ачыс рочөн нимтө — фекалияөн, сийө и кодсюрө син саяс Аркадий-фекалийөн нимтөны.

Ог төд, тайө кывнас шуөмысь или воддза сёрниысь мортыдлөн вирыс пузис, нем виччысьтөг лөсьыштис шуйта кинас. Витис, тыдалө, щөка лыө да ас кадө удити копиртчыштны, шапка лэбовтис юрысь. «Шульгич» — мөвпышти шапкаөс лэптигөн. А морякыд сэтшөма ярмөма, кымөс увтыс сөйө менө синъяснас, кулакъясыс рөтшнитчытөдз кабыртчөны. Ме кватити шеныштчөм кисө, песовтчөмөн лөсьөди сылы мышкөс, бруткөбти-шыбити ас вывти. Зэв лөсьыда тимбыльтчис ласта вылө, но пыр жө брынснитис мач моз кок йылас. «Тэ-э приёмъясөн, выныд абу да!» — скөрмөм өш моз, кияссө водзас кутөмөн, лөсьөдчө морөспань улө зяткыны. Кор сибөдчис матөджык, ме лажынтчышти да сэтшөм жө ногөн бара шыбити юр вывти. Видзөдлi гөгөр — лов некөн оз тыдав, сөмын Төлысь-Машъяслөн өшинь занавесыс быттө вешйыштис, кежи общежитиелань. «Лыясыд эз чегны, а мөрччыштис кияснад шенасьөмысь», — аслам лов вылын абу жө лөсьыд. Армияын ёна шыблавлим өта-мөд-нымөс, өтчыд сойөй весиг песовтчылис, но мед тадзи, лөкысь, менам эз на вөвлы. Ладнө көть некод эз адзыв, сэтшөмтор йывсьыд кыз на ещө эськө пөльтисны сёрнисө.

Мөд рытнас пырти инструментөс будкаө, а сәни Төлысь-Маша, зеркалө пыр, тыдалө, видзөдчөма, өдийөджык дзевис зептас, вом доръясыс öйыштөны и.

— Ваня, — сувтис меным паныд, — тэ мөй танi на? А ме прорабтө виччыся, көсийс пыравлыны, вунөдис, дерт, лоас мунны жө.

Гашкө, и виччысис, а, гашкө, и мог пыдди висьталис, мед өтлаын лөсявны туйын.

— Кутшөмөсь ти, зонъяс, сьөлөм косьтысьяс, — шога висьталис кок улас видзөдиг, кор сувтовкерим керка дорас. — Мегуръяс моз люкасянныд... А мый вөсна. Пыр тiянлы ылысьджык да вылысьджык колө.

Ме нинөм эг вочавидз, да и мый шуа, сiдз нин кө лөсьөдөма му пуксьөмсянныс, став ловъя ловыс прөйдитө тайө кадсө. Он көсий да люкасян, и мыжавны танi некодөс. «Адзылөма, морыд, төрытья дурөмтө».

Лунысь-лун виччыся Настяөс. Ме эг на и төдлы, мый велөдысьяслөн отпускыс кык төлысь гөгөр. Сән жө

наставник ѳтчѳд куритчигкості юѳртіс, регыд, пѳ, квартираяс кутам юклыны выль керкасыд (бригадирным — профкомса член), юалѳ — кутшѳмось, пѳ, водзѳ кежлѳ планьясыд, позьѳ пѳ заявление гижны...

Буретш шиферѳн вевттим «объектсѳ», лои туй вылѳ видзѳдлѳм. Аркаш да Настя шалкѳны орччѳн. Ме, дерт, сѳрнисѳ налысь эг кыв, но казялі: моряк зільѳ кутыштны нылѳс сойбордѳдыс, а мѳдыс быттьѳ тѳдлы-тѳг быд пѳрйѳ мынтѳдѳ кисѳ. Настя, тѳдчѳ, гожьялѳма, ещѳ на шаньмѳма. «Кор бара воѳма-а? Дерт, пѳди, талун, тѳрыт ѳшиньясыс битѳмѳсь на вѳліны».

Рытнас дыр сулалі кильчѳ посьяс вылас, сьѳлѳм вылын сьѳкыд, думайтсьѳ — Настя абу ѳтнас. Кыйкнитлі ѳшинь занавес костѳдыс. Сідзи и эм. Аркадийкѳд пукалѳны паныдѳн, ѳтиыслѳн кысян киас, мѳдыс вашьялѳ, дѳрѳм кизьяссѳ разялѳма, мед тельняшкаыс ѳнджыка тыдаліс. «Коркѳ ѳд мунас жѳ, — думайта, — оз кѳ вой кежлас кольччы». Гашкѳ, дасысь куритчи, кодкѳ прѳйдитас уличѳд, саймовтчыла керка пельѳс сайѳ. Настяѳс, аддза, очсѳдлѳ нин тшѳкыда, а гѳстыд мунѳм йылысь оз и думыштлы. Сэсся выль папирѳс ѳзтігкості ѳшиньыс ывла рѳмыскѳд ѳткодясис, грѳм-грам кыліс посводзас, чорыда клопнитчис ывла ѳдзѳс. Нускигтыр, гырысь воськовьясѳн моряк ылыстчис школа дорысь.

Выль велѳдчан во заводитчытѳдз Настякѳд ѳтчѳд и паныдасылім. ѳні удж бѳрьясын вадорѳ лѳччѳм пыдди мѳді клубѳ котравны. Клубса веськѳдлысь некымынысь воліс общежитиеѳ, зѳв, пѳ, лѳсялѳ тѳнад гѳлѳсыд Тѳлысь-Машакѳд. Тыдалѳ, Мишаясын менсьым сьылѳмтѳ кывлѳма. Гырысь класса челядькѳд тшѳтш нокся, вермасыны найѳс велѳда. ѳтчѳд Аркадий пырис миян жырйѳ, дыр видзѳдіс том йѳзлѳн ыкшасьѳм вылѳ — эз вермы кутчысьны, шыбитіс паськѳмсѳ, тшѳтш видлыны кѳсийѳ. ѳкмысѳд класса зон син лапнитігкості таг мешѳкѳс моз шыбитіс мат вылѳ. Звирк сувтіс, кокьяссѳ паськѳдѳма, быттьѳ лайкьялан палуба вылас на сулалѳ, оз эскыссы мортыдлы, ещѳ кѳсийѳ видлыны. Сійѳ жѳ зонмыс зѳв кокниа чергѳдіс мѳдысь. Аски жѳ, пѳ, тшѳтш локта — эз лѳгась морякыд.

Сійѳ луннас Настя вѳлѳма велѳдысьяслѳн собрание вылын, чукѳртчылѳмаѳсь район пасьтаысь, кыкнан киас нѳбалѳ книга стопаяс.

— Но мый, кавалер, — пуктіс книгаяссѳ мостки дорышѳ, тыр синьясѳн видзѳдліс ме вылѳ, — зѳв нин гажѳй быри, он и петкѳдчѳв.

— Тадзсö некор на эз сёрнитлыв мекöд да мыйлакö шуöмыс кажитчис дэльöдчöмөн, быттьö кыткö гöрыштис пытшкöсöс.

— Метöг тай тырмö гажöдысьыд. Кöсийöм серти ставыс оз артмыв,— бöрас эськö гөгöрвои, мый эз ков тадзи заводитны, да киссьöм ватö тай он курышт — ас вылö ставыс бергöдчис. Настя чöв олыштис, синъяссö лэптылис ме вылö, тэрмасьтöг шуис:

— Мöдарсянь инö менам сёрниыс пансис, коліс, инö: öти ныв нимлун думыштöма тэ вöсна, сэн жö колльöдчач... Косясян. Тадзи?..

— Настя!— горöді, кöсья вöлі книгаяссö нуны отсавны, а сійö вочавидзис öти кывйөн: «Ачым»,— босьтис книгаяссö, эновтис менö места вылö.

Сентябрь шöр, а арлөн воöмыс омöля на и тöдчö. Асывъяснас, дерт, гыöртлывлöны боръяс, джынвийö вижöдöма пуяслөн паськöмыс, кеньсялыштлöны и васöдінъяс, но луннас, шонді кыпöдчöм бöрын, поводдяыс, кыз шуласны, вый войталö. Но став тайö кытшалысь мича рöмыс меным кажитчö öткодя съöдөн. Юрö волісны мөвпъяс сиктсö эновтöм йылысь, а пытшкөсса гөлöс шуалис мөдтор: удж вылын пыдди пуктöны, кутшöмакö велалі нин йöз дорас, нель тöлысьөн удиті пасьтöдны ачымöс... Татшöм здукъясö син водзö сувтліс мыгöрыс Тöлысь-Машалөн: «Зэв на и бур, öтлаын уджалам, рабочöй класс жö»,— думөн шуавлі аслым, но пыр жö сійöс сайöдліс мөд — тшöтшöдöм гарчикыля юрсиа Настя.

Öтчыд начальниклы менам срочнö ковмысьöма, ыстöма асьыс машинасö. Пыри торкөдчыштöм бöрын, а сэні... Настя пукалö. Дерт, пöди, бара гөрöді, жарö тай шыбитіс-а.

— Со, Молчанов, зэв прамöй морт,— висьталіс начальник Настялы, сэсья меланьö бергöдчис.— ПМК шефствуйтö Анастасия Васильевна класс вылын, кöсийö карö нуöдлыны челядьсö, экскурсияөн, öтнас оз вермы справитчыны комын мортыскöд. Вай ветлы, салдат, суböта-вöскресенньöсö.

Сэтшöм виччысьтöм лои юöрыс, нинöм на эг удит висьтавыны, начальник бара Настялы:

— Автобус лöö, петöм йылысь асьныд шофёрыскöд сёрнитчöй.

Лэччигчöж Настя сёрнитіс мекöд, быттьö нинöм миян костын сэтшöмыс абу вöлöма. Вöрзыйтöдз на вö-

лі юалё: кызди пö тэнö челядьыс кутасны шуны — дядя Ваняён али Иван Васильевичён.

А карын мянөс виччысьомаось нин. Неуна шойччыштөм бöрын (сэк кості Настя котöртліс мамыс ордö) турбазаын уджалысь нывбаба лунтыр новлөдліс да висьтасис кар йылысь. Рытьядор челядь купайтчисны бассейнын. Көть и мудзисны, зэв колины дөвөленөсь. Сёр рытөдз öта-мөд вежмөн юкисны луняя аддзылөмъяёөн.

— Вот кытчөдз сёрмим, мамöлы кöсийси ужын кежлө воны, көнкө вой шөр кад,— ывлаө петөм бöрын Настя видзөдліс часі вылас, босьтис менö сой пөлөд и ми вель дыр мунім карса уличьясөд.

— Пырам, шойччыштам, али...— юалана ме вылө видзөдліс Настя, кор сувтім нель судта керка дорö. Тыдалö, мамыс олö тані.

— Зэв тай ывлаыс лөсьыд и паркыс со орччөн,— тэрмасьомөн вочавидзи ме.

Паркын, дерт, тайö каднад некод эз вöv, вылын берег вывсянь сярвидзисны-тыдалісны мөдлапөвса бияс.

— Почет пöv вылө ляскөмаось, эн на, пöди, аддзыв асьтö,— первойөн шыасис Настя скамья вылө пуксьөм бöрын.— И тöдан кодкөд орччөн... Аркадийкөд. Тöрыт вöлі муна клуб дорті, весиг нюмөн петіс, мися, шöрас, буди, ачымөс лемöда,— сэсся неуна чöv олыштөм бöрын вомгорулас заводитіс:

Мөдлапөлын кык пон увтчö

Шарик да Буянушко.

Менö кык зон радейтöны

Аркаш да Иванушко.

— Настя!— кыпöдышти гөлөсөс, быттьö сійö ылын да оз кыв.— Настя, ме öд тэ йылысь пыр думайті, тэ көть...— коскөдыс сывйышти да топөді ас бердö.

— Оз ков талун сійөс,— юрсö пöлынтыштіс пельпом вылө. Ме бергөдчи сыланьö, шамырті кыкнан киөн. Парьяс аддзысисны öта-мөднымлөн, он гөгөрво, коднымлөн сэтшөма чеччалö сьөлөмыс, пöди, кыкнанымлөн гыпкөны.— Уп, пөдтіс татчö,— Настя лолыштіс кузя, но эз мынтөдчы сывйысь,— тадзи мөй окасёлöны.

— Став кольөм кад пыдныс...

Настя зэв кыв-вора вөлөма: то лыддьöма выль книга, то челядьдыр вояссö казытыштас, то удж йывсьыс висьтасьö. Ме ёнджыка дайөдла да топөдла ас бердö. Гудырті жö ассым олөмөс, но нем сэтшөмөс эг аддзы

о́ні кежлѡ да шуа, мед Настялысь серамсѡ петкѡдны, мися, детдомын ѡта-мѡднымѡс инкубаторскѡйясѡн шу-лім. А сійѡ эз серѡкты, бура шуис:

— Детдомын быдмылѡмыд, а зѡв на вежавидзысьѡн кольѡмыд...

И сѡтшѡм меліа шонтыштисны менѡ сьлѡн татшѡм кывъясыс.

Сѡрни-басни костад да кутчысьлігад эг и казявлѡй, кызди вѡйыс коли: асыввылыс первой лѡзѡдыштис, сѡсся алѡйгѡрдмис.

— Ой, Ваня, шондѡыс ѡд мыччысяс, янѡдас татчѡ, войдуръясѡс. Вай котѡртам, ещѡ мамѡ дорѡ пыравны лоас.

Унатор йылысь на лѡи Настякѡд сѡрнитчытѡм, кѡтъ войбыд пукалім. Пыр тай сідзи овлѡ — вунѡ медся коланаыс, бѡрас казялан. Со зептын нямрасътѡдз квартира вылѡ заявление новлѡдла, петкѡдлытѡм жѡ лѡи. Шуѡны тай: гѡтрасьѡм бѡрад (сѡтчѡдз кѡ бытъѡ лоас) семьясьыд нѡльѡнѡс лыдды, дерт, ичѡт видзысьсѡ тшѡтш артыштѡмѡн. А гашкѡ, тайѡ войыс нинѡм на оз висьтав, гашкѡ, аскиа лун вылѡ тѡждъясыс кыр увтѡ визувтысь ва вылѡ на гижѡма.

Настялѡн мамыс том на вѡлѡма, нелямынысь, гашкѡ, неуна вуджѡма. Пырѡм бѡрын кияснас клопнитис бокъясас:

— Асылысь нин, али нѡ рытысь на оланныд, гегдѡмаѡсь?

— Кызд кѡсьян, мамѡ, сідзи и шу, а ми парксеян локтѡм. А этайѡ, мамѡ, менам верѡспу, Ваня Молчанов. Тѡдмасьѡй. Садъ быртѡдзыс радейтѡ менѡ, ог пѡ вермы тѡтѡг овны.

Первойысь пыри да эз жѡ ков сідзи Настялы шуны.

— Сідз, дерт, колѡ, аддзинныд кѡ ѡта-мѡднытѡ,— гѡгыля сера халата нывбаба мыччис меным кыкнан кисѡ, зѡв меліа видзѡдліс синъясѡ.

— Ми, мамѡ, тѡрмасям,— Настя сувтсѡн и юис чай стѡкан,— бумага вѡчан заводѡ ещѡ ветлам, ог тѡд, дыр-ѡ лѡѡ, гашкѡ, огѡ удитѡй и пыравны бѡрыннас.

Гортѡ вѡрзим рытъядор. Кык лунтѡ кар кузя гыѡмысь да ещѡ узьтѡм войысь Настя дзикѡдз укшальмѡма, первой кокасьыштис нырнас, сѡсся юрсѡ пѡлыньтис менам пельпом вылѡ, ланьтѡдчис. А ме кутчыси, туй чѡжыс челядькѡд сьылі пемыд автобусас.

МӨДЫСЬ ОЗ ЛОК

Вөлі август шөр. Зэрышталөм бөрүн пуксис кос поводдя. Бөръя кадө чери кыйысыяс сөмын и сёрнитисны Кобра ю йылысь, көть и кузь туйыс, тыртөг, пө, векнин он лок, гөрд синма кельчияс сын кодьюсь шедөны, горша, пө, сөйө и. Кобраас пө Волгасянь чериыс кайө Кама да Вятка юяс пыр. Сийөн и ёрткөд тшөтш шуим видлыны шуднымөс.

Водз асылын турунвиж вагоньясө сюся пыралісны вөр лэдзысыяс, шмонитисны ас костаныс. Томиник пелькныв мыччаліс тамбурө ящикьяс, бакьяс, мешөкторьяс.

— Тайө Женя Косолапова,— тувкнитіс бокө ёрт,— уджалө котлопунктын, дасьтө пөсь сөян.

— Уф, пөсялі дзоньнас! Ставыс, буракө,— медбөрүн пырис Женя, бергөдчис миянлань.— Номьяс вердны мөдінныд?— Тыдалө, оз шоча миян кодыс ветлы тайө туйөдыс.

Тепловоз дзирдаліс асья шонді водзын, содтыліс да чинтыліс мунан өдсө, съөд тшынон пуркйис-пөлясис чойяс кайигөн. Туй чукаясын змей моз веглясисны өта-мөд дорө йитлөм вагоньяс. Вөр юяс вомөн посьяс кузя вуджөмсө өткодьявсис кузь зэрьяс водзын гыма-лөмкөд. Увтасаиньясті сы судта лэптөмны туйсө, кажитчө, мый вөр йывтыс быттьө төвзян-мунан.

Водзын тыдовтчис кузь чой горув. Поезд төдчымөн надзмөдіс өдсө, кузя тутөстіс да сувтіс. Прөдукта тыра дозмукьяс мужичөйяс нуисны тупикын сулалысь өтка вагон дорө. Восьса өдзөсас тыдаліс гырысь съөд шы-пасьясөн гижөд: ресторан «Тайга».

Вагон дорын йөз кутісны гораа сёрнитны, шенасьны кияснас. Кор ми матыстчим тшөтш, казялім шензёдана серпас: өдзөс вугсө кусыньтөмаөсь, өшинь рама туплясис муын. А пышкас быттьө кось вөлөма, став көлуйсө руз-пазвөчөмны. Пызь да шыдөс мешөкьяс косявлөмаөсь, джоджын тасьтияс, паньяс, үлөсьяс вывлань кокаөсь. Сэн жө туплясьө печенье ящик, рытын компот тыра ведра кушмөма...

— Чери кыйысыяслөн уджыс,— бөрдөм сөрөн норасьө Женя,— быдсяма йөзыс шөйтө лун-лун, юасны садьсө воштытөдз, вынсө оз төдны кытчө воштыны, водзө матө найөс ог кут сибөдны.

Миянлы тшөтш ёрткөд эз ло лөсьыд.

— Чөвлы тэ,— шпыннялө ывласянь пырысь Степан

Вась дядь, ар ветымына мужичой, пила-чер точитысь мастер. Сійо удитома нин кытшовтны вагон гогорыс.— Тайо абу мортлон уджыс. Михайло ош волома, лыа вылас бура тодчоны кок туйясыс. Кывлі: орчча мастерской участокын волома жо татшом дивоыс, весиг асыв-нас судомаось зверсо, ошинь пырыс чепосйома...

— Вот тунеядечыд,— дивуйтчоны уджалысьяс,— гожом шор, оз ли мый аддзы ворсыс сеянсо, котлопунктыасын гурйысьо. Тэ, Василь Степаныч, сямман, петляяс удж борад ошлы, велалис ко нин, волас на.

Кык вой узыом борын, рытыядорыс коймод луннас, ерткод бара матыстчим тодса вагон доро. Пассажирской эз на вов, уджалысьяс абу на жо петомаось ворысь.

— Локтой, локтой!— Женя сулалис восьса одзос дорын, горзис мянлы.— Эм кодзыд компот, жарыс со личко бара, товру абу ни.

Гожсайладорын пукалис Степан Вась дядь.

— Но, Василь Степаныч, сюри-о ошкыд?— чолома-сьом борын юалам сылысь. А сийо вашьяло:

— Мыйла но оз сюр. Сэки жо и кольччи вой кежло. Петляяс, дерт, эг ошлы. Да и ниномла. Ошкыд од оз мян моз мовпав, сюри чосмасынтор — эз вермы кутчысьны, оз сийо тод, мый абу сылы пуктома. Но ме сийос, труктос, чорыда повзюди, насып выло пув да компот сорон гогор резома, модысь татчо оз во.

Чой йывсянь кылис тутостом, съод тшын сюръя бокон кывтис пу йывьяс вывти. Матыстчис пассажирской.

ТЕРПЕНТИН

— Но, мам!— школаысь гортас воом борын городис Борис,— оти тшупод бара лои воськовтома, водзын — борья велодчан во. Вежон кежло батыо доро кайла, отсасышта, а сэся лунвывлань мододчылам. Шуоны: колхозыс, по, море дорын, купайтчыштам тшотш поттодз.

— Шойччыштан, сидз нин таво ена отсасин,— мамыс меліа видзодлис дзонь весьтон ассыс вылынджык пиыс выло.— Тайо луньясо батыд ачыс, конко, волас.

Сёрни костын өшинь улө сувтіс автобус. Вөлөмкө, батыс чорыда висьмөма, вөрсянь вайөмны. Сійө жö луннас, больничаө пыртлөм бөрын, нуисны карө.

Бөръя кадө батыс чорыдакодь нюкыртчывліс: пук-тас веськыд кисө морөспань вылас, чужөмсө вешкы-ралө — бара, пө, вөрзис места вывсьыс ичөтик көрт тор, кодөс новлөдлө ас пытшкас комынысь унджык во. Ли-чөдыштөм бөрын быд лунся уджас вунөдлас сы йылысь и со өні, тыдалө, дзикөдз зэлөдөма.

Торкисны Борис Чумановлөн водзвыв лөсьөдөм планъясыс. Окмысөд класс помалысьяс төлысь чөж лөсьөдчисны уджавны лунвылын. Да оз тай ставыс артмы көсийөм серти.

Некымын лун мысти море дорө пыдди Борис мөдөд-чис вөрө. Машина гольөдіс нин посёлокпомса пос во-мөн, кор сійө казяліс туйсянь неылын сулалысь ны-лөс — тшөтшкөртөм юрсисө, платтьө бөждорсө төлыс павкнитөма бокыв. «Лена!» — том мортлөн вөрзьяштіс сьөлөмыс, лов шыыс сьөктаммис. Йөз тыра машина пос вуджөм бөрын шурснитіс вөрө, таво гожөм кежлө ве-жөналіс туйяссө ныла-зонмалысь.

Гривича яг кузьмөс, нюжөдчөма ичөтик вөр ю пө-лөн. Контораса бумагаяс серти, көкъямысдас гөгөр гектар, шөртыс визьөн мунысь прөсек юкө сійөс кык пельө. Тані и колльөдісны төвсө кык мужичөй: Борис-лөн батыс да Руч Кирилл. Водзті, кор пожөма ягъяс вөліны паськыдджыкөсь, сир вийөдысьяс уджавлісны өтлаын дзонь бригадаөн, морт дас-дас витөн. Найөс ра-зөдөны татшөм Гривича кодь яг гривкаяс вылө, кодьяс дзебсьөмны нюръяс да егыръяс костө, кык-куим мор-төн. И став уджсө помөдз, кытчөдз сирыс оз чукөрмы бөчкаясө, найө вөчөны асьныс. Кыдзи шуөны: вздым-щикъяс да вздымосборщикъяс. А вөрсө петкөдны пись-көдчылөны төвнас, кор медся чизыр көдзыдъяс дорас-ны өтилаө му и ва.

Борислы тан ставыс төдса: каникулъяс дырйи отса-сис батыслы, воывліс шойччан лунъясө. Вөр лэдзан делянкаясянь, кытчө уджалысьясөс рыт и асыв нов-лөдліс автобус, Гривичаөдз час джынйөн вөлі воан лы-жияс вылын. А талун сійө чукльөдлысь-мукльөдлысь ордымъясөд талис кызь верст, кытчөдз эз тыдовтчы яг шөрын пөлөзъяс вылө бокыв водтөдөм ыджыд пу бөч-ка — сир вийөдысьяслөн оланіныс. Тракторөн сійөс кыскисны татчө кын вывті жө.

Көзяиныс гортас: паныда стөнын өшаліс уджалан

кӧлуй, кӧрт трубаысь петіс вывлань сой кызта лӧзоват визь. Воысь вӧлі ылын на, и кокъяс улын кӧть эз кыв труч ни трач, и пон гӧлӧс эз торк яглысь чӧвлунсӧ, керка ӧдзӧс дзуренитіс-воссис. Шулӧны: ӧткӧн дыр олысь морт пытшкӧснас кылӧ сы дорӧ матыстчысьӧс.

— Борис!— Порог вылын сулаліс ар ветымына мужичӧй, синъясыс муртса и тӧдчыштӧны ӧшйӧм синкымъяс пырыс.— Тӧн шуа батыдлы, мися, колльӧдышта, а сійӧ: кызкӧ, пӧ, воа туй вылӧдзыс, лун, пӧ, кутан воштыны ме вӧсна. Мый нин ськӧд?

— Карын,— Борис пуксис бипурдорса лабичӧ,— перйӧмны кӧрт торсӧ.— Ас кежас думыштіс: «Код тӧдас, кӧсйин али эн колльӧдны».

— Кымынысь шулі: водлы больничаӧ, а сійӧ — нӧрӧвитла на.

— Пыр тай эз эштӧдчы. А тэ кыз тан, Кирӧ дядь? Поводяыс шондӧдіс, кӧнкӧ, сирьд тюргӧ чибльӧгъясад.

— Ошйысьны пока нинӧмӧн. Кӧдзыд лунъяс бӧрын пыр на тані зэралыштӧ. Но кык-куим лун бӧрын ковмас видлыны, кад. Кымынкӧ пожӧмӧ батыд абу удитӧма чибльӧгъяссӧ дорны, лепитыштали, бӧрйин содтӧд вожъяс. А тэ нӧ уджавны, али бӧр-водз, мыйкӧ баитліл лунвывлань лӧсьӧдчӧм?

— Лунвылыд оз пышйы, удита. А бур вӧчӧмсьыд аттьӧ, Кирӧ дядь, тайӧ лунъясӧ гӧгӧрта участокнымӧс, видзӧдла.

— Сійӧ тай и шуа, мися, тиян пиысь локтысьыс кӧ оз ло, бокӧвӧйӧс ог примит, Паладьӧс вайӧдла. Нинӧм эз висътав?

— Эг и адзывлы, Кирӧ дядь.

Капронысь вурӧм еджыд костюмӧ номйыс озджык ляк. Кислотаӧн пӧльзуйтчигӧн, войтыштас кӧ вылад, оз жӧ яйӧдзыд йидж. Сӧмын тай пельпомъясыс курткасӧ зэвтыштӧны. Кык лунӧн Борис воліс быд пу дорӧ. Не-ӧтчидысь на дінӧ матыстчылӧма тӧлын и тулыснас. Первой лӧдзӧма кыз кырсьсӧ, шылӧдӧма гӧгӧрбок, мусыс весалӧма ув-бадь, мед эн манитчы гожӧмын ветлігӧн, бура сибалин быд пожӧм дорӧ. Хак-резецӧн высянь улӧ писькӧдӧма веськыд ворга, кытчӧ визувтӧлӧччӧ сирьс бокасса вожъясысь да чукӧрмӧ улас лепитӧм жӧчысь вӧчӧм чибльӧгӧ. Тӧдысь син артыштӧма водзвыв, уна-ӧ вермас козьнавны сирсӧ пожӧмыс. Абу, дерт, лыддӧма, но тӧвся уджъяс серти, сизим сюрс гӧгӧр каррыс — тадзикӧн лӧсьӧдӧм пожӧм діныс. Вежон

тырмө котравны пуяс гөгөр, чукөртны чибльөгъясысь, ведрон новлыны сирсө бөчкаясө, сэсса сы дыра жө чашйыны-перйыны выль вожъяс, важъяссө весавны. Сөмын тай гажтөмыд босьтө том морттө.

— Коймөд во өтлаын, мый морсө торйөн уджалам, лампа туй кыкөс таям. Пемыдсянь пемыдөдз кыв шуны некодкөд. Струментсө новлөдлыны эськө кокниджык вөлі и,— Борислөн батыс водзджык неөтчыдысь шуліс төварышыслы. Но Кирө ылдорасис, веськыда вочавидзөмлы пыр адзис кутшөмкө помка.

— Мый эськө да, сідз нин тай менам велавсьөма. Кыдз шуласны, мый пасьта ытшкышта — сы пасьта и курышта. Сёрнияс бөрас оз лоны ни.

Дас воысь дырджык сир дорын, Кирөлы оз ков висьтавны, кодарсянь сибөдчыны пу дорө. Сезон помасьөм бөрын показательяс сйлөн медся гырысьөсь, шоч во премия оз босьт. Арнас на Гривичаө водзджык волөма, прөсек веськыдладорысь бөрийөма аслыс участок. Вөрыс сэн, юлань, зумыдджык, ягыс шыльыдджык и. Кирө сирөд мыр кодь ён, куш ни каш некор оз вөч, мусө бергөдө-уджалө. Кор сирыс бура ыльгө-визувтө, гөтырсө корлө новлыны. Гөтырыс суслан кодь, оз жө шыблась кывъясөн. Гозъялөн и керкаыс мукөдсьыс бокин, йөз синмысь джуджыд заборөн кытшалөма. Уджйөзасыны сэтчө некод оз кежлы.

— Асьтө ньоти он видз, колана лекарство он судзөд, нем абу вылас сьөмтө коян, баянъяс да мотоциклъяс верстьө челядылы отсалан ньөбны,— Кирө зильліс дивитыштны ёртсө, Борислысь батысө, кор мөдыс кутчысьліс морөспань дорас.

— Да өд мый вылө сэсса уджалан, өтчид олам свет вылас. Водзті эз позь, эг вермылөй, өні — мед, мый кульла сьөмсө куйлөдны,— шмонитыштліс мөдыс.— Кодкө нель писыс мыччас жө ва көш пөрысьө-нэмө.

— Мыччасны... Виччысь, вомтө паськөд да.

Не кө лыддыны перкөс да катшаөс, кодъяс гурйысьлісны йөз оланінын налөн уджалігъясө, кык лун чөжөн Борис син пырыс некод эз мунлы. Мөд луннас, рытьядор, кодкө шытөг вуджөртис пожөмъяс костөд мулань. «Сюзь петө войся уджө»,— бергөдчыштіс сувтовкеригмоз, но некөн некод эз тыдав. Воськовтіс куим-ө-нельысь, көндозмөр вылө муртса эз тальччы. Нитшка вутш вылө ланьтөма, лазгөдөма синъяссө, бытьтө кымөма места вылас, некыт оз вөрзөд. «Со кытчө поздысьөмыд, морт оланіно матө! Мыйла ещө Кирөлөн

понмыс абу өктөма колькъястө. Вот кутшөм збойөн колө лоны рөдтө нюждөм вөсна. Сійөн и эн пуксы дзик поз дорад, котөртиштөмуд муөдыс, со туйтор нин лома пув коръяс костөд. Татшөм туй вылас и, пөди, пуктө Кирө лэчсө, дозмөр бордъяс тай керка сайын туплясьоны». Сэсся Борис быд прөйдитиг меліа сёрнитис энъ дозмөркөд, эз кө пөткөдчыны вөв лөбөма. Отчид вой төла, лунө весиг повзыштис — кос коръяс да турун ёг поз вылас разөдөмны. Думайтис — рөзөритөмаөсь, а, вөлөмкө, ачыс мамыс тупкөма сөйны лөбөм водзвылын. Дерт, көнкө, сы могысь, мед оз кынмыны кольк пытшыкысь муртса на гөрддзасьөм выль ловъя ловъясыс. Пөрысь лэбачыд дошлөй.

Медводдза кытшов эз вөв озырөн. Да и кытысь озырнас лоны, зэрис кө пыр на. Июнь төлысся сирыд кизьөр, кослунъя вый кодь, ваысь кокниджык. Зэригөн чибльөг-приёмникъясө веськалө ваыс, сирыс плавъялө веркөсас, сэсся ортыө петө. Мукөд дозъяс куш өти ва и эм, торйөн нин нюрдорса пожөмъяс улын. Найө кузьджыкөсь, а лыска увъясыс шапка моз сөмын йылас. Воддза луннас Борислөн куим ведра чукөрмис, а талун, гашкө, джын мында лоас. Сө джын кило муртса лоас ли оз.

Кирө водзджык талун помалөма уджсө. Ватшыкыспуысь рачысь сөдзөдіс васө, кийсь киө мөдіс шыбланы руд чутъяса гөгрөсөс, быттьө картофель бипурысь босьтөм бөрын.

— Тайө нө дозмөр колькъяс... Кирө дядь?— Борис матыстчис ломтысьысь пач дорө.— Этійө... Рөзөритін?!

— Веськалі вылас. Сунис лэч октылі поз вылас, лешөйыд, торкөма, эськө свежөй яй вөлі и. Чушкысин сэн, лок сөй, сійөс төд. Удитас выль поз лөсьөдны, кадыс водз на.

— Абу өд сійө пышкай, мөдысь дай коймөдысь поз лөсьөдны. Гожөмбыд, пө, арөдз котсьөны сэтшөм көндозмөръясыс, шөгсьөны рөзөритөм поз вөснаыс. Батьө висьтавліс...— оз вермы лөньны Борис.

— Шөгсьөны... Висьталөмаөсь ли мый кывтөм пемөсьясыс батыдлы?

— А мортлысь кө челядьсө мырддясны?

— Менам челядь абу... Нем абусыс пестысян, батыд рөда жө. Кутшөм пу, сэтшөм, тыдалө, и ув.

Борис клопнитис өдзөсөн, уськөдчис төдса вутш дорө, көть и думайтис, мый местаыс нин сэн көдзыд. А кор копыртчис мулань, радджык лои: логторйысь ад-

дзис кольк кыш чукөр. «Абу мортлөн ни зверлөн уджыс, мамыс удитома нуодны гөн ёкмыльяссө. Тайё, дошлөйид, тыдалё, водзджык поздысьома». Отлаөдис кыш джынъяссө. «Сизимён петомаөсь! Этійө, гусьон пурьсь понмыс, сизимөс жө, буракө, нылыштіс. А кымын сэтшөмыс? Медводз локтөны вөрзьөдлытөм местаясө, йөзсянь ылын, сійөн и оз повны. Оз чин ни быр пө, шуө, мяняньс, тырмас тэд и мем. Тадзинад нө кысь тырмас?..»

Рытнас Борис куйліс нар вылын Кирөлы мышкөн, но дыр на кыліс сылысь ас кежас броткөмсө. «Вөрьсь ни ваьсь вөрзьөдны немтор оз позь, көть тшыгійөн кув, быдөнлы мог да делө. Батыд тулысбыд пон вылө воис — пакөститчө, пө, тыдалё, изведитіс бөръяпом, воши, быттьө ваө вөйи...»

Сэссия вежон чөж кык мужичөй спокой эз аддзывны, медводдза кытш лон помалөма. А гожөмбыднас нельысь и чукөртөны сирсө. Борис талун пөтмөныс вальмайтчис вольпась вылын, петіс ывлаө — шондіыс пуяс вывсянь нин койис югөръяссө. Кирө панас сямөдла ветлөма. Оні кисьлөс юкаліс керка бокин, Ки пасьта сирөд сартасьяс шулялө, өти минут уджтөг оз вермы овны. Пуяс сайсянь виччысьтөг кыліс гөрөктөм шы, а недыр мысти мыччысис верзьома. Тыдалё, вөлаыс ылысянь на төдөма морт оланінсө да сійөн и водзджык гөлөссө сетіс.

— Чолөм, химик-подсочникъяслы!— вөв вывсянь на шысис воысь. Сир вийөдысьяслөн кодь жө гожея пеля шапкаа, вөлыс и ачыс кок увсянь резсьөмны няйтөн.— Одва писькөдчи, ладнө Лысанөй саяджык мөысь вөлөма.

— Вөлыд сійө төлка, йөра кодь жө, кытчөсюрө оз сувт, сөмын оз ков тэрмөдлыны лөкинъясөд.— Кирө чеччис паньд, нуөдіс да домыштіс. Лысанөс керка пельөс тувйө.— Шоча видлавланныд, Михайловна,— Кирө пуксис том нывлы паньд,— төвнас мыччөдчывлінныд да өні.

— Да өд со кутшөм тіян дорө писькөдчөмыс, туй ни ньөв, ставныд разі-пели, карта серти и ветла.— Инженер пуктіс пызан вылө журнал, газетьяс, яндзимпырьсь серөктіс.— Со тайөс и вайи... ачымөс да. Ог судзсы өтнамөн, дядя Кирилл. То бумагаясөн контораын нокся, то карө отчөтъясөн лэччыла, муртса личалышта — тіянөс кытшовтны уськөдчыла. Сідзи и гартча, дивитө көть эн.

— Ставыс мян эм,— Кирё лэптіс пызан вылө руалысь чайник,— сөмын ошйысьны нинёмон, зэрө помся.

— Джын урожай жө чукөрмөма кузь тыдорсаяслөн, узи на дорын,— ныв бергөдчис Борислань.— Тэ Чумановыс? Батьтө, пө, регыд лэдзасны. Тэ, Кирилл дядь, велөд том мортсө, первойысьтө выль уджад онджык сибав.

— Нинём тан велөдныс, петөма кө сирыс, чукөрт да новлы. Кыдз пөляс да батьяс дырйи вөвлі, өні сідз на жө, ки помысь ставыс.

— Кирё дядь выльтор пыртөма уджас, сійөн и пөшти кык пөв унджык меысь сылөн лои,— шыасис Борис.

— Нинём сэтшөмыс, Михайловна. Мыйтакө көзырөкъяс вөчлі сюмөдысь, мед зэр ваыс эз веськав чибльөгъясас. Көрсө жө сюмөдыд, чукрасьө. Но видзыштөма, сійөн пуясыс и содтыштісны.

— А ме та йылысь эг на и кывлы, ни думыштлы, инженер шуся, тіянөс велөдысь.

— Кад ставтор вылас колө, Михайловна, өні страда кодь жө мян, узыштны колө и кокыд абу казенной. Көзырөкъястө босьт — содтөд удждон сыысь абу, тіянлы медтыкө план вөлі, да и оз пыр кежлө сійө ков, сёрөнджык аслас сьөктаөн сук сирыс васө вөтлө, веськалас кө. Пөлино, воддза журналын вөлі гижөма: йөзас, пө, чибльөгъяс пыдди югыд мешөкторъяс өшлөны, гожөмбыд сэтчө виялө, өтпырысь и чукөртөны арнас. Вөчөны-ө сідз мян вөръясын?

— Оз, дядя Кирилл. Дерт, сідзнад сирыс унджык өкмө и нельысь пыдди өтчыд чукөртан, но качествоыс вошө: гожөм чөжөн медся коланторйыс сесь пакталө — скипидарыс. А мөдар боксянь кө — сырьёыс дыр оз веськав колана местаө. Заводъястө, дядя Кирилл, он сувтөд, найө лун и вой уджалөны. Сирыс өні сө сайө прөдукция лэдзигөн колө. Мөд кытш бөрад трактор татчө ыстылам.

— А ме десятөк-мөд өшөді проба вылө,— Кирё серөктіс жугыля,— сьөмыс инө здра лои видзөма, магазинысь ньөби...

Инженер стөчмөдіс карта серти водзө мунан туй, узмөдчыны воны лөсьөдчис мөд ягын уджалысьяс дорө. Вөв вывсянь нин горөдіс сир вийөдысьяслы: шонді водзысь, пө, колө саймовтны тыртөм бөчкаястө, косьмасны, пө, да гуль-голь киссясны асыкъясыс.

Кузь зэръяс бөрын улиса сынөдыс гөвкъяліс лөзоват руөн, шоналөм мусянь ваыс мыйтакө бөр лыбис выв-

лань, ныртö гильöдысь сир дукöн разалис яг пасьтала, кыпöдис ловтö. Татшöм пöраын эськö дырджык пукавны нитшсялöм колода вылын либö нёровтчыны еджыд яла вылас, морöс тырнад апавны ма кöра сынöдсö, мед пуяскöд вашкöдчысь тöлыс вöрöдис юрсисö, чужöмтö нюлис. Но дыр пукавны да черъявны некор, сир вийöдысьяслөн буретш пöсь кад. Сирыс тюргö-лэччö, воргаяс оз тырны чорзьöм сирнас кос кадö моз, сийöн и лоö котравны сюся.

Тыра ведраяс тöдчымöн сöктаммисны — сирыс сукмис, öнi найö кык ва ведра сьöктаöсь. Бöчкаяе яг шöрас, но кыд нюжалö новлигөн, увлань кыскö пельпомтö. Ассые бöчкаяессö Кирö бокöджык сувтöдалöма, пасьялöма сьöд шомöн, мед, тыдалö, оз сорсыны. Аслас участокысь сийö пыр заводитö медся матын пуясянь, Борис ветлö прöсек пöлөн нюрлань пыравлёмöн. Öкуратнöя мынтöдас чибльöгсö, рудзöдас ведраö, сэсся бöр тупкö шöр воргасö, мед öти войт ма кодь ловъялысь добраыс бокö эз войтышт. Сэсся мыжа морт моз видзöдлас пожöм вылö увсянь, жалыс босьтö том мортöс. Да кызди нö абу жаль, кор ловъявывсьыс сöксö пычкöны, эгатшöм со рана вöчöмны да. Пуыс эськö зильö жö бурдöдны асьсö: кынмö-чорзьö сирыс яйöдзыс лöсальштöм воргаясö, но сэки бара чашйöны косьмöминсö, виль вожъяс содтöны, ещö кислöтаöн на мавтасны, мед бара вир синваöн бöрддзис. Нель-ö-вит во тадз лысьтасны пожöмсö, сы бöрын регыд и сулавны кольö. Оз кö пöрöдны, пуыс висьмö-омöльтчö, нярмөлöзöдö, весиг дзикöдз косьмыны вермас. Оз öд прöстачьяс сирсö живицаöн шуны, лов кутысьöн, ловзьöдысьöн. А конторасаяс тайö уджсö терпентинöн нимтöны, пуыслөн терпитöмысь кывйыс, дерт, артмис. Öнi на олöмаджык йöз, кыткö вундыяс-керас кö вöрын, жогöбсялöм лöсасысь чуктöдасны да ляскасны сирсö, мед ранаыс оз пежась. Куран юрлысь и пыжлысь, керка пöтшваса керлысь и гезлысь сирыс нэмсö нюжöдö.

Вежон помын бöчкадорса пуясысь чукöртигөн Борис казалис — медся гырысь пожöм динъясын сирыс муртеа тупкыштöма чибльöг пыдöсьяссö. «Оз вермы тадз лоны,— мөвпалис пуяс костти гыигөн.— Кирö öмöй вуджлис прöсек визьсö?» Кöть яла нитш вылын кок туйяс эз тöдчыны, век жö тайö мөвпыс медъяна йиджтысис юрас. Сийöс и рытнас смелмöдчис юавны:

— Тыдалö, Кирö дядь, перкъяс да катшаяе сирсö кокалöны жö?— (кык мортысь кындзи, сöмын найö

гольскисны ягас). Мёдыс видзёдліс син еджыднас, чөв олыштөм бөрүн шыасис:

— Ошъяс, пө, тай, кывлі, гуё пыртөдз арнас вежон чөж оз сёйны, мед тыртөммис кишка-рушкуыс, сир ёкмыль на, пө, мөдодасны сювъяс пырыс, а лэбачъяс йылысь эг кывлы.

— Менсым кокалөмны гырысь пожөмъяс улысь, мед горшыс эськө налөн туктас.

— Ме сідз жө грекуйті кык кокаяс вылө — дасысь унджык пожөмысь кодкө чибльөгъяссө мынтөдалөма, шыблалөма гөгөр. А вөйдөрлун суи: пияна ош. Мамыс водз лапанас чилөдас, ичөтъясыс ворсөны, мырддысьсөны, аслас туйөд жө и мунөны. Лои равөстыны.

Матө кык төлысь Борис ягын, кыкысь жө и лэччыліс гортас. Бөръяысь ветлөмө батыс эз на вөв воөма карысь, но виччысисны регыд. И ёртъяссыс быри гажыс, Вөрса моз тан олигас. Мый нө Кирөыд, быттьө ва босьтөма вомас, шоча и сюрлө кыв-мөдөн шыбитчывны ськөд. Да шоча и аддзылө асьсө, көть өти ягын уджалөны, өти вевт улын узылөны. Рытнас уськөдчас нар вылө, пыр жө мөдас шкоргыны, тірзьө чурка пом кодь керкаторйыс, тайкө гуль-гольмунас. Сөмын чусалысь бипур асывнас висьталө мөд олысь йылысь: и пусьөма, и сөйөма, и мунөма.

Но талун Борис и рад, мый өтнас. Öд төрыт сылы инженер вайис сэтшөм... сэтшөм донатор... Борис неуна и ылыстчыштис керка дорысь, дзобгысис-пуксис небыд нитш вылө, бара на перйис зепсьыс письмө.

«Кызд нин тэ сэн, зимогор, олан?— шоналөм видзөдласнас сатшкысис письмөас.— А миян тани ок лөсьыд! Луннас ми уджалам квайт час, ветлам кино вылө, купайтчам. Мореыс тан лажмыд-лажмыд, колө мудзтөдзыд пырны, мед позис варччыны. Мем сюри кокныдик вижоват из, янтарь, пө, тайө, пу сир, пө, тадз лоөма сола ваас дыр олөмысь. Тэ йылысь думайта быд лун, петавлө-ө юр пөлыд, воа да висьталан. Керкасьыд эн и петавлы бөръя лунъясө, пышйин вөрө, лөз син».— Медся дыр Борис видзөдіс бөръя кык кыв вылас, кодьясөс пасйөма лист бок помас точкаяс пыр: «О...а, ЛЕНА.»

Налөн школаө Лена воис төвся каникуляс бөрүн. Бөръя парта сайын Борис вөлі өтнас, сы дорө и пуксьөдісны выль воысьсө. Лена зэв регыдөн төдмасис нывъяскөд и зонъяскөд. Öчкиястөг оз аддзы дөска вылысь гижөдсө, орччөн пукалысь дорө матыстчас, то

кисö вештыштас тетрадь вылысь, то пельпомас инмөд-чылас сылы. Мөдыс вешыштö пызан помлань, но пыр öд он ылыстчы, сідз нин скамья дорышас лепитчöма. Тадзи вöлі первой лунъяссö. Сэсся велалыштіс, ачыс корсюрö мыйкö юалас. А кор мөдыс дырджык школаö оз лок, кымынысь видзöдлас öдзöс вылö...

Тулысладор класснас ветлісны вөрö куканьяслы лыс пызь вылö коз лапьяс чукöртны. Зоньяс пөрöдлісны туй дорысь пуяс, нывьяс новлісны увьяссö, берталісны карандаш кызта вожьяс. Вöлі шондіа гажа лун. Туй юж вылö вель ыджыд чукөр лыбис, а тележкаа трактор пыр эз вöв. Дас квайт арöсаяслөн вирыд пуö: котралöны чукөр гөгөр, йөткасьöны. Лена пырис увйысьысь Борис дорö бөрья нöбла. Мөдыс öти воськов вöчис нывлань, кöсийс сконйыштны боквыв, но кокыс гургысис пидзöс вылөдзыс. Лена сійöс и виччысьöма: öні, пö, сюрин, пөрөдіс мыш вылас, лымсö мөдіс коявны водзас, чужöмас. Борис эськö водзасьö да нинöм оз вермы вöчны, вöйöм кокыс капканö быттьö шедöма.

— Лена, дугды, тырмас,— сöмын и шуалö. А лым-йыс сылö чужöм вылас, питшөгас писькөдчöны кöдзыд ва визьяс.

— Ещö пеляд мыйкö висьтала,— Лена копыртчыліс, но шуöм пыдди чупнитіс Борисöс вом дорьясас. Тайö вöлі сэтшöм регыд — кык мортлөн мыйкö дыра кежлö öтлаасьлісны парьясыс,— но Борислысь быттьö сотыштіс пытшкөссö, и сэтшöм шуда сійö лои. Шевкнитіс кияссö лым вылö — нинöм оз кыв, ни нинöм оз аддзы. Сöмын помтöм-дортöм лөз енэжсö аддзö, и окота сылы лэбовтны сэтчö, пыдöстöм йиркас. «Чуманов!»— гораа чукöстісны туй вывелянь. Сэки сöмын небыд лым вылын куйлысь Борис лап-лапкерис синьяснас, сувтіс да том йöра моз уськөдчис йöз дорö.

Гривича ю сыв-мөд пасьта и эм, мукөдлатыс омöля и тöдчö ва веркöсыс — лөптөн да турунөн тырöма. Но эмöсь местаяс, кöні крут берегьяс топөдöмны-векнөдöмны öтар-мөдарсянь юсö, сэті ызгөмөн ваыс визувтö, быттьö кырөдöма помöмин. Борислы талун окота ылөдзджык кайлыны ю катыд, а сэсся мырпома нюрö пыравны, тшöтш и вотыштны мырпомсö письмö гижысьыслы. Борис петіс зумыд берег вылö. Видзөдö: потшöмаöсь юсö. Вомöныс нюжөдöма кыз потш, коз майөгьяс тувьялöма радөн. Шөрвьяс юкалөм драничайсь верша визув паныд вöйтöма, кывтысь чери мед пырис. Кужöма местасö бөрйыны Кирö — веськалас кö пытшкас ловья

лов, выныс оз тырмы бõрынтьчыны, визулыс тув моз топõдас векняммысь верша йывланьыс, бергõдчыны оз позь ни. Кирõ ваявліс комьяс да сирьяс, мыкьяс и, сьõмсõ пуртõн моз ваыс килльõма. Став ловья лолыс пырõ сылõн вершаõ.

Потш кузя Борис вуджис мõдар берегõ. Видзõдõ: сёмõм ва нитш вылын бура тõдчõны креста кок туйяс. Ылысянь на воысьõс казяліс кõндозмõр, лыбõдчис гораа котсигтыр, швачкысис-пуксис кос пуõ, мõдіс восьлавны õтарõ-мõдарõ õтка ув вывтї. Сійõ жõ здукõ аныкытш моз шаргысисны Борислõн кок улысь пияныс. «Важ тõдса тай, со кытчõ найõс вайõдõма, Гривича абу кутõма ни.— Видзõдліс гõгõрбок: ньõти турун сї некõн оз вõрзы и некод оз тыдав, быттьõ сылісны пушпу ёкмыльясыс. Дивõ! А со тай чõдлач куст дорõ õти кымõма, юрсõ вывлань чургõдõмõн. Мõд гатшасьõма логторійõ, вевттьысьõма кос корійõн. Но и сяманныд жõ дзебсясьны, мамыд тай велõдõма...»

Нюр вылын мырпомыс артмõма местаõн-местаõн. Кõнї эмыс — сувтны некытчõ, быттьõ виж горадзуль мольяс шордорса видз вылын сярвидзõны. Борис кык неыджыд местаысь и вотис туис тыр. А бурсыя нитшкыс вутшьяс костын сэтшõм небыд, зыбкаын моз лайкьялан, шыõн сõдзтысьõ кок туяд ваыс. Инмõдчан векни корья багульник турунõ, тшын моз бусыс разалõ, веськалõ нырад, юртõ кольмõдõ.

Бõрсõ воигõн визирка вывсянь на Борис казяліс керка дорын пукалысьõс, думыштїс: «Кирõ дядь талун локтõма нин, мед кõtь õти лун ме моз шойччыштас, ловсõ татчõ пуктас лун и вой уджалігõн». Локтис матõджык, вõлись тõдіс:

— Батьõ! Бурдін?— виччысьтõмысла шензис и радліс пи.— Кысь, мися, вõtõн аддзылі да. А ме лэччывны талун лõсьõдчи...— нормõм гõлõсõн содтис пиыс, кызкõ эз вõв лõсьыд висьтавны лэччõм йывсьыс батыс воан лунõ. Восьтис вотõс тыра туис, пуктис водзас.— Мырпомла вуджалі, õдва киад шедõ.

— Кисьмõма и эм. Сёрми ме таво висьõмнад, но пыравла на жõ, а тайõс гортад лэччõдан.— Батыс жальпырысь и ошкана õнї видзõдіс бипур дорын ноксьысь пиыс вылõ: «Õтнассõ буретш пõсь кад кежлõ лои энõвтõма». Борислõн и збыль векняммõма мугов чужõмыс, ныр увсьыс ловгõнъясыс сьõдасьыштõмны, быттьõ вылыс пар вывтыс гижыштõмны шомõн.— Ме õтнам сэсся

справитча... А тэ лэччыв, лэччыв гортад... Төварышь-
ясыд, пö, талун-аски лунвылысь воасны...

— Чукöртнысö пыр нин вола!— Батыслөн юöрысь
Борислөн ыпмунис лолыс.— Тэ, бать, кымынкö лун
шойччы, воргаяс менам весалöма, сирыс лэччö...

— Менам öд мый,— важ моз пуктылис кисö морöс-
пань вылас,— көрт торсö шыбитисны дай. Путёвка, пö,
сетам дон босьттöг, шуöны контораын. Мися, Гривича
яг бурджыка лечитас и шойччöдас. Со тай сийö, пе-
жыс,— дөрöм морöс зепсыс перйис анькытш тусь
ыджда көрт тор,— сёлöм дорö, пö, дзик матыстчöма.
Ыджыд-ö штука... Öни зептын кута новлödлыны паметь
вылö.

Батыс чöv усьлис, видзöдлис пиыс вылö.

— Кыдз-мый сэсся Кирöыскöд тан олинныд, уджа-
линныд?

— Олим тай...— ышловзис Борис.— Удж кузяыд ме-
ным сы бöрысь не вöтчыны.

А батыс та вылö друг крапкис.

— Пакöститчöма тэнад Кирöыд, вот мый!

— Кыдзи?

— Мый лешакыс сылы оз тырмы, ловсö пунктö день-
га вылö,— скöралис батыс.— Веситчигас бöчка пыдöс-
ыс торъялöма, бузгысьчöма сирыс ортсыö, сэки и казя-
лöмабсь: лыа сора пö, изъяс, пö, эмöсь сир пытшкас...
А бöчкаяс сылөн пасабсь. Корöны сийöс.

— Збыль али мый?— Борислөн зумышмис чужöмыс.
«Вот и премияяс босьтö, пöди, не первойысь сідз вöчö.
Тыдалö, мый дыра руч оз мудерит, сюрö жö. Сийö жö,
дерт, тöндзи ректис прöсек сайысь чибльögьяссö, пыр
сылы оз тырмы»,— жуисны юрас мövпъяс.

— Кирöыд пыр сэтшöм вöли, артельö некор эз си-
бавлы, но мед сэтчöдз наянмыны... Кольöм во оз вöли
позь кислöтаөн пöльзуйтчыны, Кирö гусьөн жö вöдит-
чис. Сідзсö унджык öти гожöмö пусыс пычкан, сöмын
мöд онас пожöмыс джын пай сетö, омöльтчö. Сідзсö
вöчöны, кор нин лöсьöдчöны пөрöдны ягсö. Кирö пөръя-
лас канторачиöс, тупкасны нарядьяссö. Куим-нель нор-
маөн мортыдлөн петöма. Прöверитисны, бергöдисны,
мый колö. Ме вылö пиньсö йирис — явитин пö. Оз вер-
мы кузь княстöг овны.

Борис бара шензис:

— Кыдз нö сідз позьö, öтлаын уджалим, немтор эг
и казявлы...

— Гусьөн пурысьтö кысь на, пö, и казялан.

Локтіс Қирө, пуктіс пызан вылө бадь увйө пысав-
лөм дас кымын ком, өти кыв и шуис воысьлы:

— Бурдін?

— Көрт торсө морөсысь перйисны да өні бурда
нин,— воча шуис батыс. Сэсся бокө видзөдөмөн сод-
тіс:— А тэнө, Қирө, аски асыв кезлө контораө корис-
ны...

— Мыйлакө?— чошкысис Қирө.

— 'Ог төд...— курыда нюммуніс батыс.— Гашкө,
ыджыд премия көсийоны сетны... Бура, пө, уджалөмыд
да...

— Премия?— повзис Қирө.— Сідзкө, колө котөрт-
лыны!

Борис сулаліс бокын, лөг синъясөн видзөдіс Қирө
вылө, сылөн биён моз ымраліс чужөмыс.

ҚИРӨЛӨН ШОГ

Лукшорө вотөдз туйыс вель кузя писькөдчө сук
козъя вөрөд, сэсся шор лог вуджөм бөрын быттьө пе-
мыд жырсянь петан югыдинө — стенөн сулалысь вөрыс
другөн помасьө. Мылькьяс вылын, ки пыдөс вылын
моз, тыдовтчөны чукөрөн-чукөрөн поздысьөм керкаяс.
Улынджык чулясьө-веглясьө ю, топөдчылө быд мыльк
дорө, быттьө визуван воргасө сылы олысьясыс асьныс
кодйылөмаөсь, мед быд грездянь матын ваөдзис —
лэччин кыр улас дай.

Восьсаинө петөм бөрын Қирө быд пөрийө сувтлө йөр
потшөс дорө, пөрччылө шапкасө, ышловзьө пыдісянь,
водзө копыртчыштөмөн шыасьө: «Видза олан, чужан
местаөй, менам Лукшорөй, эновтөм сторонаөй». Но
мыльквывса стрөйбаяс пыр чөлөсь, жугыльөсь и некод
на дорын оз вуджрась. Весиг төлыс лөньөма сылөн
воигкежлө, ньөти кор оз вөрзья керкаяс дорө коркө
вайлөм пуясысь. «Колө жө таз лоны. Ставөн пышйис-
ны-эновтісны чужан сиктсө. А өд быттьөкө ставыс тыр-
мө. Зверь-пөтка и чери, пес-ва и видз-му — ставыс вы-
лас. Дерт, шуам, ылын бокын налөн сиктыс, бур туй
абу»...— неөтчыдысь татшөм мөвпьяс кырлөдлісны Ки-

рöлысь ловсö потшöс дорын сулалігөн. Сэсся аслыс кывмөн шуавліс водзö: войнаыд ставсьыс мыжа, йи кодь ён мужикуловыс, коді пöсьсö кисьтліс тайö му-видзсö бергöдігөн, пöшти эз бергöдчы. Сэксянь и сик-тыс мöдіс чусмыны-резьдыны. Том йöз петалісны лесо-пунктьясö, райцентрö, а кодсюрö и карö веськаліс. Пöрысьяс, кöть и шогпырысь, ныла-пия бöрсьыны вöт-чисны.

Ещё на ёнджыка шогыс бертö Кирöос сикт кузя ас-лас керкалань восьлалігөн. Мунö и мыжа морт моз чатрасьö öтарö-мöдарö. Бытьö биа висьöм чышкöма олысьяссö, бытьö гырысь шер жуглöма гыалысь сю мусö. Дас во чöжнас кадыс босьтöма ассьыс: нэмöвöй-ся вынсьöдöм да лелькуйтöм муяс эжсялöмаöсь, пыш кодь сук леторосөн мöдöмаöсь тырны. А керкаясыс! Кодлөн кильчöыс вежыньтчöма, коді ставнас зуньгырт-чöма-пöлыньтчöма мулань, кодлөн тьöсьясыс гылалöны вевтсьыс. Öшинь стеклöяс тырöмны черань везйөн да бусөн. Петшөрөн да пач пöдан пасьта корья лапкорйөн тырöмаöсь град йөрьяс, весиг пöлыньтчöм потшöсьяс-ыс оз тыдавны.

Бедь вылас мыджсьöмөн Кирö дыркодь сулалас вичко дорын. Пöвйөн эжöм тайö стрöйбасö тшöтшкöрт-лöмаöсь, лöсьöдлöмаöсь клуб вылö, но важ нимыс сідзи и кольлöма. Лукшорса том войтырлөн став гажыс кольліс тані, пызан пöв кодь шыльыд лапта вылын. Сярьясьöны, ворсöны кар-паличөн, а кор Калин Прок няжнитас гудöкнас, сувтöны йöктыны. Серам-гажыс помасьліс, кор асыввылын енэж дорышыс мöдліс нин гöрдöдны. Дерт, тані том сьöлöмьясын гöрддзасьліс муслун. Кирö тасянь жö медводдзаясь сойбордöдыс кутöмөн колльöдіс гум кодь статья Аньписöс. А во мысти гöтрасьöм бöрас, тасянь жö Проккöд öтлаын колльöдісны сійöс, Кирöос, армияö. Квайтымын верст вöвьяс вылын сюгйисны районöдз. Том гöтырьясыс кыкнаннyslөн верзьöмөн жö колльöдчисны, мед вöвьяссö налысь бөр бергöдны гортас. Вöрзисны гажа пöраö, регыд кöсйисны бергöдчыны, а ветлöмыс вит во нюжаліс. Прок ловйөн жö воліс гортас, но гудöк шы эз нин сетлы, во гöгөр нюкрасис-висис дай том-кадөн энöвтис вöльнöй светсö. Öтка пиыс ыджыднас нин велöдчыліс му-видз вöдитны, карын, кывсьö, уджалö öні. Сэсся Кирöлысь Аньписсö нуисны керöса ягö — том нывбабалы вынысь вывті лоины сьöкыд воясыс.

Кирöлөн керка-картаыс зумыд на, но быд волöмö

пыр нин тутш-тотшвочас-вильдас. Вирич и кык жыръя жытник кокъяс йылын, картофель гу и пывсян — нинём пес вылө оз воч. Картофельысь кындзи, морковь и кушман пуктөма град йорас.

Бөръя кадө Қирөлысь сёлөмсө кырлөдліс ещө өти шог: Лугшор сайын пыр матынджык и матынджык кутісны кывны трактор шыяс, ю берег дорөдз пискөдісны туйяс, орчча областьсянь заводитчөмаөсь пөрөдны вёрсө. Такөд өттшөш заводитчис вөр-ваын лөк нога көзяитөм: некадө лыйсьөмъяс, ва вощьөмсянь йи сувттөдз ю кузя мотора пыжъяслөн живъялөм, визиркаяс вылын йөраяслы октөм сутуга лэчъяс. А воддза волөмө суөдіс кык верстьө мужичөйөс, яндысьтөм бугыльясыд, вөв карта вылысь вевтсө чашйөны-косялөны. Пөвъяснас Кузь куръя вом, пө, көсьям потшны, вощьса кольөм заворөд ыджыд ванас, пө, пырас чериыс, сэсса, пө, тупкам посни синма тывйөн, мед ловъя лов бөр петны эз вермы. Дзикөдз вельмисны воөм йөз, кыдзи кужөны, сідзи и нырөны-куштөны вөр-васө, ылынөсь йөз син сайын да, нинөмысь оз повны. Бощьтам көть Гөгрөс ты. Бөръяысь ветлігөн Қирөлөн юрсиыс сувтліс, муртса кок йивсьыс эз усь. Ты да юкостса виссө потшөмаөсь, гымгаясас суйөмөн суйөма чериыс, да дыр, тыдалө, абу видлөмаөсь, шоныд ваас рокө пөрөма кыйдөсыс, лөк дук ныртө косялө. Сэки сийө шыблаліс гымгаяссө, а кык лун бөрын бара нин вөліны важ местаас. Бура вөдитчөмөн Гөгрөс тыыс водзті сикткодсьө вердліс чериөн. Районө гижлөм бөрын эськө волісны кыкөн, да мый төлкыс: кияс, пө, оз судзьыны — шуисны Қирөлы, тэ, пө, ёнджыка найөс дөжнөдлы. А сийө мый вөчас өтнас?

Лесопунктеянь сиктө лэччытөдз Қирө кежаліс шойна вылө. Өти чукөрө новліс гылалөм кос увъяс, сулеятөрийын вайөм краскаөн мавтіс Аньпислысь да Калин Проклысь крестъяссө. «Аньпис, Прокө, кыз му улө дзебсинныд кадысь водз, а меным со таляв туйсө, кытчөдз новлөдласны кокъяс. Кытчө бара помыс суас, өтлаө жө коліс меститчыны-а»,— Қирө дыр чөв пукаліс кияс вылас юрсө мыджөмөн. Тасянь, керөсса ягсянь, бура тыдаліс сьөдөн мурквидзысь сикт, юлөн чукльөдлысь визьыс да тылөн гөгрөс отыс. Вугырыс личкис кузь туй бөрын мудзөм мортөс. А кор вощьтіс синъяссө, Өзын му шөрысь казяліс кык мужичөйөс. Мый йылысь кө вензисны, өтиыс на пиысь тшөкыда шевкнитліс кияссө. Неылын йирсисны седлөалөм вөвъяс.

«Кодъяс бара воомаоьс, мый могон?»— Кирё ньож-йёник мёдодчис чой горув.

— Кирё дядь!— съод плаща мужичой ыджыд воськовьясон уськөдчис сылы паныд, кыкнан кинас шамыртіс да топөдіс морөс бердас.— Кирё дядь, дона морт, да тэ тай герой кодь на. Со көні аддзысим, чу-жан муын...

— Ольөксан, Прокопьевич!— Кирё бөрынтыштө-мөн видзөдіс воысь вылө, шензис.— А тэ менам син водзө пыр на вөлі сувтан томиникөн, жебиникөн, со кутшөм лоомыд... солиднөй.

— Од кадыс, Кирё дядь, колис кызь вит во Лукшорөс энөвтөм бөрын.

— Да...— Кирөлөн гөрддзасис горшыс, сэсся него-раа нурбыльтіс:— Батытө тальыштны воин, али чери кыйны?.. Вөвьясөсь. Қывсыліс: карын уджалан.

Прок Ольөксан татчө гораа серөктіс.

— Оні ме, Кирё дядь, татчөс совхозса директор. Тырмас меным кабинетьясын кабалаясон ноксыны, гач зыртны. А зонмыс тайө управляющөй, зоотехник ачыс.

— Но инө... Он-ө нин Лукшортө көсьө кыпөдны, мыйкө ёна вөлі вензянныд.

— Ог и төд, кызди тэныд висьтавын, Кирё дядь, но Лукшорөс, ме думысь, дзикөдз вунөдны оз на ков. Со өти-мөдтор йылысь висьтаси том мортыслы, а сійө чөв олө.

— Зэв нин тай ылын,— шыгасис Ольөксанлөн ёртыс.

— Ылын, пө, Кирё дядь, төдан, водзті кызди вет-лім. А талун ми гортянь и бөр на лөсьөдчам косны. Вөр кыскалан туйөд веськыда воим — джын туй. Сө-мын кежанінсяныс колө лөсьөдыштны, леспромхоз көсьө отсавны техниканас. Вот мый, Кирё дядь, татчө көсьям вайөдны бычөясөс, сө гөгөр юр. Кыдз тэ ду-майтан?

— Мый ме думайта,— Кирё синьяснас кытшовтіс Лукшор ыбьяслысь отсө да небыд гөлөсөн содтіс:— Ерөмакань, ачыл тай муяссө шулявлін-гөрлім, төдан налысь вынсө. Со туруныс мөдөдчөма, көть аскиянь жө скөтөс лэдз. «Чарла» колхозыд миян пыр нимавліс, и кольөм войнаыс йөзсө абу сэтшөма топөдлөма, рай-онсө нянь поставкаөн мездывлөмаоьс.

— Қылан, Ольөксан,— инмөдчыліс кинас зоотех-никлы,— кылан, мый висьталө олөмсө төдысь мортыс.— Сэсся бордыас моз кияссө паськөдөмөн бергөдчис ме-

ста вылас, гораа нюжодіс:— Со кӧні Нечерноземьейс!..

— Зыбун нюръяс косьтӧм серти йӧв-йяйд регыджык артмас,— Кирӧлы сьӧлӧм вылас воис панӧм сёрниис,— газетьястӧ лыддя жӧ. А коляс мӧд дас во, ставсӧ вӧрӧн кыскас, кӧть вылысь тыла керав да ректы, кызди Лукшорӧ первойя воысьяслы. Водзӧ вылӧ, дерт, ковмас гӧрны муяссӧ, вынсьӧдны да кӧдзны бур кӧйдысӧн. Вєськыда шуа: муыс водзӧса оз ло.

— А местасӧ кужлӧмны бӧрйыны, гажа, торйӧн тиян сёрни бӧрын,— ӧнӧдз чӧв олысь том морт тшӧтш сюртчис сёрниӧ,— челядьлы лагерь эськӧ восьтыны.

— Вот тайӧ мӧд сёрни,— Ӗльӧксан бара инмӧдчис сылы кинас.— Позяс, дерт, а шойччан керка оз ӧмӧй позь? Вежон кежлад, ме думысь, окотапырысь волас вӧр лэдзысь и му вӧдитысь, со стрӧйбаыс мыйта, сӧмын лӧсьӧдышт. Дерт, тайӧ аския удж на...

— Ме либӧ, Прокопьевич, тайӧ лунъясӧ картаяссӧ видзӧдла, кытсюрӧ, гашкӧ, пыкыштала, потш вӧр дасьтышта, скӧтыдлы йӧр ковмас и.

— Аттӧ тэныд, Кирӧ дядь,— вӧв вылӧ пуксьытӧдз Ӗльӧксан крепыда кутліс сылысь кисӧ да меліа юалис:— Кыскӧ чужаніныд?

— Джын вылӧ вошӧм морт ме, Прокопьевич. Гажтӧм босьтас внукьясысь, петавла лесопунктӧ, кымынкӧ лун прӧйдитас — бара места ог аддзы, локта татчӧ.

Верзьӧмаяс саймовтчӧм бӧрын Кирӧ бергӧдчыліс шойналань да горӧдіс:

— Прокӧ! Ӗльӧксан пиыд оз на кӧсйы дзикӧдз вунӧдны Лукшортӧ!

АРСЯ ВОЙӦ

Кӧймӧд вой помся Сергей Иван кыйӧдчӧ пу вылӧ вӧчӧм джадж вывсянь. Волӧ ошкыс. Зєв ясыда кылӧ, кызди нятшкӧ-чирсӧ вӧрбердса му вылысь под вылас нин чорзьӧм зӧрсӧ, да он тай босьт. Быттӧ тӧдӧ мортлысь пукалӧмсӧ: быд пӧрйӧ вӧрса зверь петӧ выльлаӧ да зєв сӧрӧн, кор нин пемыдыс сэтшӧма сукмас, мый кык воськов сайысь немтор он аддзы, кӧть синмад сутшкы. А сідз прӧстӧ зарад лэдзны, повзьӧдны пакӧ-

ститчысьёс лолыс оз лэпты, кӱсйысис нин кӱ аслыс
быть чергӱдны нелямынӱд ошсӱ. Талун сӱдзи жӱ: ош
вель дыр йирсис му мӱдар помас, а кыйсьысьлы сюри
кузь арся войӱ кымӱм-мудзӱмыс.

Комын во кузнечаын дорчӱм бӱрын пенсия вылӱ
Сергей Иван петӱс ветымынсянь. Пушкиксь горн дорын
пыр кок вылын, тӱв и гожӱм гурйив восьса сарайын
уджыс кадысь водз коссӱ бертӱвтӱс, пидзӱсьясыс мӱдӱс-
ны юкавны. Сийӱн и вӱрӱ петавлӱс ӱнӱ шоча и ӱнджы-
касӱ Иван пиыскӱд. Таво тулыс пиыс госпромхозлӱн
корӱм серти гӱрлӱс да кӱдзлӱс зӱрйӱн Вадыб туй бо-
кысь летороссявны нин кутӱм му. ӱнӱ, арнас, сылы жӱ
эськӱ колӱ вӱлӱ пукавны му дорас, да военкоматсянь
буретш ыстӱсны шофӱрӱ велӱдчыны. И шойччан лун
кежлӱ волены оз вермы.

Кодкӱ лунӱ Сергей Иван гӱтырыслы град йӱрсьыс
морковь нетшкыны отсалӱс. Муртса нӱровтчис паччӱр
вылас коссӱ шонтыштны, машина сувтӱс сусед керка
дорӱ. Сэсся оллялӱм-бӱрдӱм шы мӱдӱс кывны. «Мый
бара лои-а, эз-ӱ тальявны кодӱскӱ?»— тшайподалӱс гын
сапӱгсӱ да петӱс кильчӱ вылас. Нӱль-ӱ-вит мужичӱй су-
лалӱны машина дорын. А восьса кузолас суседкалӱн
мӱскыс куйлӱ. Гӱрб вывсӱ, водз кокъяслысь йитчанӱн-
сӱ чашйӱма-косявлӱма ошкыд, яйыс тыдалӱ. «Колӱ жӱ
бара тадзи!»— Сергей Иван шензис места вылас.

Сӱдз нин гожӱмбыд суседлысь семьясӱ грекӱ вӱйтӱс
асныра мӱскыс. Лым сывтӱдз на нӱблӱсны сийӱс Вадыб
грездысь. Но оз тай вунӱд, вӱлӱмкӱ, горттӱ. Пыр и
утышгас лӱдзӱм бӱрын важ оланӱнас да кольччас вой
кежлӱ. И со сиктсянь верст кум сайын вӱр туй кузя
руньгысь пемӱс вылӱ дзевассянь уськӱдчӱма вӱрса кӱ-
зяин. Машинаӱн тюка турун кыскалысьяс дӱнӱдзыс
воӱмаӱсь, сӱмын сэки чепӱсийӱма бокӱ.

Матӱгӱгӱрын вель дыр нин пакӱститчӱ тӱдса кипод-
туя зверыс. Таӱдз на картофель йӱрса зорӱдтор дорын
доддявлытӱм чань вӱлӱс пӱрӱдӱма, верст кык кыскӱма
тӱльясӱд да гуалӱма. Сэки ӱти да мӱд шыӱдчылӱсны
Сергей Иван дорӱ: гашкӱ, петавлан, пӱ, важ мозыд.
А сийӱ серам сорӱн вочавидзлӱс: ӱнӱ, пӱ, ош юрӱд эв
дона, тӱлысьяс пенсия менам оз тырмы.

ӱнӱ, мӱс тушасӱ видзӱдлӱс да, казялӱс: ошкыс из-
сьӱм пиня, ӱнджыка гыжнас сарпалӱма. Гашкӱ, таво и
гусӱ оз лӱсьӱд, ӱнӱдз на шӱйтӱ. Сӱк жӱ вотӱс ни пе-
лысь эз артмы, а куш гум турун да чушкан позъяс вы-

лад уна гос он чөж. Сійөн и өні Сергей Иван асьсө лыддис мыжакодьөн.

Веськыда кō шуны, Сергей Иван ая-пиалы тōдса тайō ошкыс. Во куйм сайын чōс туй вылас вельмыліс. Морт моз жō и ветлō да кыйсьō. Сутугаысь лэч октылісны дзескыдінō. Мōдысь прōйдитигөн и суисны налькыйысь. Сōмын тай эз удайтчы водзōссō вештыны. Иван пиыслөн лыйōм бōрын ош быттьō му пырыс прōйдитіс. Вōлōмкō, өтка пулаяс лэчыл пуртөн моз ордōма сутугасō.

Ош кыян пищальсō Сергей Иван вōрō и кольывлō. Йōзсяныс абу лōсьыд: быд лун, пō, лētіктō, а вайны нинōм оз вай. Пиыс эськō ньōбис кык ствола ружье, да курōктōгыд абу велалōма сылөн, важсō надейнōйджыкөн на лыддьō. Батыслы на матысса кōрт сывдан заводын вōчлōмаōсь. Нэмнас, гашкō, лыда прōст лыйōмыс вōлі. Уткатō Сыктыв мōдар берегысь судзōдō.

Нельōд вой кежлас Сергей Иван мōдōдчис водзджык. Зōр му вылō воис шондī лэччандор. Кок пыдōсьясас лыс лап кōрталōм бōрын вомōналіс мусō. Джаджыйыс сылөн вōлі орччөн сулалысь кыз да коз пу увьяс вылын, мусянь некымын метр вылнаын. Восьсаинныс тасянь тыдаліс ставнас, и рытъя кыасянь югыдыс дырджык кутчысис. «Кодарланьō бара петас-а, сēr ли водз,— ланьтōдчигмоз думыштчис вōралысь. Тōдіс, мый быть воас повзōдтōм зверыд. Но ылō ли матō, рыт ли асывгоровнас? Пукавны, дерт, ковмас бара кузь арся войсō. А өтнадлы кад коллялігөн юрад быдеяма мōвпыс воō.

Сергей Иванōс батыс ичōтсянь новлōдліс вōрōд, кōть эськō мамыс пыр вōлі паныд. өтка питō зев донатор пыдди быдтісны. Но ас кодъ тшōтшъяяскōд ворсōмысь ёнджыка детинкаōс вōр-ваыс кыскис. Ас синмōн аддзылōмторъяс, вōрыслөн аслыспōлōс шытōлалōм — ставыс тайō вōлі чуймōдана ичōт мортлы. Лёк шоръяс вуджигөн батыс индивліс чорыд гыжъя кок туйяс вылō да мōдліс гораа кызны. Татшōм шыяссьыд, пō, вōрса кōзяин ылісянь на кежō, паныд оз сюрōдчы. Либō лыйōм бōрад, пō, неуна пыр колō боклань шыбитчыны, оз кō, пō, дзик пыр усь, тшын вылас уськōдчō. Тōдіс ли, эз ли сәки батыс, мый пиыс ставсō тайōс сюркнялас пель саяс, мый бōрынджык ош кыйысь Иванōн нимтасны?

Медводдза ошкōс Сергей Иван аддзыліс Лука дядькōд мōс видзигөн. Дядьыс шор дорō лэччис коса во-

ропъяс вылө ловпу керавны, а зонкалөн гож сайын ун-мовссьома. Восьтис синсö: мосьяс пыр на йирсисны важ местаын, сöмын дас пыдди дас öтиöс лыддис. Öти сьöd гöна вуджрасис ёна ылынджык, видз помас.

— Сийö бур нин, эн кö вошты,— серöктис Лука дядь, чöвтис пельпом вылас чукля ловпу паличьяссö. Öтлайн мөдöдчисны керöслань, но сьöd мöскыд эз нин вöв.

— Ерöмаканьыд, ош тай йирсьома. Аддзан, небыд гумъяссö ножичөн моз шырзьома.

— Ещö мöс вылад абу уськөдчöма,— кывлём-ад-дзöмторйис öни повзьöдис детинкаöс.

— Сэтшöм и эм мукöд ошкыс, яй кöрсö оз тöдлы. Нэмсö турун сөйö, сийөн пöткөдчö. Чушкан да мазі позьяс корсялö. Арнас сэсся вотöс вылö вуджас. Скöт-тö оз вöрзьöд, эн пов.

А дас вит арöсөн Иванлы аслыс мойвиис чергöдны ошкöс. Со кызди вöли. Батьсö мөд лун нин виччысисны вöрысь. Пывсян оз и кöдзавлы, а сийö пыр абу. Коймөд луннас пиыс котöртис вөр керкаöдз. Вöлөмкö, неминуча суöма. Кер вывті ю вомөн вуджигөн батыс вильдöма. Йиыс вöсни на вöлөм, кöдзыд ваöдыс келöма берегöдз. Пошкö-лолалö öни пыдисянь. Пöрччысьтöгыс и куйлö нар вылын. Пачсö тай вермöма жö ломтыны-а. Прö-секьясті да лөк шоръяс вомөн гортö лэччöм йылысь ни-нөм и вöли сёрнитны. Недыр пукалыштöм бöрын юр садьыс вошö. Морöссö элөдöма и. Прöйдитас, шуö ачыс. Дерт эськö, татшöм здукад пö пöсь йöv сорөн ош госысь бурыс абу да, кысь сийöс босьтан. Кор пиыс шыд пуöм да пес дасьтöм бöрын кöсийысис лэччывны гортас лекарстваясла да бөр воны Лука дядьыскöд, батыс-лөн горöдсис: водöма, пö, эськö ошкыд Ватуй бокö гуö да, гашкö, петавланнуд Лука дядьыдкöд, пока лымйыс ляпкыд. Сöмын пö понтö лöсасьяс кузя пыригөн водз-джык энö лэдзöй дом йылысь, повзьöдас ошсö. Гусянь матын козийö чагтор öшöдöма.

Код тöдас, бура-ö, лөка-ö сэки вöчис дас вит арöс-над, мый öтнасөн медводдзаысь петис ош вылö. А гаш-кö, вөр-ваöd ветлөдлыны повтöмлуныс сэки и чужис нэм кежлас. Ветліс Лука дядьыс ордö, а сийö лун-мөд кежлö ур кыйны мунöма.

Бөръя лöсасьыс чагсö аддзöм бöрын Иван лэдзис дом йылысь понсö. Ошкыс кокниа на узьö вöлөм. Увт-чöм да шы кылөм бöрын мыччöдис асьсö морöсöдз вужля мөдар боксянь. Мöдысь лыйöм эз ковмы. Ко-

льом выннас зверь одобтчис да сидзи и нюждочис вуж-
ля бокө.

...Порысь ош зөр му вылө петтодз, тыяс тырыс сын-
нодсө апыштөм бөрын, пыдисянь упнитис. Тадзи пыр
вөчө: кодкө кө эм матигөгөрын, мед повзяс да петкөд-
час. Но войыс пельюд чунавтодз лөнь. Недыр кывзы-
сьыштөм бөрын ош петис восьсаиннө, повтог веськөдчис
сэтчө, көнi бөрөзда дорас зөрийыс вөли вөрзөдлытөм на.

Сергей Иванлөн пищаль стволыс вожа ув костөд
рытсаянь на веськөдөма му шөрлань. Нускөм да зөрсө
нятшкөм шы серти зверыс эз вөв ылын. Сөмын тай пе-
мыд, да сьөкыд аддзыны. Кор видзөдан кыкнан син-
над, ещө на вуджрасьөмыс тодчыштө, а кунян өти син-
тө, өтласьө гудырыскөд. Кыдзкө сэсся витис жө ствол
кузяыс. Грымөбтис лыйөм шы. Сергей Иван муртса
гатшөн эз усь джадж вывсьыс, пищальыс сэтшөма се-
тис пельпомас. Ош равөстис вөр тырөн, уськөдчис лый-
ысьлань, но пу вылө кавшасьны эз нин вермы. Пошкиг-
тырйи да равзигтырйи водз кокьяснас мөдiс парсавны
мусө пу гөгөр, йирны улыс увьяссө. Сергей Иван веш-
йыштис джадж помө, шуйга кинас сывйыштис кызкодь
коз пу ув. Тэрмасьөмөн восьтис ружьесө, но мөд пуля
сюйны оз вөли позь: патроныс потөма да сибдөма ство-
лас, весиг пыдөсыс дзикөдз торьялөма. Ошкыс равзөм-
пессьөм бөрын мөдiс раммыны, сэсся и дзикөдз лөнис.
Но кыйсьысь век жө пуртсө көрталiс ружье ствол по-
мас, шы быттө вөчис. Код тодас на, мый сэнi пемы-
дас вөчсьө. Сыкөд өд вөвлi нин виччысьтөмторйыс:
вөла-доддьөн өтчюд мунис вөрө, а ошлөн местаыс кө-
дзыд, лои выльысь туявны. Лобөс вылысь Сергей Иван
лэччис асья югьдөн нин. Веськөдiс изөймитөм коссө,
кинас зыралыштис позялөм пидзөсьяссө. Сэсся ёрччыш-
тис пиыс вылө: «Лешакыд, пороксө кык пөв унджык
пуктөма. Тадзнад казенникнас вермас лэбөдны, ствол-
сө поткөдны и...»

МУДЕР ЗВЕРЬ

«Сувтас-ө чир коль вылө урыс?»— тшөкыда кывлан
вөли гожөмын йөз сёрниясысь. И вөли мый вөсна юась-
ны. Öти-кө, төлысьбыд нин тайө ичөтик да кузь бөжа

би кодъ гѳрд зверыс люзьгис-воис миянладорѳ. Вуджис юяс и тыяс, вомѳналіс сиктъяс да кушинтъяс, казаявлім керка сигѳръяс да гортдорса пуяс вылысь. Челядюлов и весиг гырысьяс садьсѳ воштѳм понъяскѳд вѳралісны сиктын. Мѳд-кѳ, кольѳм воѳ зарни рѳма тугъяс пыр коз йывъясын лыскыс эз тыдав. Мѳсъяслы лыс лап кералысьяс вѳлі дзонь мешѳкъясѳн кольсѳ чукѳртѳны. Уркайыс сіджѳ кымѳръясѳн лѳбаліс. Пылльѳны кѳйдысѳ, гылѳдѳны кольсѳ муѳ.

«Сувтас-ѳ?»— бара кылан татшѳм юалѳм, кѳть сиктын прамѳй вѳралысьыс эз нин коль. Воддзаясыс пѳрысьмысны, а том йѳз пиысь ѳткымынъяс сідз-тадз пѳтавлѳны, коді ѳтпуск дырйи, коді шойччан лунъясѳ. Но понйыд шоч керкаын абу, ещѳ кык либѳ куим на, кѳть семьяс мукѳдлѳн и шапка новлысьыс абу. Понъяс, дерт, сѳтшѳм-татшѳмѳсь, ѳнджыка нянь кудйысь виччысьѳны. Кѳлысьяс дырйи певкйѳны ѳта-мѳднысѳ, кодлѳн пельыс вожалѳма, коді куим кок вылын лѳтіктѳ. Но урыс кѳ кольччас, сымдасыд и седун аддзас, кор асьсѳ ачыс вузалѳ, дзирнясьѳ-дѳльѳдчѳ керка судта пу вылын.

Гожся сѳрнияс кывлѳм бѳрын пон жѳ лѳсьѳді. Вѳськыда кѳ шуны, ачыс велаліс ме дорѳ да овмѳдчис. Кѳзаянтѳм, дерт, вѳлі, некод тай эз корсьысь-а. Сусед видзѳдліс гѳгѳрбок да ошкис: туяна, пѳ. Оз, пѳ, дерт, кут ачыс ваявны, новлѳдлан кѳ, тѳлк, пѳ, лоѳ. Вом пытшкѳсьыс весиг анъяссѳ лыддис. Мися, шапка вылѳ урсѳ кыя. Мича ур ку шапкаыд, шоныд и.

Арыс лои гажа, кос, ноябрь тѳлысьѳдз зѳр тусь ни лым чир эз усь. Кѳть войясын кынмавліс, луннас шондіа, кыз шуласны, вый войталѳ. Сійѳн и урыс дыр эз во, гѳныс пыр на усьѳ и пель ситѳм. Восьтісны вѳралѳм, кор лымйыс пидзѳсѳдз сапкис. Но кыйны лои нинѳм: водзджык урыс вѳрзис, сідзкѳ тѳвйыны миян вѳръясын эз вермы.

Эз кѳ артмы кѳсйѳм серти, шуи аслым, кѳчъясѳс ку-та кыйны. Сутугаысь лѳчъяс дасыті, пѳрѳді кымынкѳ пипу, мед сы дінѳ велаласны. Но поводдяыс ѳна жѳ вежласис: шондѳдас, лун-мѳд кояс лымйѳн, кѳть керкасьыд он пет. Татшѳм кадѳ кузь пельясыд вугралѳны осьса синмѳн. Кѳдзыдъяс дырйи эськѳ ризъялѳны найѳ, но лѳчкѳ мыйлакѳ оз пырны, ылысянь на бѳр бергѳдчѳны. Ныв лыскѳн нирта лѳчъясѳс, вежлала местаысь местаѳ, нинѳм оз ѳсав. Сѳсся тай ѳти пысасъѳма жѳ кызкѳ да буретш тулан вѳськалѳма вылас, куш юрсѳ кольѳма. Аддзылѳмтор йылысь рытнас сусед-

лы висьталі, Руч Иван дядьлы. Руч рёдыс сиктын нималіс сюсь вёралысьясён, дошлõй понъясён, торйõн тулан вылõ мунысьясён..

— Ветлы, гашкõ и веськалас...

— Тõлкыс меысь,— шуа суседлы.— Да и понйõй тулан иссõ, кõнкõ, оз тõд. Кыкõнтõ, гашкõ, босьтам-а.

— Водзтї ветласьлїн батыдкõд да...

— Сййõ õд велõдчигõн на вõлі, тõварыш пыдди новлõдліс. Ёти тулан тай сюрлї Сюзь Германлõн вёралан керка дорысь,— шуа Иван дядьлы.

— Абу нин вõртї ветлысь тõварышõй,— чõв олыштõм бõрын кинас индїс порог дорын куйлысь пон вылõ сусед.— Дас коймõд ар вылын. Ай понйыд регыдджык тай син-пельсõ воштõ, кокъясыс дженьдаммõны и.

Иван дядьлы регыд сизимдас, но арлыд серти асьсõ оз на пõрысьõ пукты. Гожõмъясын турунасьны отсасьõ, тõвъясын додъяс вõчõ. Кольõм война дырйи кокъяссõ дõбелькиõдз муртса абу кынтõма, шуõ, позялõны пõ õнї, вирыс омõля ветлõ да. Сййõн и бõръя кадõ ылї вõръястї оз ветлы, сїдз-тадз петавлõ, ловсõ ыркõдны.

Лæчьяс чукõртгõн казялї: энõвтõм кõч юр дорõ ещõ на туланыд волõма, гыõма-ветлõма вужляяс дортї, шыръясõс, дерт, корсис. Бара кежи сусед ордõ.

— Понтõ, буди, велõдõм могысь,— бõръяпом кõсйысис сййõ.— Он тай ылысь шу.

Вõрõ петїм водз, керка õшиньяс бйõн на югзисны. Тõрытъя лызь туйõд мунны кокни, веськõдчим Лõпыр Давлань. Менõ шензьõдїс Батыйлõн асьсõ кутõмыс: бõжсõ чарлаõ бертõма, синъясыс õзйõны, чошнитõма пельяссõ, ру вомсьыс пуркйõ. Горт гõгõрын татшõм збодерõн сййõс он аддзв. Тõдõ асьыс донсõ, тõдõ, мый вылõ петõма.

— Мый õтырышья тшынасян?— мышсянь шыасис Иван дядь, кор сувтовкери биавны мõд ли коймõд чигарка.

— Дугдыны пыр кõсйыся да некыдз ог вермы.

— Ог вермы, пõ... Дурõм сййõ, мода босьтõмаõсь... Мияж рõдын некод абу вõдитчылõма сййõн. Весиг вõр керкаас узысьяслы бать некор абу лэдзлõма куритчыны. Ётчыд ош кыйõдны мунасны зõр му вылõ (вõзйысьысь ёртыс куритчысь вõлõма), войнас ошкыд петас лабазсянь неылõ, арõстас мый вынсьыс дай пышьяс— тõлыс буретш сыланьõ пõльтõма. Сэсся оз и волы, кõtь батьõ некымын вой на õтнас вõрын коллялõма. Тэ, кõнкõ, лæчьястõ кепысьтõг тэчавлїн, кõчыд õд абу жõ бõб.

— Код тодас, мыйла, оз тай шедны-а.

Неуна и мунім туланлөн тōрытья кок туйяс кузя, Иван дядь индіс потш кызта коз вылō.

— Со тай кōн, лешōйыд, узьōма, ур позйын, этша эг суōдōй,— сусед докнитіс юрнас.— Но тайō новлōд-лас мянōс, оз кō сѣян вылō регыд веськав! «Денщик» тулан тай.

— Мыйся бара денщик?— юала слысь.

— Мукōдыс войнас кыйсьōны, лун кежлас ланьтōд-чōны дзебасō, а тайō со лунын шōйтō-ветлō-пōткōдчō.

Понъяс пыр жō уськōдчисны зверлөн коз вывсянь лымйō пурснитчōминō. Батый кымыныськō нырсō вōйт-ліс тулан кок туйō, прыснитіс гораа, быттьō несйис, да мōдіс чеччалōмōн собны водзō. Том пон сы гōгōр гарт-чō, нинōм оз гōгōрво, тьякйōдлō чилōг гōлōсōн.

— Регыд мудзасны, каясны лызь туйō,— понъяс бōрся веськōдчиг висьталіс Иван дядь.— Та мында лым таво. Дзебсяс кō кытчōкō, либō пуавны кутас, сѣки понйыд ковмас-а, оні найō нем оз вермыны вōчны.

Збыль, Батыйлөн сōмын чатōртōм юрыс да чангыль-тōм бōжыс лым пиōд келігōн тōдчō, быттьō ваōд уйō. Регыд мысти понъяс тшōктытōг сувтисны лызь туйō. Кынōм улас и бокъясас йи мольяс ошйōмаōсь, ру кайō вывсьыныс. А кокни зверōс лѣптō, метра кузьтаōн тью-йō-чеччалō, пыравлас вужля улō, мыйтакō прōйдитас лым тōщōясōд, бара кырсьō водзō. Кынōмпōт корсьō-мыс тѣрмōдлō, сійōн и некōн дыр оз манитчы.

Асьным укшальмим жō, некымын шор вож да тіль нин лои вуджōма, вомōналім вель паськыд оль, муніг-тырйи и нуръяссыштім. Торйōн сьōкыд мунны керась-яс вывті. Пасьтала чегōма-бертōма-лойōма, мукōдлаті лызьястō лоō мынтōдлыны да бауōн кыссьыны.

— Тайō нō мый, коді тадзсō?..— юала Иван дядь-лысь. А сійō видзōдліс ме вылō, юрсō чатōртліс енѣж-лань — сѣсянь, пō, ли мый усин.

— Тадзи оні вōрсō лѣдзōны...

— Комияс и?..

— Коми и роч, тотара и,— шеныштіс кинас да вōр-зис водзō.— Ветлы видзōдлы батыдлысь угоддьōяс-сō, мый сѣні кольōма...

Понъяслөн майшасьōм да никсōм серти зверыс абу ылын да он тай босьт.

Иван дядь мōдіс пыр частōджык и частōджык сувт-лыны, шапкасō баялбōж вылас вештōма, ньылōдōм юрси пратьясыс лясōмны кымōсас.

— Татшом и эм вөраломыд,— ме выло видзодлом бõрын шыасис сусед.— Лыддыны ко ставсо, тадзи со мыйта креставлан вõрсõ, торйõн тавося кодь гõль арын, мортлы и понлы сюрõ. Шулõны тай: вõралысь да чери кыйысь абу на пõ озырмыломаõсь. Онi капканьясон вõдитчõны да,— водзõ нюждõдiс сёрнисõ Иван дядь,— туланыд кокниджыка сюрõ. Октасясны да тõвбыд ветлõны, õти туйõд, коркõ-некоркõ век нин шедас, эм ко вõрас, сэн жõ корт дукусь руч-кõч моз сийõ оз пов. Важõн вежон чõж вõлi вõтлысям батькõд,— содтiс пõрысь вõралысь,— сюрас ко, правдайтас на, пõ, мудзõмтõ куыс, шуас бать, пуд пызь сетасны. Ичõт вотчинаыд вõлi да, ыджыд семьянад арсянь тулысõдз вõрысь эз петав, сэтчõ и, покони́к, ныр вылас сутшкысис.

Рõмдандор ещõ на вель ыджыд кытш вõчим, гõгõр-тiм пипу сора козья вõр, но зверь водзõ на вõлi утыштõма. Сёяныс оз сюр да сийõн и гõнитõ сувтлытõг, а гашкõ и гõгõрвоис бõрсьыс вõтчысьясõс, кылiс поньялысь гõлõсьясõ. Лунбыдõн лым улын шойччысь сьõла выло тай уськõдчылõма да абу жõ слõймõма варõдны.

Иван дядь чатрасыштити пуйас выло, син дорас матыстлiс киас вõнялõм компас.

— Эновтам талун кежлõ, Кытчõкõ ланьтас жõ вой кежлõ, бурджык аски асыв суõдны узяни́нас. Матысса вõр керка абу ылын, со кытчõдз воим.

Сидзи и вõчим асыв выло надеяõн.

Вылас ко он веськав, сьõкыд казьявны керкаторсõ — тырõма вõрнас. Нопсõ мыш вывсьыс мынтõдтõдз Руч Иван пõрччис шапкасõ, копыртчис керка кõджлань. **«Кõнкõ, эн нин виччысь, а ми со воим...»**— мортлы моз сьõлõм сетiс сийõ. Сэссия индiс неылын сулалысь коз выло.

— Со сийõ пусыс — õнi тай прамõя нюжалõма да кызõма — тулан сюрлi, денщик жõ. Лунтыр гõгралõм бõрын узмõдчис эновтõм ур позийõ. Поньяс увтõны, а лыйны оз тыдав. Кылам: шарсьялõ-ветлõ увлань-вывлань, зычитõ поньяс выло, войнас, пõ, тревожитiнныд, кõнi, пõ, вõлiнныд луннас. Бедь йылõ сямõд гõрддзым пысалi да õзти, би югõр улас бать лыйис.

Вõр керкасõ Иван дядьлõн батьыс на тшуплõма, õнi ляпкалõма тõдчымõн, лымсõ весалõм бõрын õдзõсыс муртса и воссис. Юкалõм драечысь вевтыс кõtь кыза нитсьялõма, вылас леторос быдмõ, ваыс абу на йиджтысьялõма пыткас. Джоджсõ кужõмõн жõ вõчлõмаõсь: поткõдлõм конда керьяс вольсавлõмаõсь гõрбьяснас

вывлань, костьяссö ляпайтлöмны-öтрöвнöавлöмны сёйөн. Шоньд татшöм джджд. Эз öд ас вöляысь тані овны, кьдзи ми öні воим, вöралöмыд кынöмпöт перьян удж вöлі, сійөн и вöчöма ставсö кужöмөн-артыштöмөн, абу öти лун кежлö. Керкасö вöчöм бöрын, тыдалö, мыйкö дыра ломтылöмны ловпу пескөн, мед саыс стен-пöтöлöкас эз кутчысь. Пытшкöсыс öні на лöсталö пожöм кырсь рöмөн, быттö лакөн мавтöма. Изйысь тэчöм горйыс шöрас, шоныдыс мед öткодя шлонгис паськыд лабичьяс вылын паныдөн узысьяслы. Пывсьылім, пö, и быдөн тані,— шуö Иван дядь. Öшмöс сруб пыдди муас суйлöмны сирöd горсья пу. Сэтшöм жö горсья чуркаяс, быттö пыдöстöм ведраяс, быд сикас кöлуй да сёян-юан видзны дорлöмны стенас, мед шыръяс эз дözмöдчыны.

Кöтасьöм паськöмöс öшлим стендорса берьяс вылö. Шоналöм да нурьясьöм бöрын синьяс мöдисны куньсьыны — мудзыс веніс. Сійö войö ме первойысь казялі понлысь аслысногөн узьöмсö. Суседлөн Батыйыс неуна куйлыштас лöня, сэсся мöдас тракйысьны места вылас, быттö биа öгыръяс вылö водöма, ватолитö ас кежас, быттö ва булькöдчö вомас. Вöтасьö, пö, сідз, шуö Иван дядь, мудзöма ёна.

Асьядор менö чорыда на личкылöма унмöй, суседлысь сувтöмсö эг и кывлы. Сійö ломтыштöма нин горсö, чай пузьöдöма.

— Ог на дзик пыр вөрзö,— казяліс часі вылö видзöдлöмöс да шысис сійö.— Пемыд на, но кадыд асылын öдйö пышйö, туланьд водз жö, лöзалигас на эновтö узянінсö.— Ачыс трубича джаджйысь босьтöм зээ пуяс¹ малалö, на вылö зэвтлöмаöсь тулан и кöч, сан и сьöдбöж куяс, уна зверь ку бергöдлöмаöсь тайö вөр керкаас сартаса би водзын.

Вөр керкаысь петім, кодзувьяс дзирдалисны на енэжын. Тöрытья бергöдчöминсянь тулан абу и ылö мунöма, сук увьяса козйö кайöма. Батый пыр жö гөлос сетіс. Аслам дай понйöй мöдис тявöдны, коть ачыс кытчöсюрö барьялö-видзöдö. Ме кытшовті коз гөгөр. Пышйöм туйяс абуöсь, сідзкö тані, сöмын тай нинöм оз тыдав, ывлаыс гудыр на и. Иван дядь тшöктіс кокныдика кучкыштны коз дінö. Лöсышти кырсьсö, муртса инмöдчи пуö чер тышкөн, поньяс киньзигтыр уськөдчисны бокö. Грымöбтіс лыйöм шы, йөлöгаөн паськаліс

¹ Зээ пуяс — (диал.) пяла для растяжки сырых заячьих шкур.

асья вöрас. Мöдысь лыйис Иван дядь, но, тыдалö, пуалысь туланлы эз веськав. Пу увьяс вылысь киссьысьлым бус серти тöдчис зверлөн пышйöмыс. Сусед сьöвзис бокö, негораа матькыштіс.

— Ныр улысь лэдзим, неötчыдысь нин веськавлöма миян коддьöмыслы. Грамотнöй.

Мудер зверь понъясысь ылыстчöм бöрын пыр жö лэччис муö, мöдіс кырссыны лым вывтi.

— Бара лунтыр мöдас шöйтны, асьнымöс и понъясöс укшалымöдас, гортöдз ог воö,— Иван дядь чышкыштіс пöсьсö, юалана видзöдліс ме вылö: водзö, пö, вöтчам али эновтам.

Ачым ышöді и öні жаль лои пöрысь мортыс. Кык пöв сысь томджык, а тöрыт брöд ва купайкаöс пöрччи.

Но дыр туявны туланöс талун эз ков: час-мöд мысти кок туйяс вошисны. Казялім: тусяпу дорын пöткөдчысь чуки вылö уськөдчöма дзевассянь. Ог тöд, кызди артмис ставыс, но гөн-өг ни вир войтыяс эз тыдавын, сöмын вына лэбачлөн лыбөдчигас öвтчöмыс, быттьö роскөн чышкалөмъяс, тöдчисны лым вылын. Кыпöдіс, дерт, сы вылö вожасьöм хищникöс, лэбөдас, кытчöдз тырмас выныс, кытчöдз ёсь пиньяснас сьылісö оз пилит...

Мый миянлы коли вöчны, сöмын косны гортö. Код тöдас, кытчöдз и кодарö «лэбис» туланыд, сынöдын кок туйяс оз тöдчыны. Со ещö на кызди кужис мудерыд пышйыны! Иван дядь видзöдліс компас вылö, матын, пö, Сыктыв ю, шуö, гашкö, турун туйясöд мойвиас пискөдчыны гортлань, кокниджык.

Пöрысь мортлөн юрыс бура на «жургö», регыд петім Сыктыв берегвывса видзьяс вылö. Неылын тыдаліс куим чалькоста зорöд, öтар бокас тöлыс сымда лымсö тöбöма-койöма, лызь вылын позьö йылöдзыс кайны.

— Со öд вöрсаыд, лэбавсьöма!— горöдіс водзын мунысь Иван дядь, кинас петкөдліс логтор вылö. Збыль, тулан абу вермöма водзö кутчысьны лэбысь лэбач вылын, шняпкысьöма-усьöма ю дорö. Тыдалö, жаявтöдзыс лолöма, вель дыр куйлöма восьсаиннын тöлалөм-южмөм лым вылын, лог дорышъясыс чорзьöмаөсь-йизьöмаөсь, сэсея дышеника восьлалөмөн кысьсöма зорöд дорöдз, дзевсьöма улас.

— Но,— шуа суседлы,— помыс тыдовтчис жö, восьсаинсьыд, зорöд улысь, кыкöныд да кык поннад ог нин водзö лэдзöй.

— Код тѳдас...— сѳмын и вочавидзис ѳртѳй, пом пыкѳдѳн мѳдѳс гурѳйны зорѳд увтѳ.

Понѳяс перѳйсыѳны жѳ водз кокѳяснас, киньзѳгтыр курччалѳны зорѳд потшсѳ. Пищаль курѳкѳс зѳвтѳма, ме ветлѳдла гѳгѳрыс, чѳпѳсыяс кѳ зверь, мед удитѳ лѳйны. Но ни чирзѳм шыяс, ни вѳрѳшитчѳмѳяс эз кывны. Сѳсся кыкнанным талим лымсѳ гѳгѳрые, бокѳяссияныс мѳдѳм кыбанѳн моз зутшѳѳдлыны зорѳйѳн. Нинѳм жѳ эз сет, кѳть зорѳд улыс дзикѳдз тыртѳммис.

— Гашкѳ, разылам зорѳдсѳ, ставнас?— ярлунѳй босьтѳс, да юала Иван дядьлысь — Кѳнкѳ ѳд эм жѳ, эз сыв сы костѳ. Гашкѳ и пычѳдѳм нин гурѳйсыгад.

— Кык додь турун лым вылас ог разѳдѳй, джынсѳ нѳбалас тѳлыс косялѳг-тѳчигѳн. Додь кѳ вѳлѳ-а. Ме думысь,— балябѳжсѳ гыжѳйштѳс сусед,— шѳрса зорѳд пинь пѳлѳн лыбѳдчис, сѳтѳ тѳщѳдзык овлѳ, ыджыд-ѳ розь колѳ кѳв вѳнь кызта туланыдлы дзѳбсыны.

Сѳки меным юрѳ воис мѳвп: волены вѳла додьясѳн, нуѳдлыны кѳзяинсѳ, сылы ѳд ковмас жѳ коркѳ турунсѳ вайны, оз кут виччысыны ю воссьѳм, а сѳвтны ми отсалам. Та йылысь и висьталѳ Иван дядьлы.

— Сѳдз кѳ-а,— неокотапырысь вочавидзис сѳйѳ.— Гашкѳ, ог и вермы аски воны да, кокѳяс юзгѳны, поводдяйс, тыдалѳ, вежсяс. А зорѳдыс Сюзь Германлѳн, найѳ старик гозья гожѳмнас турунасысны.

«Сюзь Герман...— син водзѳ сувтѳс кызь восайса серпас.— Сѳян быри да ылыс вѳр керкасянь бать гортѳ куясѳн мѳдѳдѳс, ачыс ещѳ на кѳсѳйс кытшовтны угодьѳсѳ. Ылын да, узян, пѳ, Сюзь Герман дорын, банкасѳ пѳ корсыны оз ков — Гураншор дорын визирка вылас.

Кор рытъядор вои керка дорас, кѳзяиныс эз на вѳв. Кытчѳдз тыдалѳ, мѳвпала, пес краж нѳбала. Вѳськѳдчи шор дорѳ, матѳгѳгѳрын кос пуыс абу. Асмогасыны лѳсьѳдчиг вѳр йылас лои видзѳдлѳм: кодкѳ зѳв сюяс пуысь пуѳ лувгѳ-тѳувѳдѳ меланьѳ. Сѳсся коз йывсянь чеччыштѳс орчѳн сулалысь пипуѳ. Шѳрас кымын розь вѳлѳма, тыдалѳ, сизь перѳйылѳма, поз лѳсьѳдлѳма горсьяс. Сѳтчѳ и пырис зверыд дай пытшсяныс игнасыс — ройѳн ли нитшкѳн тупкис розьсѳ. Тулан ѳд, лѳшѳйыд, мѳвпала. Кѳтѳртлѳ ружьѳла да черла. Тышкышта пусѳ, тулан чургѳдас юрсѳ ортсыѳ, мѳдысь кучка — дзѳбѳ. Некрымынысь тадзи. Тыдалѳ, вой кежлѳ абу окѳта ѳновтны позсѳ. Эг тай дыр думайт, косьыштѳ-лѳйѳ юрас. Тулан ньѳв моз тѳвыштчис розьысь, уси кок улѳ.

Сюзь Герман буретш воѡма вѡрысь, скѡр, тыдалѡ, нем абу сюрѡма.

— Кодѡс лыйин?!— пыр жѡ юалис менсьым, кѡть бура аддзис кийсь выльѡн на кыйѡм зверѡс.

— Со тулан сюри,— шуа,— пєсла ветлігмоз.

— Томсянь тай йѡз йѡръясын гурйысян!— ещѡ на кызджык гѡлѡсѡн мурѡстис Герман.— Понийѡ куимысь нин сувтѡдліс сийѡс, некыдз оз сюр, коркѡ ѡд веськаліс жѡ эськѡ.— Клопнитис керка ѡдзѡснас, кыв ни джын водзѡ эз шу: пыр ли, мун ли.

Дыр пукалі коджас, йирмѡг босьтис пѡсявлѡм бѡрын. Вѡзйыны кыйдѡсѡс ог лысьт, ни узыны вѡзйысьны. Сэсся ѡд тайѡ вѡлі медводдза дона зверь, кодѡс ѡтнам кыйи, батыѡг, любѡ аслым. Войыс сэзь, тѡлыся, Германлѡн гортсянь воан лызь туйыс бура тѡдчис лым вылын. Волысали нопйѡс, мѡдѡдчи водзѡ. А кымынкѡ лун бѡрын воис бать да аслым жѡ тшѡктис туланѡс нуны Германъясѡ. Культѡм на вѡлі посводз джаджйын.

Сюзь Германлѡн керкаыс сикт помын, торйѡнджык мукѡдысь. Сувтовкери кильчѡ помас, а кѡзяиныс буретш пєс пыртны петѡма, шыасис кыз гѡлѡсѡн:

— Керкаас пыр, зимѡгор!

Кор Герман дядылы висьталі ассьым могѡс, сийѡ вак-вакѡн серѡктис:

— Бара тулан! Кодлѡн зорѡд — сылѡн и зверь, ачыс, шуан, пырѡма да.— Сэсся недыр мысти содтис:— Эновтчи, другѡ, эновтчи. Арнас ю сувтѡм виччыси, прамѡй кодзыд эз пуксьыв, сэсся лымйыс сапкис-усис гѡгйѡдз, сідзи и ылалі. Кѡсья нин вѡлі чарѡм кузя вайны. А туруныс бырѡ, кѡть уджйѡзась. Сідзкѡ позяс кыкѡннад, туйсѡ таялыштам вѡвьяслы.

Ывлаыс вѡлі руа на, кор вѡвьясѡн воим зорѡд дорѡ. Кык лун чѡж собалѡм бѡрын Иван дядь вѡрѡ петны эз вермы.

Ме пыр жѡ кытшовті зорѡд гѡгѡр. Эска и ог эскы аслам синьяслы: выльѡн палькнитѡм-усьыштѡм лым вылын ясыда тѡдчисны зверлѡн кок туйясыс. Туланыд, вѡлѡмкѡ, тѡрыт на утыштѡма-пышйѡма. «Куим лун бѡбйѡдлін, тырмас!»— Ѳвтышти киѡн вѡрлань, куті отсавны Герман дядылы сѡвтны турунсѡ додыасѡ.

— Выживмысьѡма, другѡ,— шога шыасис паччѡр вывсянь сусед, кор пыри сы дорѡ рытьядор да висьтаси вѡрѡ ветлѡм йылысь.— Дєнщик ѡд туланыд, а ми тѡрыт югыднас на сийѡс эновтім, абу на вѡлѡм сылѡн шойччан кад. Вот и усйысьѡма миян мунѡм бѡрын.

МЕДБӨРЪЯЫСЬ ВӨРАЛӨМ

Матвей Рытов мунигчөжыс кыйкъялис машина кабинасянь туй отар-модар бокө. Отилаын корис шофёрөс сувтөдны машинасө: «Вои. Татысь кондаяс видзөдла картофель гу вылө»,— висьталіс воан могсө.

Машина модөдчис водзө, а Матвей пырис вөрө. Дыркодь сэн шөйтис, но аддзис жө, мый колө. Көдзыд асылө гыртөм пуяс вылын пукалісны таръяс. Мукөд кыз вылас, гашкө, дасөн вердчисны.

Выль туй вөчысь оти төдса дядьө абу ылөдлөма сійөс. Со и воис та ылнаас, медым стөча төдмавны вөрса лэбачьяслысь койтан местасө. Кондаяс йылысь шофёрөс ылөдлөм могысь, мед оз больгы, висьтасис. Он өд шу: тар койт, пө, корся, кор тувсов вөралөм эз восьтывны нин помся коймөд во. Кодкө эз, а Матвей пөткатө гусьоннад и тулысын сөйис.

Кысөн эжөм лямпаяс шытөг нуоны Матвейөс нюрлань: сэтшөминьясын тай овлөны тарьясыдлөн гажөдчаніньясыс.

Тулыс. Пожөма ягын мыльк йывьяс сьөдасьөмны нин, а нюрдорса козя вөрын абу на и вөрзылөма лымйыс, топалөма да чорзьөма. Коркө сійө кывліс тайө Кузьнюр йывсьыс, но пыравны эз удайтчыв: вывті нин ылын подөннад.

Нюрыс кытъяскө оръявлө вөраиньясөн, но кузь, паськыд. Дерт, тани и восьсаиньяс эмөсь, кодьяс, гашкө, и төвнас оз кынмывлыны: мунап — вөян. Со нө тай, кымынкө восьса ры. Одвакө и кынмылөмаөсь төвнас. Эз өд апрель заводитчигөн вөсьыны-сывны. Больяс со петөны: «Синьяса ты, ловья места»,— шулөмны татшөминьяс йывсьыс важ вөралысьяс.

«Кужөмөн бөрийөмны гажөдчан-ворсаніннысө,— Рытов сувтовкерис кушмөм нин вутшьяс дорө. Гөгөр туплясисны сьөд да еджыд гөньяс и местаыс прамөя куйөдалөма.— Пасьтала куш, он небось матыстчы...»

Вужля дорө чукөртис кос увьяс, вөчыштіс чөмтор. «Мый эськө и чөмсьыс, ружьеөн уна-ө найөс бөстан,— шуис аслыс нюр вөмөн туйлань бөрпетигөн нин.— Май праздник кежлө позяс волены татчө».

Мөдысь Матвей Рытов воис тайө нюр дорас лун кызь бөрын да бара жө сійөс вуджис помөдыс, мед оз кольны кок туйясыс, шочиник лым пластьяс вылө эз тальччыв, поліс туялөмысь. Задйөдзыс резина бакилө-

ясөн болскис тѳдса местаѳдз. Каитчис, лыжняссѳ эз босѳт да, кѳть и лынтѳм, на вылын век жѳ кокниджык татшѳм местаяссѳдыд. Кын йирыс нюр вылысь уналаті сылѳма, раз-мѳдысь локтигас бузгысьліс пидзѳс вылѳдзис. Васѳ тай кузь чѳръяса сапѳгъясас эз жѳ гумовт-а.

Воис места вылѳдз, кор шонді пу йивъяссянь нин койис югѳръяссѳ. Таръяс пыр на койтѳны, певкйисъѳны ѳта-мѳдныскѳд, быттьѳ еджыд рузум торъяс мѳвкнитлѳны бѳж увсьыныс гѳнъясыс. Кѳнтаръяс орлытѳг кургѳны пуяс вылын, кывзан да быттьѳ турун пиын визувтысь шоръяс дзольгѳны.

«Эта мында пѳтка тані,— радлыштіс Матвей,— быттьѳ колля воѳ уркай котыр гыбзьѳ».

ѳтилаысь повзьѳдас мунигас, ызгысясны-лѳбзясны, неылѳ пуксъѳны да бара заводитѳны чеччавны, чышкѳны мусѳ бордьяснас, гѳнсѳ голясьыныс сувтѳдѳмны, чушкѳны помся. ѳта-мѳдсѳ айясыс косясьны чуксалѳны.

Рытов эз кут манитчыны. Сатшйѳдлѳм бедь помъяс йылѳ зѳвтіс сѳръсыс вайѳм важ ботан мусянь весьт кымын вылнаѳ. Орчча мыльквывса пуясѳ нюжѳдѳм шпагат кѳвийѳ домаліс ыргѳн сутугаысь лѳчъяс, гашкѳ, сѳ гѳгѳр. Черань везйѳн моз лунтырнад потшис-керис таръяслысь гажѳдчан местаяссѳ.

Рытнас нин бара кутісны шывгыны-чукѳртчыны ѳтар-мѳдарсянь таръяс. Матвей ѳдйѳ кусѳдіс бипурсѳ. Пуяс костѳд тыдаліс, кыдзи выльѳн воысьяс пѳвстысь ѳти пуксис кулѳм вылѳ да пыр и дзугсис кокъяснас. Мѳд котѳртигас сконйыштчис — лѳчкѳ веськаліс юрыс.

«Добра угодьясыс... Ог нин вой улас тревожит, шедѳмъяс дорас аски асыв повтѳгджыка на мукѳдыс лѳччасны»,— ас кежас мѳвпаліс кйисъысь, веськѳдіс позялѳм кокъяссѳ да пѳрѳдчис косъмѳм нитш вылѳ.

Пемдѳм бѳрас таръяс бѳр лѳбисны. Гѳгѳр лои чѳвлѳнь. Матвей ойбыртліс. Коркѳ, вой шѳр гѳгѳр, сы пельясѳдз воисны кынмыштѳм нитш вывті нюрладорсянь локтысьлѳн кок шыяс. «Кодкѳ ещѳ ли мый локтѳ?»— повзыштіс быдѳн. Места вывсьыс вѳрзъывтѳг сйѳ судзѳдіс пищальсѳ да сѳки нин аддзис вутшкысь вутшкѳ пелька чеччалысь зверѳс. «Руч али барсук нѳ лешѳйыд? Со шедѳм таръяс дінѳ веськѳдчис. Часлы, вот»,— Матвей лѳптіс пищальсѳ да гымѳбтіс-лыийис руд ѳкмыльѳ. Кйисъысь жѳ вѳлѳма войся шѳйтысьыд, сѳмын нѳль кока, вѳрын, аслас гортас олысь руч. «Сѳтана, аслыд, быттьѳ, оз сюр, менѳ пайкан...»— скѳрысь шыбитіс пластѳн кисъысь гѳна зверѳс.

«Шапка ни кепысь вылө он туй. А сідзсө бур пөскөтина вылө веськалөмыд, көнкө, быд лун прөмысла во- лывлан, ад горш. Ладнө, воин кө өні и бур, а то асыв- нас кө — став вөралөмөс эськө вермин торкны...»

Тувсов войнад, шуоны, пемдө и югдө өти кадө. Ру- чөс лыйөм бөрын Рытов неуна сур-сармунліс, но пра- мөй унмыс эз нин волю. Сэк жө шуйгавывсянь кылісны бумкйөдлөм шыяс, тыдалө, сваяяс тувъялісны пос вө- чысьяс. Эз коставлы и машинаяслөн жургөм. Туй вө- чысьяс тэрмасисны, уджалісны лун и вой. Лесникъяс, пө, вундалөны нин делянкаяс, арталөны кок йылас су- лалысь вөрлысь лыдсө. Көдзыдъяс пуксьөм бөрын, лок- тан төв мөдасны пөрөдчыны-кыскасьны.

«Чашъясны ставсө — вөр и пөтка, туйыд лоө да. Көть мөд войков коркө коліс на волюны татчө»,— синъ- яссө куньөмөн мөвпаліс Рытов.

Сылысь мөвпсө торкис заводитчысь асыв. Пуяс ко- стөд шутөвтіс-лэбис тар. «Чуаш-ш-ш-шы»,— недыр мы- сти шыасис сійө вөр тырөн, тыдалө, висьталіс ас кыв вылас: позьө, пө, заводитны свадьба.

Сы бөрын локталісны и мукөдъяс. Гөгөр кылісны швичөг борд шыяс, көнтаръяс мөдісны броткыны пуяс вывсянь.

Заводитчис тыр вына асья койт. Матвей синъяссө эз вештыв нюр вылысь. Сійө важөн нин эз аддзыв вөр- са татшөм серпассө. Кужөмөн октөм налькъяс «уджа- лісны» бура. Со нин кулөмас вийсьөны вит-ө-квайт сьөд лэбач и ещө на дзугсьөны. Думсьыныс косясьны сибөд- чөны тривкъялысьяс дорө, но асьныс жө и шедөны. Су- туга лэчъяс оз жө узьны, зэв лөсьыда на и сконйыштө- ны йөктысь-котралысьсө.

«Ружьеөн кө, мый татысь босьті, пара тар,— радыс- ла чеччаліс сьөлөмыс Матвейлөн,— а тадзи со, шумтөг- гымтөг, нөбавмөн чукөрта. Кольө на вөрас. Эта мында- сьыд оз и чинлы».

Нөбавмөн өд и чукөртіс прөмыссө. Дөза сьөкыд но- пйыс лоис, пуд кыскас. Рытов думсьыс көсйис веськав- ны йөзөс новлөдлан автобус вылө: бөрсө мунигөн сійө тыртөм, некод оз кут дөсадитны юасьөмъясөн, кытчө да мыйла ветліс. А шофёрлы шуас, мый пакула чукөр- тіс. Позяс туй дорысь пөрөдөм кыддысь и бертыштны пакулатө кымынкө ёкмыль. Воддза волігас на приме- титліс.

Кыйсян көлуйсө тэрмасьөмөн өшлис коз улө, а ружьесө босьтіс сьөрсьыс, мөдысь сійөн тані нем вөч-

ны — сытөг со кыдзи кыйсис-вөраліс. Матвей ружөктө-мөн лэптис нопсө мыш вылас да петіс туйө. Нюр пөлөн муныштөм бөрын латшкөсіник пожөмысь казяліс джын-вийө бурдөм лөсас.

«Визирка кө-а?— Рытов чышкаліс шапканас ньылө-дөм чужөмсө.— Вєсьтасала. Мый нө дзонь кык верст кута кыскысьны здрасө. Со, туйлань нуөдө, а коркө өд йөз жө прөйдитлісны таті. Қытшолөн кө муна, өбедөдз манитча да машинасө ог су».

Паныда вөрысь Матвей приметитіс кузь конда да мөдөдчис веськыда керавны-орөдны нюрсө.

«Тыр-тыр-тыррр»,— орчча кос пу вылын таргис гөрд юра сизь.

Матвей мунигмосыс лэптыштис нопсө да шпыньмуни: «Менам со тыр, а тэ ачыд ассьыд зобтө тырт».

Сизь пыдди эз пукты сылысь шпыннялөмсө, кайыш-тіс вывлань, раз-мөдысь тотшнитіс өжын кодь нырнас. Сэссия, тыдалө, шы сертиыс төдмаліс, кыті колө розьөд-ны, да мөдіс сизьдыны сэтчө.

Сьөкыд нопйөн ойдөм нюр вывті мунөм — абу би-пур дорын шойччөм-нюжъясьөм. Ваыс шылькнитчөма пасьтала, кымынкө вутш йыв да зын турун идз чур-видзөны водзас. Рытов болскө-мунө пидзөсөдзыс ваа нюрөд, быд воськовтігөн мыджсьылө ружье вылас, бедь вылө моз, нырвизьсө кутө кос пожөмланы. Кок улас сюрлөны нильөг потшпомъяс, тыдалө, посйысьлөмөн вуджлөмаось таті. А мунны пыр сьөкыдджык и сьөкыд-джык, сыысь и пов, мый орас-розялас лайкъялысь нитш отыс. Сэтчаньсө, тыдалө, нюрыс увтасаджык, сійөн и ваыс пыр джуджыдджык лөө.

Матвей сетчыштис неуна боквыв, пөрөм пу вужля-лань и... дзумгысис вож костөдзыс. «Ы-ык!— удитіс сөмын горөдны.— Сукта татчө няйтсө, шөн ни ёг, вөя вот»,— визнитіс юрас повзьөм. Сапөгъясыс тырисны ваөн, сьөктаммисны. Көсйис нин бергөдчыны бөр да казяліс: абу нин уна кольөма төдса пасөдз, гашкө, кызь воськов.

Сьөд кырныш курксігтыр, бордъяснас сынөдсө шыөн вундігтыр, лэбис нюр помєянь, бергөдліс юрсө өтарө-мөдарө. Коскөдз ваті келысь мортөс казялөм бөрын лэбач крута бергөдчис, кытшовтіс сы юр весьтөд, вуджис сынөдтіыс нюрсө да пуксис морт узянінсянь не-ылө. «Санитар жө шусян, сэрапом, надейтчан дась кы-йөм сєян вылө,— Рытов эз вермы терпитны тайө смоль

сьод лэбачсö.— Корсьсыян, оз-ö мыйкö кöнкö эрд вылын куйлы».

Матвей дзикöдз кöтасис, няйтчис. Öнi нин сылы вöли ставыс веськодь, уйис-келiс веськыда, а уналатi некутшöм мыджöд ни кутöд эз вöв кок улас. Неöтчыдысь юрас волiсны мöвпъяс: мынтöдчыны нопсьыс да бöрын пыравлыны вольсалöм пуяс кузя, но быд пöрийö мöд, пытшкöсса гөлöс шöпкöдiс-венiс:

— Вуджа, матын нин... Коля кö — вöйö прöмысöй, корсь сэсса. А энöвтны нопсö быть лои — бара унитчис. Öнi голяöдзыс нин, муртеа пырыс эз мун, удитiс шевкнитны кияссö. Булькнитчис — вöйис ружьеыс. Повзьöмыс юковтiс кок увсяныыс юрси йылöдзыс. Ланьтöдчылис мыйкö дыра кежлö, ноп волысьяссö некыдз эз вермы мынтöдны, сэтшöм зэлыда жмитöмны пельпомъяссö. Öти местаын сулалiгөн быттö бара кыскыштiсны сiйöс увлань, вомас веськалiс ва: кöдзыд, пöдöм дука.

Öнi кос сунис нин вылас эз вöв, кöдзыд йирмög емъясөн сутшйöдлiс пидзöсьяссö, коссö. Здук кежлö син водзас сувтлiс олöмыс, но нинöм сэтысь сэтшöмсö эз аддзы, мый эськö öнi кыпöдiс ловсö. Быттö витнан дас воыс лои ва визув моз кывтöмөн. Мыйлакö воис юрас воддза войся вöтыс: кывтö, быттö, пыжөн ю кузя. Ичöтик дi вылысь казялiс кань ыджда мичаник зверöс. Повзьöмвывысьыс сiйö шыбласис öтарö-мöдарö, а ваö пырны, уйыштны куим-ö-нель воськов пасьта полой костсö оз лысьт.

«Шапка вылö тай енмыс шыбитöма»,— петiс пыжсьыс, кутiс вöтлысьны зверь бöрся, но некыдз оз вермы веськавны пелыснас.

«Он на босьт, Рытов»,— морт гөлöсөн шыасис зверьд.

«Кыдзи ог босьт, пыр на босьтлi, мый кöсйыли да...»

Кыдз тай мач моз чеччыштiс зверьд сылы юр вылас да шашаритчис сьылiас. Нетшыштö Матвей кыкнан кинас зверöс, но оз вермы, а аслас лолыс нин тырö. Сэки и садьмис, брöд кöтасьöма паськöмыс. Вöлöмкö, рытнас, пывсян бöрын, сыли гөгöрыс гаровтöм кузь сулöкнас унмовссьöма, а войнас бергалiгас зэлаляма сулöкыс.

«Пу-урт, вайöй пурт»,— кирган-сыркъялан гөлöсөн Матвей быттö кодлыськö орччөн сулалысьлысь корис отсöг.

Сэсса кутiс пессыны, корсьны пуртсö. Мыйкö дыра луйкысьöм бöрын пуртыс веськалiс кинас. Кышан пöла

сорнас ородіс шуйга волыссө, сэки личалыштіс мөдыс да нопыс торъяліс. Ноксигас бара на тюпкысыліс купельö моз. Гудыр синъясөн видзөдліс матысса вөр вылө, думсыс корсис төдса пожом, кытчө сылы колө вөлі воодчыны, но эз вермы торйөдны сійөс мукөд пуясысь, вөрыс быттьö ставнас катласис öтарö-мөдарö, увлань-юрасьліс и.

«Юр садьö вошö»,— воис вуджысьлөн юрас бөръя, повзьөдана мөвп. Зэвтис коляс вынъяссö, но пессьом-нөйтчөм вөлі весьшөрö — пыр öти местаын.

Но недыр мысти прөсек кузя нюр дорö петісны кык лесничөй, найö и казялісны пласътвидзысь вакуль кодь мортос. Шапкатөм, юрсяныс кок улөдзыс быттьö мавтöма сім рөма нюйтөн. Копыртчөмөн кывзыштөм бөрын öтиыс горөдіс: «Ловья, другö!» Сэсся лыа кыскалан машина вылын нуисны больничаö. Дыр сэні куйліс-бурдөдчис. А сэтысь петөм бөрын Матвей сэсся эз нин ветлыв вöравнысö.

ТАР КОЙТ ВЫЛЫН

Кор водзджык лөсьөдчан, урчитан петан лунтö, кадыс нарошнө муно ньөжйö. Вильлунö аддзысьлім өрткөд, шум ветлыны тар койт вылө, сійөн и кольөм вежоныс сэтшөм кузьөн кажитчис. А талун со вожазьөмны кыкөн ичөтик мотоцикл вылө, быттьö осёлос кокъяс костö пешалөмаось, вына машина таркөдө-нуö вөр кыскалан туйөд. Öтчыд и верман петавлыны вөрö — дас лун тувсовья вөралан сезонас.

Тар койтөм йылысь сёрнияс уна кывлі, но аслам синъясөн аддзывны эз удайтчыв. Водзті асывьясын налысь кургөмсö позьöма кильчө вывсянь кывны. Бать шуліс: картофпель му вылын, пö, куйөд чукөръяс костын быд тулыс косясьлісны вөр дорас. Школаö на котралігөн кык сикткостса кыддза вөрысь частö аддзывлім найөс. А талун ми комын верст сайö вөрзим. Вöраиньясті лымъя на, коктö песовтö осьлалігөн.

Вой шөр гөгөр энөвтім бипурийос. Енэжыс кодзула, но пемыд, би дорсяныд да ещö. Кималасөн моз ось-

лалам съорсьон-борсьон. Ёрт сувтөдіс важ керас вылын суслан мыгөра съод чукөр дорө.

— Вөчны нинөм оз ков,— висьталіс меным,— сөмыншы ни төв пукав, ачюд ставсө гөгөрвоан.

— Гашкө, өтлаө пырам,— кызкө шуштөмкодъ лои өтнамлы кольчыны сап пемыд войнас.

— Вуджла орчча койт вылө, видзөдла. Ог кө аски таті прөйдит, либө водзджык меысь вөрзян, со ыджыд пожөмлөн кос вожыс буретш чургөдчөма бипурланьыд, он вош,— кинас индіс өтка пу вылө, кодөс, тыдалө, кольөмны ягсө бөр ловзьөдөм понда, мед койис көйдыс-сө керас пасьталаыс. Қымынкө воськов сайын и ёртөс шымыртіс пемыдыс.

Чом пытшкөс дзескыд, кокъяс нюжөдны некытчө. Пидзичанясьөмнад он жө дырсө ов, кокъясыд поэялөны дай көдзыд кын му вылас. Чом дорын ни өти лыска пу оз быдмы, кималасөн малася, важ мыр вылө веськалі. Съөмөсыс сісь ставнас, доргөгөрыс чунь кызта чорыд. Пөвтор кодьяссө и вольсали улө, куткыртчи кык кусыньон. Виччыся, ружье веськыд бокрын, пуяс костөд чургөдыштөма. Көдзыд, кокныдык тірөм босьтіс, а таръяс некөн оз кывны и ывлаыс пемыд на. Қывлі: водзті гын сапөгъяс да шоньд пась босьтлөмны войсө колльөдны. Чужөмөс лөсьөді кепысьяс вылө, ланьтөдчи...

Ог төд, дыр-ө кад коли тадз, но, тыдалө, ойбыртсьылөма. Одва весьө эг пөр юр дорын дзык арөстөмысь, виччысьтөмысла сэтшөма повзи. Звиркниті-чеччи, чом стенө лоөма өшйыштчөм — пуясыс ас вылө гуль-голь пөрисны, личкисны-варөдісны. Чорыда шпорөдчөмөн кыпөдчис кутшөмкө лэбач. Вугыртөмыд вот кытчөдз вайөдіс, дзугис ставсө. Чом лөсьөдөм йылысь нем и думайтны: пасьтала восьса, да и первой лэбачсө лои повзьөдөма. Мөдлі жө тэчны-чукөртны, но өтнамлөн немтор оз артмы: сувтөда өти пу, көсья пыкны мөдөн — кыкнанныс пөрасны. А войыс абу помтөм — керас помысь тыдовтчис стенөн сулалысь вөрыс, пу йывъяс, быттө ыджыд пила пиньяс, сатшөмны енэжас.

Тайө удж дорас и суис ёртөй. Ылысянь на юөртіс: — Эз жө артмы, дзебасінсянь таръяс бокөджык лэччисны. Сэтчө волөма нин кодкө, ыргөн сутугаысь лэчьяс пасьтала окталөма. Жугөдлі ставсө, сямөд торйө шомөн пасйи, мед төдас, кызди колө кыйсьыны.— А кор матөджык ме дорө локтіс, паськөдіс синьяссө, мөдіс куснясьөмөн серавны. Видзөдлас — ёнджыка на

кутас ваксыны. Мортто сутшик босьтис, чужом выло петкодло, а ме нином ог гогорво. Шуподчысь кодь, по, дзик, рынышысь, по, быттьо петомыд. Чужомос, дерт, ачым ог аддзы, а кияс сапог голень кодьось, виж купайка съодо жо порома. Волонко, сотчылома керас местаыс, шомсялом пуясыс и чомсо вочломны. Бор сувтодлим пуяссо, пытшо паськыджыка вочим, мед кыконлы торны.

Мод асыло бара жо первойон воис оти съод тар, тыдало, медпорысыс, веськыда чом выло пуксис. Вель дыр пукалис шытог. Жмитчюмаось ота-мод дорю, мед шоньджык волі. Менсым буретш нырос модис гильодны, несюдны косийо. Мырдон кутчыся, вом пыр лолала, дулльос нылала. Сэссия тай кыз поткодис асыя ывласо повзюдчан голос: «Чюу-чу-ашии!» Модысь дай коймодысь. Дерт, тадзо висьталіс, конко, ас ногыс ылынджыкьясы: позьо, по, чукортчыны, нином, по, сэтшомыс абу. Ме повзышти: бара, мися, киссяс мян лепитомторйыд. Кыліс: чом йылын пукалысь лэччис муо. Волісь сы борын кутисны кывны борд шыяс. Гашко, кызь петук чукормис. Мыйсо найо оз вочны: усьласьоны ота-мод вылас, чечыштласны вывлань, чорыда швачодчоны бордьяснас. Дзик чом дорти прюйдитасны, весиг горд син дорьяссо аддан. Веер моз чангыльтласны крукыля божьяснысо — увсыс еджыд гоньясыс мовкнитласны ромыдас, борд йывьяссо муодыс кыкасны. А контарьяс бокинджык кургоны, налы веськодь драчуньяслон певкйысьомыс.

Друг тарьяс кымисны места вылань, юрьяссо чатортисны вывлань, лонисны.

— Кодко, тыдало, локто, — пельо гусьон висьталіс ерт, — койт корсьо-сточмодо, лонь асыло налон шумыс верст кык-куим сайо кыло.

— Лый кыконсо, дыр-о виччысян, — шуа, но эг наудит помавны шуомос, став лэбачыс ызгысисны-чеччисны, лэзисны ворлань. Сийо жо здукас чом водзо чеччыштіс нель кока руд зверь, неыджыд пон кодь. Руч волома. Товся гоныс пластьясон бокас ошйома, ичотон да мисьтомон кажитчо.

— Ак тэ, мазурик! — скорысь ырыштли войся гость выло, — аслыд эз сюр, дай мянос ворастиг колин. А сийо мисьтома видзодліс мянлань, кызди петис тодлытог, сиджо чепосйис-воштодчис. Тыдало, мудерыд неотчыдысь нин сибодчылома лэбачьяс дорю — луннас

казявлім керас вылысь руд гон ёкмыльяс — да восьсанынысь прѳста найѳс он босьт.

Кык вой узьѳм бѳрын ме гортѳ мѳдѳдчи, а ѳртѳй ещѳ на кольччис, сійѳ вир сдайтлѳма да корѳма прѳст лун.

Вѳлѳмкѳ, оз прѳста сѳтшѳм мичаа висьтасьны тарьяс койтѳм йылысь. Ветлѳй асьныд, он каитчѳй.

СТАВЛЫ ОВЛѳ ПОМ

Вѳралысь кокныдыка мунѳ визирка кузя. Мыш вылас ноптор, веськыд киас коз понѳлысь шылыд кузьбедь. Мунігас ѳтар бокѳ катовтчылѳ ѳнджыка, сы вѳсна мый шуйга кокыс неуна дженьыдджык.

Коймѳд тѳв Тикѳн кытшлалѳ тайѳ лызничатыс и унджык вѳвлѳмторйыс йитчѳма бѳрья понйыскѳд. Талун сідзи жѳ: сувтовкерис вожа коз дорѳ, Лапикыс сѳтчѳ вѳтлыліс вѳрканыѳс, а эсійѳ лыс чукѳр увсьыс тулан сюрлі. Понтѳгыд мѳй эськѳ босьтін сійѳс. Куим во коли, а вѳрти ветлысь ѳртсѳ вунѳдны оз вермы.

И со бара мунѳ чѳс туйѳд, видлалѳ окталѳм капканыяс. Окталас лым усьыштѳм бѳрын, налькьяс весьтѳ ѳшлас дуксьѳдыштѳм яй — и ставыс, ветлѳдлы тѳвбыд ѳти и сійѳ жѳ туйѳд. Гѳрба ѳльѳш суседыс тайтадз жѳ кыйсьѳ. Но, веськыда кѳ шуны, Тикѳнлѳн сѳлѳмыс оз бурмы татшѳм вѳралѳмсьыд, кыз ачыс висьталѳ: кѳдзыд чай юѳм кодь, быттьѳ, пѳ, шыш ветлан вѳрѳдыс. То ли делѳ понкѳд, ѳти увтчан шыас матыстчѳмыс мый сулалѳ, став пытшкѳсыд вѳрзылѳ. Нѳмыс вѳрын да, пон гѳлѳс серти тѳдѳ, кодѳс аддзѳма да сувтѳдѳма отсасьысьыс. Кунь-каныѳн сибѳдчѳ, мед кок улас кос ув эз трачнит, мед удитны босьтны зверѳс дзесьытѳдзыс на.

Тикѳн вочасѳн дженьѳдѳдѳ лызь туйсѳ, вель важѳннин кытшолыс гортлань сѳртчис, а нопсѳ талун эз на и разлы. Овлѳ и тадзи: вѳралѳмыд абу быдтѳматѳ гидсьыд петкѳдны. Мукѳдлаысь самсѳ сѳйѳмны, а налькйыс лымйѳн тырѳма да абу тричнитѳма. «Бара тыртѳм», — думыштис тѳдса коз дорѳ кежигмоз. Кольѳм пѳрйѳ тані тулан вѳлі чашйѳма сѳлаѳс, суѳдѳма лым улын узигѳн. Тикѳнлы кажитчис, мый октѳм налькйыс

мод ногджык куйлө, дай домалан сутугаыс зэв ёна читчылясьома. Шедлөма зверыс, да босьтөмаоьс, бура төдчис кузь киа мортлөн киподтуйыс. «Гөрба Ольошлөн уджыс,— вөралысь кытшовтис пуйас улөд, казялис зверлысь налькйө локтан кок туйяссө, а бөр мунаньясыс эз вөвны.— Код кулыс сэсся таті ветлас. Но куттөм гусясьыс абу вөр, веськыда синмас он шу».

Ольош мыйлакө кыкысь вомөналө Тикөнлысь лызь туйсө и мыйтакө воө дась лызничаөд, быттьө вөрыс сылы векни. Тикөн водзджык нин казялис капкан вөрөдөмсө, сёрнитлис та йылысь суседыскөд. Эз, дерт, сийөс мыжав-а. Но модыс, тыдалө, пыдди эз пукты өлөдөмсө. Ольош дежуритас гаражын, куйм сутки прөст, көть пыр визъяв вөрөд, сийөн и вежоннас кыкысь видласьө. Выныс пыдөстөм и: картофель куляс таг мешөкъясөс моз вөдитө. Картофель да табак и пуктылө град йөрас. Табак град вөсна Лапиксө сылысь виис.

Вөр лэдзысьяслы дялянкаяс вундалөм бөрын лесник воис гортас, гөтырыс Тикөнлөн пыр и бөрддзис. Лапик понйыс посводзын пласътвидзө, весиг көзяинныслы паныд чеччыны эз вермы. Вөлөмкө, мынөма дом йылысь, уськөдчөма Ольош йөрын няргысь каньяс вылө, бура войлөдлөма найөс табак град кузя. Сэтчө и суөдөма Гөрба Ольош, өшинь пырыс косьыштас-лыяс, сэсся потшөс вомөныс шыбитөма вирөн ойдөм понсө. Тикөн эськө петавлис жө сусед ордас да мый сылысь босьтан лоөм бөрад, дульнас резөмөн сийөс жө пинялис: понкө, пө, лөсьөдөмыд, аслад йөрад и видз, лэчьясысь, пө, сьөлаяс оз мод өктыны арын. А лэчьясөн Ольош кыөма матигөгөрсө вөрсө, пукьяс кө сьөла муө, оз нин кыпөдчы. Кыйсян кадөдз ставсө налькъяс.

Та бөрын Тикөнлөн быттьө борд пөлыс чеги, быттьө мыйкө воштөма. Лапик эз кув, но бөръя кокъясыс омөля модисны кывзысьны, час кымын котралөм бөрын на вылө сувтны оз вермы. А лөк поводдяө оз и чеччыв, оз сөй ни. Вөралысьөс нөшта на шогыс бертө, кор думыштас Лапикөс быдтөм йылысь. Сыөдз вит кычан босьтлис, кызкө ставыс ненөгөн вөлі, ни өти кок йылө эз сувт. Көть Тикөн енлы ни беслы оз эскы, мыйсө сөмын эз вөчлы. Гөртө вайөм бөрын кычипилысь чушсө ыджыд пач бөкө нирыштас, то пызйыштас тшын пыр ваөн, то солөн пызыныштас кык пель костсө, то гөбөч өшиньөд туюкнитас сап пемыд войө — ставыс весьшөрө. Ковтөм понъясөс тай морыс оз босьт, улич кузя прөйдитны он лысьт, торйөн көлысьяс дырйи, кукань

кодъ ыджыдось, коть мукодыс вовсьо оз тодны ассыныс козяиньяссьо. Лапикос Тикон ыджыдкодьон нин ва-йис гортас, орчча сиктын чойыс быдтис куим толысьодз.

Тикон некымынысь нин косьысьлис мынтодны понсо мучитчомсьыс, но кыис эз лыб. Сэсса отчид смелмодчис жо. Неуна юыштoм юрoн, мед некод эз аддзыв, босьтис ружье да зыр, шутевтис понмыслы. Лапик быттьо тодис, мыйла татчо нуодисны сийос, исыштис коз улo шыбитoм яй тор, но сейны эз мод. Тикон термасьомон лэптис курок, увьяс костод чургодис ружьесо. Но мый сыкод лоис?! Киясыс тиралоны, синьясыс гудыртчoмаoсь, быттьо ру пыр аддзо, оз вермы весьтасавны муш-касo даc воськов ылна понлы. Юрсо полынтыштoмoн Лапик видзодлис козяиныс выло, божсо сюркнялис бор кокьяс костас — сийос неуна тиродис. Бывлаын воли ром-дандор, но морт казалис, кыдзи кымынко югыд сикотш моль торьялисны понлон вижоват синьясысь. Сэки Тикон шыбитис ружьесо, пидзoсьяс вылас лэдзчысьомон шуалис: простит, Лапик, простит, верман ко. Аслас пон-йислон моз жо синваыс лэччо. Син водзас ясыда сув-тис кольомаыс, кодос вунодны сийо оз вермы...

Фронт вылын веськалисны минометной би улo. Не-ылын сьвкнитчис муыс вывлань, быттьо паличон куч-кoмысь сконйыштчис мышыв. Ертьясыс котортоны водзо, а сылон кокыс куш кучик помас летьяло. Юрас лек мовпьяс волисны — модлис курасьомон кыссыны бо-ко летитом автомат дорас, кытчодз садьсо эз вошты. Бурдодисны врачьяс и они на со кока, сомын тай дже-нныдджык неуна-а. И Лапик на, гашко, вермас бурдны.

Бур родысь, Лапик кык арсон откодя мунис зверь и потка выло, торйон чорыда увтис туланос дорo: весь-калас ко сылон кок туйяс выло, ниномон он кут, ставсо вунодас. Сидз отчид ноябрь праздник борын кык лун вотлысисны тулан борся. Порысь зверь веськалис, енджыка пуаломон вор йывти воли пышйо, сутш кежло и лэччылo муo. Сэсса муртса на кенясьом Сыктыв ю во-мон вуджис. Кор Тикон петис берег дорo, понйис са-жень куим-o-нель сайын вийсьо: водз кокьяснас зильо кавшасьны йи выло, а стекло кодь вoснийд крошитчо, сэки Лапик вошавло ва пиo, купельo моз. Козяинисо казьялом борын эсько сылань модис варччыны, но берег дорлань йиыс кызджык волoма, эз мод жугласьны и вылас оз вермы кыподчыны. Нора никостом борын во-ралысьлон ворзис сьолoмыс — тайко бара понтог коляс. Тикон ки улас веськалом зорйон модис жуглыны йисo,

коскӱдзыс сӱника ваӱд келіс понлы паныд. Косіно пето́м бо́рын выныс муртса тырмис о́дйӱджык биасьны да пыдзравны ко́тасьом пасько́мсӱ.

Сідз тай и лоӱ отсасьны о́та-мо́дыдлы вӱрті ветлігӱн. Бур сьӱло́ма нель ко́ка е́ртыд ставсӱ го́гӱрвоӱ, со́мын висьта́вны оз ку́ж, и не́кор ко́зьяинӱс оз ву́зав, ко́ть ловсӱ ачыс пуктас. Воддза воӱ гортсянь на кайигӱн Тикӱн вӱралан керкаӱдз эз во. Муртса ке́жис вӱр кыска́лан туйсянь, по́дтыны мо́діс, сьӱло́мас сутшкыны. То́до висьянсӱ да о́дйӱджык мынтӱдіс нопсӱ, кыв улас сюйис бурдо́дчан кизь, ню́ждӱчис нитш выло́. Во́лі шондіа арся лун, но ыркыд, корья́ пуяс пасьто́мось нин. Ко́нкӱ бо́кын увтчис Лапик. Сэтчӱ и ойбыртсьо́ма. Садьмис: понйис ульӱн сѳйӱ-увтӱ, ылынджык морт го́лӱс кылӱ. Во́ло́мкӱ, Лапик дыр виччысьо́ма ко́зьяинсӱ, сѳсся локто́ма дінас, нитшкӱн да гы́лалӱм пу корья́сӱн тырто́ма Тикӱнос, ю́рис, по́, да сапо́г по́лыс и тыдалӱ. Ачыс орчӱн пукало́. Код то́дас, мый мо́впаліс кывто́м немӱсыс тадзсӱ во́чигас. И о́ні со прӱйдитысь вӱралысьӱс матӱ оз сибӱд: усько́дчылас сы выло́ эралігтыр, бара воас места вылас. Се́ро́нджык, кор Тикӱн куйліс больничаян, Лапик кык ве́жон чо́ж эз вешйыв о́шинюлысь.

...О́ні Тикӱн дзико́дз мудзис и ветло́мыс лои весьшо́ро. Ко́лис видзо́длыны бо́рья нальк, гортсянь неылын нин. А ю́рас пыр о́ти мо́вп жуӱ: кызди пуктыны пом пакӱститчӱмыслы. Суны места вылын он вермы. Ко́ть и суӱдан, мый сыко́д, о́сло́панко́д, во́чан, а яно́до́мыд Го́рба О́льӱшлы, мый тайӱ пуясыслы.

О́сло́пан и эм да, мый ко́ть го́рба, тужа ни ну́жа эз то́длы, войнаысь го́рбыс жо́ мездіс. Йо́зыс вир кисьтісны да ловнысӱ пуктісны, а сійӱ лавка да пекарня видзис, сѳян-юантор сѳні пыр нин чуктыштліс. Во́дитчис армияӱ муно́м вӱралысьясло́н дась чо́с туйя́сӱн. Кыкысь пыртліс ю́бка новлысьӱс да кодкӱ мо́й вермис о́вны сы ордын: сылы пыр этша уджалӱма да уна сѳйӱма, сідзи и во́тліс кыкнан нывбабасӱ... дитясыскӱд. Йо́зыслы тай висьта́влӱма ачыс: лыйӱм бо́рын пуӱ о́шйӱм урла кавшасяс, бо́рсӱ лѳччигӱн кос увйӱ тувччас да шняпкыяс-усяс мыр выло́. Збыль вылас жо́ дон пыдди го́рбсӱ ко́зьянавло́мны: чери кыйысь кыйӱдо́ма берег дорын (кодкӱ велалӱма куло́мсӱ пыркӱдны), клеснитӱма го́рбас зорйӱн. Тикӱн бура то́до и О́льӱшлысь батсӱ, шапка́сӱ во́лі оз и босьтлы ю́рсьыс. О́тчыд го́бӱч вывьяныыс кымыньӱн кыссис стендорса джаджйӱд паныда пельӱсын пирӱгьяс дорӱ. Пи́ыс сѳки ко́колюкаӱн

мөдiс гурйыны, кытчөдз кималасөн эз бергөдчы бөр. Кодкө юр кучиксө кымөс вывсяньыс кульыштлөма баялбөжөдзыс, сы бөрын и синтөммөма. Пияна ош вылө, пө, веськавлі,— норасьлөма ачыс. Кодкө эскис, а кодкө и эз — ветлөдлөма жө йөз чөс туйясөд.

Мыйта көть тай туйыд оз чукльөдлы, кытчөкө петкөдас жө. Ставлы пом овлө...

Боръя коз улө кежигөн Тикөн ылісянь на казяліс вижовруд ёкмыль, радджык лои. Көсйө нин вөлі мынтөдны кыйдөссө да думыштчис: «А пасья кө да кольла места вылас? Вельмис кө нин, лудөны кө киясыс, кучысьны оз вермы, босьтас». Тикөн поткөдыштіс зверлысь өти пельсө, пуртнас жө воддза веськыд лапасыс нетшыштіс өти гыж.

Мөд луннас гөтырыс шуис Тикөнлы:

— Талун тай бара карта сайясөд төвзис-а. Этша ли мый нин воштін, дона куа зверөс колян.

— Гашкө и оз босьт, гашкө и эз вөрө кай,— дорйыштіс суседсө Тикөн.— Аски водзджык котөртла, места вылас кө туланые, вая, а то перкьяс кокаласны.

Лун мысти удж вылө мунігөн Тикөн пыраліс куяс примитысь дорө, висьталіс, мый капканысь вошис пасйөда тулан. Дыр виччысьны эз ков, аскинас и триньөбтіс телефон. Тикөн нуөдіс заготпунктө тшөтш ёртсө. Гөрба Ольөш букуша видзөдліс воысьяс вылө, буркнитіс приёмщиклы:

— Квитанечсө гиж, тэрмасы, али пырала мөдысь.

— Нөрөвитлы, пыр кытчөкө тэрмасын,— приёмщик лэптыштіс ныр вывсьыс өчкисө, мыччис Тикөнлы тулан ку.— Со, вожа пеляйд, висьтавлін тай...

Тикөнлы син улас уси стенин өшалысь безмен. «Мөд гөрб вөча... верблюдлы моз»— кватитіс безменсө да шеныштчис. Но шмака пома көрт палич гусясьысь мышкуөдз эз во, Тикөнөс бөрсяньыс кутісны.

РУЧ КЫЙӨМ

Таво төв заводитчигөн нин мойвиис паныдасыньы эзв төдысь морткөд. Ноябрь празник кежлө нылөй воліс Сыктывкарысь. Бөрсө лэччөді аслам машинаөн.

Тэрмасьны эз ков, узымөдчи гөтыр чой ордын. Асывнас карсянь медводдза сикт дорын кисö лэптис ыджыдкодъ нопья мужичöй: пуксьöд, пö. Сёрнитчим. Вöралысь вöлöма. Руч, пö, кыя. Кольём төв комын гөгөр дона зверöс босьтöма. Чуймылі висьтасьём бöрас. Сьölөм вөрзыштис.

Висьтасьём серти, зэв кокниа сылөн артмö. Арсяньыс, пö, лым усьтöдз на, туй бокьясас гуяс кодъя. Шöрас кымын нальк сяма джодж лöсьöда, кытчö сэся пукта самсö. Мед, пö, сöмын вывсянь эз вермы судзöдны, быть чеччыштас—джоджтор вылас, пöръясыяс да усяс гу пыдöсö.

Верст кызь машинаөн мунём бöрын пассажир корис сувтлыны.

— А мый сэтшöмсö,— водзö вөрзытöдз юала сылысь,— пуктан гуас? Гашкö, ловья шырьясöс, мед кылис чипсöмсö. Ручыд ёна, пö, найöс радейтö, али...

Ёртöй вак-вакөн серöктис сьölөмсяньыс:

— Ловья шырьяс пö! Код нö найöс кыяс? Чипаньяс со мешöкын. Куштытём чипаньяс.

— Чипаньяс?— паськөдi синьясöс.

— Мый нö... Чипан видзан фабрикаысь тулыснас босьта, лун-мөдсясöс. Быдта арöдз. Да и сiдз на сэтысь сюрö: кодi кулö, кодöс бракуйтöны. Ачым сэн жö уджала.

— Но,— шуа,— бура тай тэнад артмö. А öни нö позяс на сiдзсö вöчны, шуам, видлыны кö меным?..— юала сылысь торйöдчытöдз.

— Мыйла нö оз. Ыджыд кöдзыдьяс эз на вöвны, муыс пыдö эз кынмы. Ме некымын во нин öти местаöд ветлöдла-а,— кыйсысь чöвтис нопсö пельпом вылас, веськөдчис вöрлань.

Локтигчöж юрын бергалис кывлём сёрниыс. «Мед кöть,— мөвпала,— сёрни костын эз гарыштсыы кодлыкö кывлёмторйыс. А то паськалас кö, орöдасны руч рöдсö».

Сутки дежуритi кочегаркаын, водзын куим лун прöст. Лунтырөн кытшовтi сикттö. Магазинысад колькыйд оз быравлы, да чипантö öни шоча кодi видзö. Мися, кынёмөн майшася, нуртём шыд эськö гортса чипанысь,— кодсюрöлы тадзи висьталi. Век жö нель чипан удайтчис ньöбны. Сэсяя магазинысь вит-ö-квайтöс судзöдi. Сы бöрын кык лун лөмөн да кöрт зырийөн гуяс кодйи. Жуявтöдз лои мырсыны. Но сьökыд удж лои вöчöма: дас нальк, дас чипан виччысисны ручьясöс.

Позяс шойччыштны öнi. Тэрмасьны нинöмла. Мед му-дер вöрса зверь велалас, мый ставыс тайö лöсьöдöма абу юр воштöм вылö. Да и веськалас кö, некытчö оз вош. Куыс оз доймав ни. «Быд нальк вылö кö руч во-ас,— мөвпала,— зэв нин бур. Уджсö и рöскöдсö вевт-яс».

Октасьöмсянь колис кык вежон. Ки вомлöс лым уси тайö каднас. Мися, вильöн лэптöм мусö, морт дукьяссö сийö венас. Тайö кивыв кыйсьысьлы. Аслым телепит видзöдлыны, оз-ö нин чуксась кыйдöсыс да оз-ö нин позь «чукöртны» мыйтакö. Вöралан понийö лун-лун гортö оз волы, кöлысясьö. Повны оз ков, оз вöтчы. Татшöм каднад кöть чуксалан сийöс, пельнас оз вöрзöд. Мöд пон торкö менö. Гожöмнас на гöтыр карысь вайис кутшöмкö понийöс, син ни пель некöн оз тыдав. Юрсянь кок улöдз весьт кузьта гөнөн вевттьысьöма. Лун кост мысти пеласян ворйын майтöгөн мыськö. И писка зэв, морыд. Яя шыд ва тай чурскыштас-а. А сiдзсö преник-печенньö вылын и олö. Колис жö ветымын шайт сетны та вылö. Шуö: рöдмöдны, пö, кутам татшöм живöтинасö да пиянсö вузавны. Карын, пö, öчередь татшöм кычанъ-яс вылас. Мукöд, пö, кык-куим энъ понийöс видзö, дзонь ферма лöсьöдöма, машина вылö сьöмсö чукöртö. Дивö тай — кывза и шензя. Веськыда кö шуны: чöскыдджыка сёйöм бöрын меным сьöлыштны сы вылö оз кöсйысьы. А мый медся лёкыс — бöрсяньыд и вöтлысьö. Кытчö тэ, сэтчö и сийö.

...Вөрö петi лызьөн, кокниджык нин. Сикт сайын, мөс карта дорын, ручыд ёна и гижöма-ветлöма. Мыйкö кодйысьöма-перйысьöма куйöд чукөр улысь. Сэн жö и лэптылöма бөръя коксö да пасйысьöма. «Но,— шуа,— ветлöдлö кö матiгöгöрын, вöрса видзьяс пöлөн быть нин шöйтiс-корсьысис. Гашкö и...» Содтышти мунан öдöс.

И збыль, видзсö вомöналöма руч кок туй. Неылитi и прöйдитöма дзевöм чипан дортi. Но абу весиг сувтов-керлöма. Тыдалö, пöт, морыд. Либö ныристöм зверь. Гу гөгöрыс сьöдбöжъяс гыöмаось-ветлöмаось. Вель дыр нин пируйтöмаось танi, чипанлөн куш лыыс и кольöма. Гашкö и бурджык, думайта, матыстчас кö тугья бöжа-ыд, озджык бöрынътчы: ветлöмаось, пö, тай да, нинём. Но водзынджык казялöм серпасыс шензьöдiс. Дась пунктöмасö оз сёй, а вöрас öти восьсаиннын кыссьöма лым улö узьмöдчöм сьöла дорö. Небось, кылöма ыли-сянь. Кутöма öд!

Нель-ö-витысь нин та бöрын кытшовтi чöс туйöс и

пыр тыртөг коса. Тыдалө, руч чукөртысыд медся коланасө абу висьталөма меным. А гашкө и аслам мыйкө стөча эз артмы — ручыд оз пыр гуө, весиг оз матыстчыв. Юрө нин воліс: гашкө, мися, жаритны коліс яйсө, бурджык лои. Весьшөрө лои лётъялөмыс. Гөтыр нин видчө: уджыд, пө, эштөма да лун-войсө прөстө сөян. Торйөн лөгасис, кор быдтасыс сылөн кытчөкө вошис. Тэнад вөрө ветлан лунө пө синма-ныра костысь воши. Гусялісны, пө. Луныс, пө, зэв гажа да, сутш кежлө и лэдзли гуляйтыштны кильчө помө. Петі керкаысь, дукуыс абу.

Шуи бөръяысь петавны вөрө, сэсся дугдыны дзикөдз. Ульдылөм бөрын усьыштіс гөн кодь небыд лым. Лызьяс исковтисны шытөг. Он вөйлась ни. Қопыртчи медводдза гу дорө — джоджыс шөрвьяс абу. «Но,— шуа,— веськалін жө, мути». Лэдзчыси пидзөсьяс вылө, а пидөсас ручыс оз тыдав. Лымнас, тыдалө, тырөма. Гудйышті лызь беддён: мыйкө еджыд гөна тыдовтчис. «Абу-ө коч чеччыштөма гуас?» Мый нө, повзьөмйивсьыд вермис и веськавны войнас. Пөрччи лызьөс да ачым копыртчи, кыйдөсөс лэпті веркөсас. Адөй-адөй: асланым понйөй куткыртчөма, коньөр, кымөма. Повзьяшті быдөн. Кольөм шойччан лунө лэдзөмаөсь керкаысь, а сійө лыйыштөма лызь туйөд, кытчөдз рөкыс абу суөма. Мый, думайта, гортө нуа кулөмасө, ковмас бөр жө вөрө катөдны. Бөр лэдзи гуө, тырті лыс лапьясөн да лымйөн. Сөмын кызди та йылысь висьтала гөтырлы? А гашкө и ог...

ВЕН

(вөвлөмтор)

Митрей Ольөксейлөн таво шойччан кадыс ар кежлө лөсяліс, көсйис вөр-ваті ветлөдлыштны. И со воис луныс, кор удайтчис петны пармаө.

Поньяс гажтөмтчөмаөсь жө небыд нитш вывті котралөмысь, увтчиг да чеччалігтыр вуджисны сиктдорса муяс. Октябрь шөр, а поводдяыс шоньд, весиг корьяс пуяс вылын абу на помөдз гылалөмны. Ольөксей вуджис некымын шор визь, веськөдчис Лопью береглань, тайө кадө сәні сьөлаяс чипсасьөны.

Яг дорын, увтас местаын, понъяс мѳдісны горша, орьѳдлывтѳг увтны. «Ай йѳра сэн важысянь жикруйтѳ, понъяссьыд ёнасѳ оз пов, со и ѳти местаын тьявѳны», — мѳвпыштис вѳралысь да тэрмасьтѳг мѳдіс лэччыны чѳй горув. Понъяс, тыдалѳ, гѳгѳрвоисны кѳзяиныслысь матыстчѳмсѳ, мѳдісны «ульѳн» сѳйны-увтны. Ѳльѳксей сувтовкерис. Мыйкѳ съѳд, турун юр ыджда вуджрасис прѳсек вылын, ньѳжйѳник матыстчис нюрлань. Сынѳдыс руа, да и ылынкодъ на. Морт виччысьѳмѳн вѳчис ещѳ кымынкѳ воськов. Ош вѳлѳма. Ѳні бура тѳдчис сылѳн мыгѳрыс. Нѳльнан кокнас муас мыджсьѳмѳн, бѳрѳн мыйкѳ деритис-кыскис нюрлань. «Эн-ѳ нин вожа гыжасѳ чергѳд? Сетчис ѳмѳй?— Ѳльѳксей ещѳ на сибѳдчыштис саймовтчѳмѳн.— Ош туша жѳ някралан да!? Кыдз нѳ тадз вермис лоны? Али гуавны кыскан кулѳмсѳ нин, асьыд рѳднѳтѳ он кѳсйы катша-ракалы энѳвтны?»

Вѳралысь мѳвпалігкѳсті ош тэрмасьѳмѳн кыскис мѳд ошсѳ шошаѳдыс водзѳ и водзѳ. Сэсся, тыдалѳ, тѳлыс вайис нырас мортлысь дуксѳ, кузя исыштис сынѳдсѳ, равѳстис вѳр тырнас да ещѳ на сюсьджыка да зіля кутчысис аслас уджѳ. Понъяс кѳть усьласисны ѳтармѳдарсянь, матѳ сибѳдчыны полісны, да и зверь найѳс эз пыдди пукты, сѳмын шѳчиника мурѳстыштавліс.

Ѳльѳксей некодлы на, съѳлаысь кындзи, зарадсѳ эз лѳдзлы, но висьтъяс серти бура тѳдіс ранитчѳм ошлысь скѳрлунсѳ. Сѳк сылѳн вир-лѳгыс пузьѳ, нинѳмѳн оз лыддысь. Син водзас сувтис шуштѳм серпас сусед йывсьыс. Ошкыд велалас Пиля дедрѳн чѳс туяс. Мунѳ Пиля, а чѳс пѳвъяс туплясьѳны бокрын, кыйдѳссьыс гѳнторъяс сѳмын кольѳмаѳсь. Но и мѳвпыштас велѳдны мыжасѳ. Ѳтка пуляѳн зарадитѳм ружье домалас ордым бѳкѳ. Йѳзлы та йылысь юѳртас, мед эськѳ эз ло неминуча. А ачыс Пиля октѳм пищальсѳ ыліті кытшовтліс. Но и ошкыд мудер вѳлѳма — морт туйѳд жѳ ветлѳ. Кытчѳ кежлѳ кыйсьысь, сѳтчѳ жѳ и пыралѳ. Век кытшовтѳ зарадитѳм ружьетѳ. Важ мѳзыс пакѳститчѳ дай смекайтчѳ.

Пилялы кодкѳ тшѳктас сутуга лэч октыны дзескыджыкинѳ, аслыс пырыс прѳйдитны, гашкѳ, пѳ, сѳки дзугяс. Сідзи и вѳчас мортыд. Сэсся коркѳ воас — местаыс быттьѳ тѳдтѳм, пожѳм да коз понѳльяс вужьяснас пуз-паз вѳчѳмаѳсь. Видзѳдѳ: ошкыд ловья, пукалѳ нѳрѳм конда вылын, синъяснас веськыда сѳйѳ локтысь мортѳс. Пиля лыяс пистонка пищальысь. Ошкыд

сы вылө. Сідзи и кувсис дойяссъыс Пиля пöль. Тайö ёна нин важөн вöлі, челядь дырйиыс, а со Öльöксей век на помнитö.

...Вöралысь пыр на сулаліс пу дорын, шемöса видзö-діс шензяна серпас вылө. Сэсса сьöрсьён-бöрсьён гры-мöбтіс-луйиыс кыкнан стволсьыс вывлань. Виччысьтöм-ысла зверь равöстіс мисьтöма, бергöдчис да тövзис нюрлань.

Кор аскинас воисны унджыкөн, ош туша вöлі важ местаын. Вöлöма абу ичөтджык тöрытья ловъясьыс. А кызди сійöс песöмаоь! Шуйга боксö косявлöмаоь, сювъясыс ортсыынöсь, пель дорсьыс сьылі кузяыс эрс-видзис восьса рана. А кокъяссö быттьö няръян пыр лө-дзöмны. Вермасьöмаоь тасянь воськов сё сайын. Но и чорыд кось вöлöма. Матысса пуясысь, кытчöдз судзö-маоь, чайшöмаоь кырсьö, быттьö гогналöмаоь. Ты-далö, тышö вотöдз зильöмаоь петкөдлыны, кодныслы колö татысь весасьны. А мусö гөрöмаоь быттьö трак-торён. Пасьтала тöдчисны сукмём вир войтьяс, тупля-сисны кучик сорён нетшкём гөн лестукьяс.

А мыйысь воисны венас пармаса кык кöзяин, некод висътавны оз вермы. Кулём зверыс вöлі энь. Сідзкö виис сійöс энь жö. Эня-ая костын зверьяслөн чорыд зык-шумыд оз овлы. Мый найö эз юкны? Гашкö, мö-дыс воис участкас, кöні вöлі нин кöзяиныс. Гашкö, на-дейтчис вын вылас да лöсьöдчис пырны дась лöсьöдём гуö. Гашкö, водзынджык нин паныдасьлісны векни ор-дым вылын да неокотапырысь öтиыс сетліс мöдыслы туйсö. А гашкö... а код тöдас, некод öд эз аддзыв, кы-зди ставыс заводитчис.

ЮРИНДАЛЫСЬ

Мурзик воис бөр	3	Воксянь письмө	43
Еджыд бобувьяс	7	Челядылы сиём олём	46
Муса мамöлы	9	Яндысьсысь морт	50
Пионерскöй лагерын	11	Мöдысь оз лок	64
Коль чукöртигөн	13	Терпентин	65
Чери кыйысьяс	18	Кирöлөн шог	77
Войколөн	21	Арся войö	81
Коді ёгöссис	30	Мудер зверь	85
Урокьяс бöрын	32	Медбöръяысь вöралём	94
Кöза йöв	34	Тар койт вылын	99
Вöрса прöсек вылын (вöв- лёмтор)	36	Ставлы овлö пом	102
Быдтасьяс	39	Руч кыйöм	106
		Вен (вöвлёмтор)	109

Василий Павлович Торопов

ПОСЛЕДНЯЯ ОХОТА

Рассказы

На коми языке

Для детей старшего и среднего школьного возраста

Редактор *А. В. Тентюков*. Художник *В. В. Токарев*. Художественный редактор *В. Б. Осипов*. Технический редактор *А. Н. Вишнева*. Корректор *М. М. Лужикова*.

ИБ № 1574

Сдано в набор 22.05.90. Подписано к печати 10.10.90. Формат 84×108^{1/32}. Бумага № 1. Гарнитура «Литературная». Печать высокая. Усл. печ. л. 5,88. Усл. кр.-отт. 6,2. Уч.-изд. л. 6,14: Тираж 3000: Заказ № 6720. Цена 25 коп. Коми книжное издательство, 167610, г. Сыктывкар, ул. Карла Маркса, 229.

Головное предприятие Коми республиканского полиграфического производственного объединения, 167610, г. Сыктывкар, ул. Первомайская, 70.

25 к.